



14.5.H.4





FRANCISCI VICOMER-
CATI MEDIOLANENSIS
PHILOSOPHI REGII

In eam partem duodecimi libri metaphys.
Aristotelis, in qua de Deo & cæteris men-
tibus diuinis differitur, Commentarii, vnà
cum eiusdem partis è Græco in Latinum
conuersione.

A D
CAROLVM BORBONIVM
CARDINALEM VINDOCINENSEM.



PARISIIS,

Ex typographia Matthæi Dauîdis, via amygdalina, ad Veritatis insigne.

I S S I.



ILLVSTRISSIMO, OPTI-
moque Principi Carolo Borbonio Cardinali
Vindocinensi Franciscus Vicomercatus S.



VVM multarum rerum cogni-
tio illustrissime Princeps, Cardi-
nalisq; amplissime homini præ-
clara, eadēque utilis est, tū præ-
clarissima & utilissima sui cuius-
que & Dei optimi maximi. Il-
lam pro foribus templi Delphici, vt Plato author
est, inscripta, & ab Apolline, vt Socrates arbitra-
tur, profecta verba *γνῶθι σεαυτὸν*, præceperunt. Ean-
dem, & quæ Dei optimi maximi est, cuius etiam
quædam in animis omniū naturâ insita notio vi-
detur, vt rem summè necessariam, præstantēque
& omnibus expetendam philosophia omnis, tum
humana, tum diuina. Ac, vt cognitionis vtriusque
admiranda præstantia, summāque utilitas vno ferè
verbo cōprehendatur, illa, ne infœlix quisque & mi-
ser sit, efficit, hæc longè diuinior & admirabilior,
non solū ab infœlicitate, & miseria hominē libe-
rat, sed eundem fœlicem, beatūque etiam reddit.
Quid enim homine seipsum ignorante infœlicius,
quid eo, qui Deum nouit, beatius esse possit, non
facilè est excogitare. Quapropter ad vtranque hęc
cognitionem, veluti ad summum bonum, cætero-
rum bonorū omnium fontem, cunctorūque ma-
lorum declinationem, ante omnia nanciscendam
toto animo cuique incumbēdum, spiritūsque om-

nes, & neruos intendendos esse, qui non putat, is mihi in Cimmeriis (vt aiunt) tenebris videtur versari, & in luce splendidissima cecutire. Cùm verò fœlicem, quàm non infœlicē esse, longè præclarior diuiniúsque & iucundius sit, ad id vnum imprimis, vt Deum noscât, aspirare omnes debent, cùm præfertim ad sui cuiusque cognitionem, maximū Dei cognitio atque incredibile afferat momentū. Nam seu animū nostrum dūtaxat (vt multi rati sunt) seu omnino nos ipsos (quicquid sumus) agnoscendos nobis, cū noscere se quēque oraculum præcepit, intellexerit, ea omnis profectò cognitio ex Dei cognitione non minima ex parte videtur proficisci: quippe cū animus noster diuinū sit quiddā, & veluti Dei particula ab illius mēte decerpta, nōsque id omne, quod sumus, quemadmodum cælum & natura vniuersa, ab illo pēdeam⁹, ac, vt de Theologia nostræ arcanis aliquid adiiciatur, cū omnes ex Adę peccato periissemus, eius sola incredibili bonitate, summāque liberalitate reuixerimus. Quoniam autem Dei cognitio, præter eam, quam quisque ex pulcherrima hac, quā spectamus, mundi fabrica, ordinēque rerum, quæ eo cōtinenter, admirando, nisi omnino stipes sit, aut caudex, nanciscitur, bifariam accipi potest, cū ex philosophorum libris, tum verò ex sacris literis, posterior hæc omnibus numeris absoluta est. Altera, quam philosophi, Aristoteles potissimū & Plato tradiderunt, in multis quidem manca, sed tamen quæ negligi

non debeat, imò verò plurimi fieri, quando tenden-
tibus ad eam, quæ perfecta est, Dei cognitionem,
splendidissimū lumen adfert, doctorūque homi-
num ingenia excellentia, quæ nisi ratione cogi so-
lent, in multis religionis placitis confirmat. Nec
verò ij laudandi sunt, qui, cū Dei cognitionem
ab hisce philosophis non absolutè traditam intel-
ligant, aut in his, quæ ab illis de Deo conscripta
sunt, nonnulla, & pauca illa quidem, cum religio-
nis pietate non planè consentientia, ab illorum li-
bris, in quibus hæc traduntur, vt à certa animorū
peste abhorret. Quod hominum genus Gregorius
Naziāzenus acriter reprehendit, *σκαίους καὶ ἀπειθήνους*,
hoc est, rudes & imperitos vocās, illi magis probā-
di, magnāque digni cōmendatione, qui iis, qui re-
ligioni videntur aduersari, prudenter, firmoque, &
stabili iudicio repudiatis, cætera sapienter appro-
bant, & cū philosophorum placita cum sanctis li-
teris aptè & congruenter coniungunt, maximum
decus, firmūque robur religioni asserunt. Quod
apud Græcos à Basilio magno & à duobus Grego-
riis, vno Nysseno, altero Naziāzeno, apud Latinos
à Thoma (quanquā sanctus ille ac pius vir, aliique
multi, qui cum sunt imitati, pietate (vt puto) & re-
ligionis cōfirmandæ studio ducti, in philosophia,
rationibūsq; humanis cum diuinis literis cōiun-
gendis limites fortasse excessisse videātur) sapiēter
est factitatū. Quorum prudentissimū, sapientissi-
mūque iudiciū omnibus, qui in sacris literis ver-
ā.ij.

farétur,semper putauī amplectendū esse,in animó-
que nunquā non habui, ea, quæ hi philosophi de
Deo disseruissent,cū strictim & obscurè tradita in-
uenirétur,quo facilius ad eorū intelligentiā aspira-
re omnes possent, cōmentariis illustrare. Cū ve-
rò rebus naturę explanādis me totū tradidissem,id,
vt ordine progrederer,post illarū explanationē fa-
ciendum mihi esse constitueram. Sed tu princeps
Cardinalísque illustris.vt ordinē constitutū inuer-
terem in causa fuisti. Cū enim animū meum tui
obseruantissimum haberem,tibique addictissimū
me esse intelligerē,eāmque meam,quā te colerem,
summā obseruantia,tibi omnibúsq; aliis signifi-
care,& tuis erga me meritis aliqua ex parte satisfac-
cere cuperē, re alia nulla cōmodius fieri hæc posse
existimaui,quā si tibi,quē sacris literis,vt digni-
tatis tuę altissimus,in quo positus es,gradus postu-
lat,operā nauare noueram,cōmentarios eiusmo-
di conscriberem,tuóque nomine in lucem profer-
rem. Cur autē tui obseruantissimus,tibique deuin-
ctissimus nō essem,qui cū summa nobilitate(nulla
nāque si antiquitatē, simul & virtutē,gestā p̄clara,
regni maximi perpetuā,antiquissimāque succes-
sionē spectes,hac,qua flores,in orbe terrarū maior
nunc cernitur)cū maximo itē in ecclesia Dei digni-
tatis gradu innumeras virtutes cōiūxeris,incredibi-
lem erga omnes,etiā humiles & abiectos quosque
humanitatē, benignitatem,probitatē, liberalitatē,
equitatē,eruditionē,in literatos viros fouēdos pro-

mouédósque animū propensum, aliásque eximias
tuas virtutes, quæ tuorū etiam propinquorū, Ludo-
uici Borbonij (vt Henricū regem, principē optimū
nunc mittā) Cardinalis amplissimi auunculi tui,
Antonij Borbonij ducis Vindocinēsis, Ioānis An-
guiani comitis, & Ludouici fratrum tuorum, Marga-
ritæ itē Niuernensiū ducis, sororis tecum cōmun-
es sunt: vt harū virtutum ingēs cumulus generis
tui quasi hēreditarius videatur. Sed hæc mihi cū a-
liis, qui te obseruāt & colunt, cōmunia sunt. Illa ve-
rò propria, quòd & amplæ liberaliq; pensioni, quā
Henricus rex per te mihi solui voluit, nō minus lu-
bens ac liberaliter assensus fuisti, q̃ si tua ipsius libe-
ralitate ad eam mihi soluendā adductus fuisses, &
quòd maxima, cū primū te salutauī, ac deinceps
semper me amplexus es humanitate, nō solū pen-
sionis solutionē, sed omne officiū, omnēmq; operā
tuā, si qua in re opus esset, liberalissimè pollicitus.
Quæ omnia cū eo maiora, quo à maiori principe
profecta sunt, æstimauerim, me tui nominis obler-
uantissimū, tibiq; longè deuinctissimū reddiderūt,
vt cū, libris Aristotelis de Naturali auscultatione
explanatis iā, & in lucē editis, alios eius, qui de reb'
naturalibus sequūtur, interpretari persequer, or-
dine scriptionū editionūmq; mearū inuerso, laborē
in cōmentariis, quos dixi, conscribendis iure susci-
piendū mihi esse intellexerim. Ab Aristotele autē
exorsus sum, qui & præclariori methodo, & scitē
magis (vt mihi quidem videtur) q̃ Plato (quanquā

fortasse ille nonnulla magis piè) de Dei natura, essen-
tia, actione, vita beata differuit, inanium fabularū,
quibus res diuinas alij inuolucrāt, cōmētis prāter-
missis, simūlq; aliis diuinis mentibus, quæ vnā cū
Deo summā fruūtur fœlicitate, pertractatis, vt nō
ἀσχετόν solūm, quēadmodum veteribus ad mundū
corporeū, quē dēmonēs colunt, ab illo omni ex par-
te explicatū respiciētibus, placuit, sed etiā *θεός*, quo
nomine Platonē, quod in rebus diuinis maximē
versaretur, vocabant, nuncupari dignus videatur.
Itaque eam duodecimi librī Methaphysicorū, qui
Græcis est vndecimus, partē, in qua de Deo Aristo-
teles differit, è Græco in Latinū conuerti, & cōmen-
tariis, quoad fieri potuit, illustraui, Platonis de Deo
placita, si hi tibi probabūtur, in posterū explanatu-
rus. Hosce igitur labores meos, quātulicunq; sunt,
princeps humanissime accipies, quos in tuarū vir-
tutum honorē, & ob tua erga me merita à me susce-
ptos esse, tibiq; in summæ erga te obseruatiæ meæ
signū donatos cæteri omnes intelligent. Qui si in
eiusmodi tractatione & explanatione pręter cæte-
ros, qui eādē rem aggressi sunt (inter quos Mar-
cus Antonius Flaminius vir singulari tū probitate,
tum literarū humanarū diuinarūque eruditione
maximo huius seculi luctu & mœrore nō ita pri-
dem vita functus, paraphrasi elegantissima ante
multos annos edita, maximē excelluit) pręstitisse,
me aliquid agnoscent, ij tibi cumulatē, quicquid
illud erit, debebunt. Vale.



FRANCISCI VICOMERCATI
PHILOSOPHI REGII IN EAM

partem duodecimi libri Metaphysicorum Aristotelis, in qua de Deo, diuinisque omnibus mentibus disseritur, Commentarij, vnâ cum eiusdem partis è Græco in Latinum conuersione.

Librorum Aristotelis, qui μετὰ τὰ φυσικά, hoc est, post naturalia, inscribuntur, duodecimus, seu, vt Græci ordinant, vndecimus, totius Philosophiæ, tum naturalis, tum diuinæ terminus est, & quoddam veluti fastigium, quod inchoato de Philosophia operi ille imposuit: tanto quidem reliquis, quos de ea conscripsit, libris omnibus & ad intelligendum minus apertus, & dignitate præstantior, quanto res diuinæ ab oculis, ac cōmuni hominum intelligentia remotæ his, quæ sensui palàm obuersantur, scitu difficiliiores, eademque digniores esse intelligūtur. Nam cū Philosophia, quæ in contemplando posita est, omnia quæ sunt, peruadat, & à materia prima omnium rerum veluti genitrice contemperationis suæ exordium faciens, per omnia rerū ipsarum genera, & ordines progrediatur, ad altissimas cæli regiones tandem sublata, in supremo omnium parête & moderatore Deo, aliisque diuinis mentibus conquiescit, ac pulcherrimæ suæ tractationis finem facit. Hanc postremam Philosophiæ partem in hoc libro Aristoteles pertraxit, & illam quidem diligenter & accuratè, maximæque methodo & ordine, vt nihil, quod ab homine de diuinis rebus doctè & scienter dici potuerit, prætermisum, nihil præterea maiori me-

thodo, atque ordine ab aliquo pertractatum videatur. Cùm enim quinque summa sint capita, quibus tota de natura deorum seu mentium diuinarum disputatio continetur, sintne mentes diuinæ, necne, quæ, & quales sint, quot sint, quid agant, & an mundum administrēt, omnia hæc eo planè, quo nunc commemorata sunt ordine, hoc in libro explicantur, demonstrationibus, hoc est, necessariis rationibus, non popularibus, aut quæ ex hominum duntaxat opinione ducantur, adhibitis. Nec verò solam mentium diuinarum tractationem liber hic complectitur, sed etiam substantiæ, quæ oriri & interire apta est, principia & causas in superioribus libris fusiùs explicatas in priore sui parte breuiter repetit.

Quamobrem longè utilis liber eiusmodi esse censendus est, cùm ob eam, quæ nunc dicta est, repetitionem: quippe cùm & ad tractationis totius intelligentiã, & ad memoriæ conseruationem, in disputationibus præsertim difficilibus, latèque patentibus (qualis est illa de rerum principiis) plurimum prodesse repetitiones soleant, vt etiam si eadem decies repetantur, non inutiliter ea repeti experiamur: tum verò maximè ob quæstionis de natura Dei explicationem, quæ & ad agnitionem animi pulcherrima est, & ad moderandam religionem necessaria. Quid enim pulchrius, præclariùsque esse potest, quàm Dei cognitione animũ nostrum ornatum esse? ex qua etiã, cùm diuinũ sit quiddam, & veluti Dei particula, ad sui ipsius cognitionem perducitur. Religio autem vel omnino contempta iaceret, vel in superstitionem euaderet, nisi Deum esse, quæue eius sit natura, quidque agat, cognitum, perspectumque haberemus. Hanc itaque Dei, mentiumque omnium diuinarum cognitionẽ liber hic exhibet, non quidem omnem eam, quam fide nos credimus, sed quæ naturæ lumine à philosopho excellentissimo tradi potuit. Nonnulla quidem de Deo in octauo auscultationis naturalis sunt tradita, sed ea solùm ratione, qua huius vniuersi mouens primus est: quæ omnia hoc in libro breuib. repetuntur. Multa alia de eodem, & illa quidẽ pulcherrima, & cum pietate consentientia, in libello de Mundo ad Alexandrum

leguntur, sed eius generis, quæ historicum potius, & simplicem narratorem, quam diligenter naturæ & diuinorum interpretem referant, quando solum recensentur, nullis autem probationibus, quod philosophum decet, monstrantur: cuiusmodi etiã ea sunt, quæ à Platone de Deo, diuinisque mentibus prodita legimus. Liber præterea ille Aristotelis non esse à multis existimatur, tum ob eam, quam nunc retulimus, causam: tum verò in primis, quòd & quædam in se contineat ab illius placitis dissidentia, & stylo plano atque fuso cõscriptus sit, vt alium potius quemuis, quàm Aristotelem, qui concisa breuitate perpetuò vsus est, authorem indicet. De hoc duodecimo nihil tale dici potest, quòd strictim & breuiter, atque ideo perobscurè, quod Aristotelis librorum proprium est, in eo omnia tradantur, eadẽque firmissimis rationibus confirmantur: nihil præterea, quod cum Aristotelis pugnet doctrina, in eodem habeatur. Sed dubitatio existit, cur quæstionem de Deo, aliisque diuinis mentibus in operis Metaphysici sine ille tractauerit, vixque minimam illius operis partem in eiusmodi tractatione cõsumpserit, cum tamen id opus, scientia diuina seu theologia nuncupari solitũ sit, in qua nihil præter res diuinas pertractari debuisset videatur. Quæstio hæc scitu digna est, & ad vindicandum Aristotelem à nonnullorũ calumniis summè necessaria. Ea verò faciliè dissoluetur, si Metaphysicæ scientiæ scopum omnem de mentibus diuinis haudquaquam esse intelligamus: verũ de rerum omnium principiis & causis, deque rebus ipsis omnibus, quatenus sunt, non qua ex parte hæc aut illam proprietatem habent: ita in libris prioribus Aristoteles docet. quæ sanè rerum, causarumque consideratio similis ei est, qua rerum omnium quinque illa communissima elementa, essentiam, idẽtatem (ita liceat ταυτότητα interpretari) diuersitatem, statum & motũ in Timæo & sophista, atque etiam alibi Plato contemplatur: quippe quæ rerum quatenus sunt, elementa duntaxat sint, nec qua ex parte hac aut illa prædictæ natura. Cũ verò hic sit Metaphysici operis scopus, mentes diuinæ in eo veluti pars exigua comprehenduntur. Sed

illa quidem præstantissima atque præcipua, partim, quòd in substantia, quam hæc scientia maximè contemplatur, primum locum habeant, partim quòd reliquatum substantiarum principia sint & causæ. Quo etiam fit, vt illas non solum quatenus sunt, quemadmodum reliqua, Metaphysica contempletur, sed omnem earum naturam & proprietatem pertractet: quam tractationē cū nūc tantum explanare instituerimus, reliquam libri partem vnā cum superioribus libris, si vixerimus, aliās explanabimus. Magnam enim, eandemque variam & multiplicem rerum cognitionem continent, quæ & ipsa per se cognitu præclara est, & ad omnem Philosophiæ reliquæ partem, aliásque scientias maximum vsum habet, vt nisi apprimè sciantur maximo bono mentem priuari, nec minori eam affici incommodo necesse sit. qui etsi ab interpretibus multis, Alexandro, Auerroy, Thoma, & aliis expositi fuerunt, plurima tamen in eorum commentariis desiderantur, quæ aut ego tradam aperiámque, aut saltem alios doctiores ad ea tradenda & aperienda excitabo. quod sanè in huius partis interpretatione præstare enixus sum. Sed libros primùm de rebus naturæ ab Aristotele conscriptos interpretari institui, quod iam facere incœpi, commentariis in eos, qui de Naturali auscultatione inscripti sunt, exaratis & editis, nonnullis aliis exaratis quidem, sed tamen non editis. Cū autem hæc præfationis loco satis dicta sint, ad verbum interpretationem aggrediamur.



Quoniam autem tres sunt substantiæ,
duæ quidem naturales, vna verò im-
mobilis, de hac dicendum est, neces-
sarium esse, sempiternam aliquam
substantiam immobilem existere.

De Deo, ac reliquis mentibus diuinis ad differendū aggre-
diēs Aristoteles, illud in primis docēdū esse, ac demonstrādū
iudicauit, in rerū vniuersitate necessariō eas existere. est enim
hoc primū, quod in quacunque disputatione, seu pertractatio-
ne explicari solet, sitne res ea, quæ ad disputandum, seu per-
tractandū proponitur. nisi nanque eam esse cōster, frustra de-
inde, quid & qualis sit, inuestigatur. quòd si nonnulla inue-
niantur, quæ existere, oculis, aliisque sensibus deprehenda-
mus, nulla ad ea statuenda demōstratio afferri solita est, quip-
pe quæ omnis superuacanea videretur. Ita Aristoteles in na-
turali auscultatione, de motu cūm differit, quid sit, primūm
inquit, quæstione, vtrum sit, necne, præteritā. Nec secus in
libris de anima ad inuestigandum, quid illa sit, priore loco se
confert, vt quam esse, quemadmodū & motum, omnes per-
spectum haberent, hunc quidem sensu, illam ex motu & co-
gnitione. At quæ sensum planē effugiunt, quòd sint, an non
sint, reuocari in dubium soleant, aliis esse, aliis non esse illa
dicentibus, demonstrationem, qua esse statuuntur, requirūt.
quò in genere mentes sunt diuinæ, seu substantia immobilis,
quam existere non ita, vt mobilem omnibus compertum est.
quod quidem in causa fuit, vt substantiæ hoc genus nonnul-
li ignorauerint, vt veteres naturæ scrutatores, substantiam
duntaxat corpoream esse rati: alij negarint vt ij, quos Plato
in Theæteto *ἀκίνητοι* appellat, eos inquiens nihil esse existi-
mare, nisi quod manibus possunt apprehendere. Alij si non
negarunt, at certē dubitasse se scriptis suis testati sunt: veluti
Protagoras Abderites, qui de diis differēs, hæc verba initio
protulit, De diis quidem statuere nequeo, neque an sint, ne-
que an non sint. Plurima enim sunt, quæ id scire prohibent,

quippe & summa rei incertitudo, & brevis hominis vita. Ob quam de diis sententiam pulsus ab Atheniensibus est, & vrbe atque agro priuatus, libris illius in foro crematis, qui sub præconis voce a singulis, qui illos habebant, fuerunt inuestigati. Ob hanc itaque deorum, quos substantiæ æternæ & immobilis genere contineri arbitratus est, occultationem, variâque sententiam, existere illam Aristoteles primùm demonstrat, necessariũ esse, inquiens, perpetuam aliquam immobilémque substantiam esse. Prius autem hanc disputationem cum superioribus connectens, substantiam vniuersam in tria genera partitur, in eam, quæ oritur & interit, qualis tota ea est, quæ ambitu lunæ continetur: in caelestem, quæ ab ortu & interitu, aliâque omni perniciosa mutatione liberata, sola cietur cõuersione: & in eam quæ omni p̃torfus mutacione vacat, quales sunt cælestium orbium animæ ac mentes: de quo substantiæ genere nunc differere instituit, cùm de duobus aliis in naturali philosophia, atque in priori huius libri parte, & in superioribus etiam huius scientiæ libris differuerit. Cùmque tertium genus immobile appelleret, reliqua duo nominat naturalia, quod motionibus variis ciantur, quarũ principium ac causa natura est, vt in secundo de naturali auſcultatione est traditum. Immobile autẽ genus, naturale dici non potest, vtpote ab omni mutatione vacuum, solutum ac liberum, quemadmodum in progressu notum fiet.

Nam & substantiæ entium sunt primæ, & omnes interire si possint, omnia poterũt. at fieri non potest, vt motus aut oriatur, aut intereat. semper enim fuit. Nec item tempus. quandoquidem nisi sit tempus, nec prius vllum, nec posterius esse possit. Motus itaque ita cõtinens est quemadmodum & tempus. aut enim idem est, quod motus, aut eius quxdam affectio. Nullus item motus continuatus est, nisi is qui in loco fit, & huius, conuersio.

Sempiternam aliquam & immobilem substantiam existere, quemadmodum proposuit, demonstrare aggreditur. Ac illam quidem pulcherrima methodo, quippe qui aliquam perpetuam esse primùm doceat, tum eā inuenta, & aliis quibusdam de ipsa demonstratis, ad eiusdem immobilitatem sensim nos ducat. Rationem autem ad substantiam sempiternam constituendam partim ex substantiæ natura, partim ex motus ac temporis perpetuitate ductam breuiter & concise affert, quæ aliquantulum dilatata, hunc in modum concluditur: Si nulla substantia est, quæ semper sit, quæque & nullum ortū habeat, & nunquā extingatur, vniuersa profectò, quæ sunt, caduca esse & labefactari fateamur necesse est: quandoquidē, substantiæ omnium rerum sunt primæ, ita vt illis omnibus sublati, cætera, quæ consequuntur, & illis hærent, ac per se constare nequeunt, pariter concidant oporteat. Verum vniuersa haudquaquā interire, tempus & motus planè indicant: quæ duo nec orta sunt aliquando, nec caduca seu mortali natura, quæ interdum esse desinat, prædita sunt. Semper item fuit tempus, absque vllò omnino aut principio, aut extremo. Nam si id aut ortum sit, aut intereat aliquādo, cū nullius rei generatio aut interitus sine prioris & posterioris, quæ sunt temporis differentiæ, notionibus cōprehendi possit, fuisse tempus antequā gigneretur, vel cū interierit, superesse adhuc necesse est. Antea enim, si ortum est, non fuit, postque extitit, idem si occidat, post non erit, cū prius extitisset. Cū igitur ante sui ipsius ortum, tempus fuisse, aut post eiusdem interitum, adhuc esse, ne cogitatione quidem apprehendi queat, sempiternum illud, & non mortale esse dicendum est. qua sempiternitate cū tempus donatum sit, motus quoque, cuius proprietas quædam & affectio tempus est, nisi idē sit ac motus, eā ipsa præditus sit oportet. Motus verò non omnis, sed is, qui ad locum pertinet, nec quiuis ex eo genere, sed is, qui cōuersio dicitur, quo cælestes orbes in omni sempiternitate versantur. Itaque si motus & tempus neque orta sunt, neque interire queant, substantiam quoque aliquam, quæ nunquam cōcidat, sed vigeat perpetuò, esse necesse est. Hæc

Aristotelis ratio est, tribus enuntiatis, quæ ab eo alibi fuerunt exposita, innixa. Vnum est, substantiam reliqua rerum genera antecedere: quod & in septimo libro huius scientiæ monstratum est, cum tempore, naturâ & ratione, reliquis omnibus rebus substantiam anteire docuit, & in huius duodecimi exordio, cum eam ipsam substantiam omnium entium primam esse, quouis modo illa animo conciperentur, pronuntiavit. Alterum enuntiatum est, sublati substantiis reliqua omnia tolli, & nihil manere: quod & in categoriis & in septimo huius operis positum est & explicatum, pendetque à primo: siquidẽ eo, quod prius est, sublato, cætera quoque auferantur necesse est, cum præsertim posteriora ita priori hæreant, vt nullo modo constare per se queant, cuiusmodi omnia sunt rerum præter substantiam genera. Tertium enuntiatum, est, motum & tempus nec orta esse nec interitura: quod in octauo auscultationis naturalis disputatum fuit, & rationibus compluribus demonstratum: tum iis, quas hic breuiter attulit, tum aliis, quas, ne longius, quàm par esset, ab instituto digrederetur, & (vt in prouerbio dicitur) τὰ παρεργὰ πλεῖστον τῷ ἔργῳ, quod ipse cauendum in primo Ethicorum monet, hoc in loco præterit. De motu duas hoc in loco rationes affert, & quòd semper fuerit, & quòd tempus, quod idem est, quod ipse motus, aut quædam eius affectio, sempiternitate donatum sit. Motum autem semper fuisse non docet, sed in octauo naturalis auscultationis hunc in modum monstrauit. Si motus non semper fuit, sed aliquando genitus est, præcessisse res aliquas, quæ illo possent cieri, necesse est. Est enim motus, rei mobilis, quatenus mobilis est, inchoata quædam perfectio: vt in tertio eiusdem operis monstauerat. Id verò etiam cõstat, si omnis motionis species ac genera percurrantur. Alteratio si futura sit, id, quod alteratione illa cieri possit, antegrediatu oportet. Similiter si delatio: id enim præcedat necesse est, quòd illà agitur. Præter hæc verò & illa, quæ motu cierent, eumque ipsum, cum antea non esset, inchoaret, antegressa fuisse oportuit. Quæritur itaque an motum tempore infinito res illæ antecesserint, sempiternæque

fuerint, an ipsæ quoque aliquando fuerint procreatæ. Hoc enim posterius si detur, cum antequam gignerentur, non essent, aliquis motus necessario præiit, cuius operâ prodirent, atque in lucem promerentur. Ita sit, ut cum motum, qui primum ortus constituebatur, alius quidam prior præcesserit, illeque primus non sit. De quo motu priore eadem redit quæstio, ita ut ante omnem motum sit motus, nec ullus sit primus, qui aliquando ortus queat monstrari. semper igitur fuit motus. Quod si altera disiecti pars afferatur, naturasque illas seu mouentes seu motas non progenitas æternum præcessisse, motu interdum genito dicatur, sciscitanda continuo mutationis causa (necesse est enim aliquam fuisse) occurrit, propter quam motores illi mouere, mobilia moueri incæperint, cum antè neque hæc mouerentur, neque illi motionem ullam efficerent. Causa verò nulla alia excogitari potest, quàm, quod vel longius inter se distabant, quàm ut vis mouens agere in res tam longinquas posset, tunc autem, cum mouere incæpit, propinquiora facta sunt, aut intermedium aliquod ab æternitate obstabat, quo postea sublato cæpit motus effici. Horum utrumuis statuatur motum alium inuicem necesse est, qui primo illo, quem genitum ponimus, sit prior. De quo cum eadem, quæ prius, redeat quæstio, vel infinitos motus, unum ante alterum esse oportebit, vel aliquem cōcedere, qui nunquam ortus tempore sempiterno præcesserit. Hac Aristoteles ratione ad motus sempiternitatem statuendam in octauo Physicorum est usus. quo in loco & aliam adiecit e temporis ductam naturam, quam hic, sed magis concisè, attulit. Temporis verò sempiternitatem quemadmodum monstrauerit expositum est. quod verò in eiusmodi demonstratione assumptum est, tempus idem esse, quod motum, aut eius quandam affectionem, in quarto naturalis auscultationis accuratè admodum & doctè explicauit. Principio enim tempus non esse motum, ut quidam opinati fuerant, monstrauit: tum quod motum id tantum in se accipiat, quod illo cietur, tempus verò ubique sit, & æquè apud omnia: tum quod omnis motus velox sit aut tardus, quod tempori non continetur: siquidem tem

pus nec velox nec tardum dicitur, quin potius tempore velocitas omnis & tarditas definitur. Cùm verò tempus motus non sit, adiecit, sine motu esse non posse. Nam cùm ipsi (inquit) nihil mente mutamus, aut nos esse mutatos non animaduertimus, tempus præterisse nobis non videtur, quemadmodum nec hisce, quos ferunt in Sardo apud heroas dormire, cùm fuerint experrecti. Cùm igitur tempus nec motus sit, nec sine motu, sit, ut ipsius aliquid sit. Eius verò numerum secundum prius & posterius eo in loco esse docet: siquidem tempus fuisse tum dicimus, cùm prius in motu posteriùsue, hoc est aliquam eius priorem partem, aliquam posteriorem senserimus. Hoc cùm ita se habeat, efficitur, ut, si tempus æternum sit, motus quoque perpetuitatem acceperit: motus autem inquit non omnis, sed is, qui sit in loco, & huius ipsius, conuersio. De qua quidem re, quam hic solum attingit, in octauo naturalis auscultationis longa oratione differuit. Quam ut paucis perstringam, solam conuersionem sempiternam esse posse hunc in modum demonstrauit. Motus omnes dempta conuersione terminis quibusdam clauduntur, iidemque ab opposito in oppositum se conferunt: generatio enim ex non ente ad ens, interitus ex eo, quod est, ad id quod non est, progreditur: accretio & imminutio ex certa, finitæque magnitudine & paruitate in certam finitæque desinunt: alteratio à contraria qualitate in contrariam est: latitudo recta terminos habet, locum superum & inferum, quæ non sunt infinita. Nullus igitur horum motuum continens & perennis esse potest: nisi ex multis contrariis motibus, ut ex ortu & interitu, ex accretione & imminutione vnus quidam perpetuus ac perennis coalescat, quod fieri nullo modo potest: siquidem inter contrarios motus quies intercipiatur, necesse est. Sola conuersio contrarietatis omnis expers est, nullisque terminis clauditur, ut quæ ex eodem ad idem fiat, semperque in principio, medio & fine existat: quamobrem sola perennis sempiternaque esse potest. Atque hunc in modum tria illa explanata sunt enuntiata, quibus Aristotelis rationem inniti diximus. Sed illud prætereundum non est, non

eiusdem scientiæ aut facultatis eiusmodi enuntiata esse, quin
 potius naturalis philosophiæ postremum, priora autem duo
 primæ & diuinæ. quod Auerroys animaduertēs dixit, sub-
 stantiam æternam immobilem existere, vtriusque scientiæ
 propositionibus Aristotelem demonstrare incœpisse, per
 vtramque scientiam, naturalem & diuinam intelligens phi-
 losophiam. Quauis vltima particula primi de naturali au-
 scultatione genus rerū à materia abiunctarū existere in natu-
 rali tantū scientia explicari prodiderit. quæ loca inter se non
 pugnant, quadoquidē in primo illo nihil aliud (vt mihi qui-
 dem videtur) voluit docere, quàm mentes illas à materia
 abiunctas, in nulla scientia absque naturalis philosophiæ pro-
 positionibus seu principiis monstrari. In Auicennam enim
 inuehebatur, qui absque naturalibus propositionibus demon-
 strationem eiusmodi fieri posse tradiderat. Nec negauit
 Auerroys aliqua ex prima philosophia in ea re demonstan-
 da accipi posse. quod quidem si negasset, tum ab Aristotelis
 doctrina, tum verò etiam à seipso dissensisset. Sed illud est
 animaduertendum, substantiam tantum aliquam, quæ per-
 petua sit, hac demonstratione demonstrari: non item sub-
 stantias immobiles, & quæ à materia abiunctæ sint, esse.
 Ideo Auerroys propositionibus vtriusque scientiæ, substan-
 tiam immobilem esse demonstrari, absolutè non dixit, sed
 demonstrari incœpisse. Nam quæ attinent ad eius immobi-
 litatem, & à materia separationem in progressu ostēdentur.
 Hanc ob causam non eadem est hæc atque illa octauī Physi-
 corum demonstratio, qua, aliquem mouentem primum sem-
 piternum esse, ex motus æternitate ostenditur. quod quidem
 in progressu quoque huius libri demonstrabitur. quæ demon-
 stratio omni ex parte est naturalis, & supra cælum nos tol-
 lit, cum hæc, de qua nūc agitur, metaphysica partim sit, par-
 tim naturalis, vtpote ex accidentis & substantiæ, quæ Me-
 taphysicæ sunt contemplationis, natura, motusque perpe-
 tuitate ducta, nec vltra cælum nos efferat, quòd ipsum quo-
 que cælum substantia sit sempiterna, eiusque sempiternitas
 ex motu sempiterno ostendatur. Ac illud quidem fatendum.

est, nisi demonstrationi huic alia adiicerentur, eam, ad id monstrandum, substantias à materia abiunctas existere, exiguum momentum habituram. Sed id, quod monstratum est, substantiam aliquam perpetuam existere, vñà cum his, quæ mox ostendentur, substantiam immobilem à materia abiunctam in rerum vniuersitate esse, efficaciter docebit. Porro in ea, quæ nunc allata est, demonstratione non magnam efficacitatem ea, quæ de temporis sempiternitate conclusa sunt, Philopono & Thomæ videntur habere, imò verò probabilia tantum esse, & quæ non multa difficultate diluantur.

Neque enim quod prius aut posterius dicitur, tempus perpetuò id indicare, temporisque notionem coniunctam habere: siquidem mens prius vnum apprehendit, posterius, aliud: primus item mouens, qui primum globum motu ciet, prius se globum suum, quàm alios mouentes, eos, qui sequuntur, mouisse intelligit, qui tamen mouens primus mēnsque à tempore abiuncta sunt, coniunctumque illud non habet. Itaque cum dicitur, tempus non fuisse priusquam gigneretur, aut non fore, postquam interierit, cum prioris & posterioris vocabulis tempus vñà intelligi, necessariò nō esse, sed illud solū indicari, tēpus non semper fuisse aut fore, nec naturā prioris & posterioris reipsa introduci, sed cogitatione tantum apprehendi, quemadmodum qui extra cælum nihil esse aiunt, illā particula, extra, locum aliquem verum minimè intelligere, quippe cum nullus sit talis, sed animo tantum & intelligentia concipere. Hoc enim modo extra cælum neque locum, neque inane, neque corpus vllum esse, Aristotelem pronuntiasse. Alioqui, cum locum extra cælum esse negaret, tum maximè eum statuisset. Ita Aristotelis de temporis sempiternitate demonstrationem, qua motus sempiternitas colligitur, infirmam esse & imbecillam hi, quos nominauimus, viri demonstrare enixi sunt. Cum autem & alia, quibus in motu perpetuo statuēdo tum hic, tum in octauo Physicorum Aristoteles vsus est, leuia esse, nec efficacitatem habere existimarint, eaque diluere conati sint, ne motus ipsius sublata æternitate ad primi mouētis sempiternitatem osten-

dendam deesse ratio videretur, hac demonstratione demonstrari posse Thomas putauit. Si (inquit) mundus genitus est, aliqua certè natura ancecessit, quæ illā gigneret & moliretur. quæ si & ipsa aliquo sit ortu generata, efficientem causam, à qua genita sit, habeat necesse est. Itaque aut causarum gignentium series erit infinita, aut ad aliquam venietur, quæ prima, & æterna, & simplex, & omnis potentia expers à nullo omnino fuerit effecta. sed quiuis facillè concedet, nullam ad substantiam separatam, Deumque esse, demonstrandum difficultatem cum sentire, qui mundum genitum statuatur: ab aliqua enim causa, nec temerè (vt Democritus, Leucippus, & Epicurus putarunt) gigni (vt in Timæo præclare docet Plato) oportuit, quando pulcherrimus vniuersi ordo, atque constans & continuata rerum omnium vicissitudo, si vniuersum ipsum effectum est, & genitum, casu & temerè ipsum non cõstitisse satis superque indicant. In eo verò est difficultas, vt mundi posita sempiternitate deum aliquem supremum existere rationibus monstretur, quod Aristotelem fecisse ostensum est. quæ autem contra Aristotelis ipsius de temporis æternitate demonstrationem à Philopono & Thoma afferuntur, diluere ex parte tam facile est, quàm quod maximè. quid enim, si prioris & posterioris vocabulis nec situs nec ordo naturæ aut perfectionis significetur, significari aliud præter tempus possit, non video: quandoquidem tot *τῶν πρὸ τούτου καὶ ὑστέρου* significationes in categoriis, Aristoteles prodidit. Quod si mens aliquid prius intelligit, aliud posterius, tempus medium intercesserit, necesse est, quod etiam tempus ipsa intelliget, si hoc vt prius, illud vt posterius agnoscat. Nec ita à tempore abiuncta mens est, vt si ex vna notione ad aliam transeat, ei dicatur coniuncta. Primus autem mouens, mēnsque omnium suprema omnia simul intelligit, sui que orbis & aliorū varium ad eundē locū reditū simul apprehendit, præteritæque & præsentia & futura simul contemplatur: quanquam hanc singularum rerum cognitionem menti supremae (quemadmodum in progressu videbimus) Aristoteles negat. Id verò, quod dicebatur,

prioris & posterioris vocabulis non magis tempus verum, quàm particulà, extra, locum verum significare, momentum quidem, vt mihi videtur, aliquod habet, nec facilè à quoquā dilui poterit, vt hanc vnàm ob causàm, neque temporis, neque motus sempiternitatem fateri Aristotelis ratione cogamur, sed liberum nobis sit, vtriusque ortum, quod religio docet, sentire Forrasse tamen hunc in modum diluerit aliquis, omnino simile non esse: siquidem magnitudinem mundi finitam esse nullà extra eum loci differentia posita intelligere possumus, idémque valet hoc, quod dicitur, extra mundum nihil esse, atque illud, in mundo omnia contineri, particulàque, extra, locum cogitatione sola concipimus, tempus autem genitum, cùm antè non esset, sine tempore, in quo non erat, particulàque, ante, significatur, neminem posse apprehendere. Ac de his quidem, quantum ad præsens attinet, satis: nam longior & magis exquisita de re hac disputatio ad librum octauum de naturali auscultatione spectat.

At verò si id est, quod mouendi quidem aut efficiendi facultate præditum sit, agat tamen nihil, motus non est. Non agere enim id potest, quod facultatem habet. Nihil igitur conducet, si perpetuas aliquas substantias inducamus, quèadmodum ij, qui Ideas, nisi principium aliquod insit, quod immutare valeat. Neq; hoc itè satis est, nec alia præter Ideas substantia. nisi enim agat, motus non erit.

Substantiam aliquam, quæ sempiterna sit, & nullo ortu generata, existere demonstratum est: nunc eadem via, nempe ex motus æternitate illud demonstratur, hanc ipsam substantiam seu omnino substantiam aliquam esse, quæ mouendi ac efficiendi vires & facultatem habeat, actûque moueat, atque aliquid agat & moliatur. Nisi enim eius generis substantia existat, motum, qui sempiternus esse monstratus est,

esse non posse. quippe qui ab aliquo, quod mouendi facultate sit præditum, actuque in opere versetur, proficiatur necesse est. Itaque ad motum sempiternum statuendum & conseruandum, nihil nobis conducere, si eius generis substantias perpetuas inducamus, quales sunt. Ideæ aut aliæ, etiam quædam à nonnullis inuectæ, in quibus nullū mouendi ac efficiendi principium continetur. videtur autem Aristoteles non mouendi solū facultate substantiā sempiternam præditam esse, sed actu eam mouere, & in opere versari, atque hoc quidem maximè probare voluisse, quòd vis & facultas ab opere seungi queat, multaque inueniantur, in quibus vis agendi aliquid inest, qua non vtentia otiosè degunt. Neque enim Megaricorum sententia est vera, qui tum solū rem posse agere, & mouere, cū ageret & moueret, non posse autem, nec agendi aut mouendi vim habere, cū ab actione vacaret, censēbāt, quorum stultam & vanam opinionem in nono libro huius scientiæ Aristoteles reprobauit. quòd si nullam eiusmodi virtutem, quæ ad actionem non prodeat, inueniri posse aliquis obiiciat, eo argumento ductus, quòd vis illa superuacanea esset, illamque naturā frustra effecisset, quæ tamen natura superuacaneum nihil solet facere, huic respondendum sanè existimo, naturā quidem suā vim quamlibet ad agendum aptam esse, in actionemque nisi impediretur proditura, sed ab actione sæpenumero vel impediri, quæadmodum in eo, qui vinculis detinetur, motrix facultas, & in dormiente sensuum vires, vel si non impediatur, cessare tamen, quòd ita melius existimet. quo quidem modo vis, quæ animal mouet, non semper mouet: neque enim animal ipsi, vt semper moueatur, expedit, quippe quod & quiete sæpe indigeat. Cū igitur & ab aliis impediri, & sponte cessare virtus ab actione possit, ad motus naturam sempiternam conseruandam non id solū Aristoteli docendum fuit, mouendi vim & facultatem in substantia æterna inesse, sed vim quoque eam otiosam non esse, atque actioni incumbere. Quam ob causam subiicit, nec Ideas, nec alias quasdam substantias à nonnullis aliis positas, motui faciendo nihil

conducere, quandoquidem nec agūt, nec a gendi vllum in se continent principium aut facultatem. quæ verba cōtra Platonem & Pythagoricos dicuntur. Plato enim (vt Aristoteles in primo huius operis scribit) p̄ter substantias, quæ sensu apprehendi possunt, duo earum genera esse censuit, quæ cogitatione tantum & intellectu percipiuntur: vnum quidem earum, quas Ideas nominauit: alterum formarum mathematicarum, quas inter Ideas & substantias sensiles medias posuit. quòd partim cum vtroque extremo conuenirent, partim ab iisdem differrent. Ideas voluit esse species quasdam sempiternas à materia abiunctas, quæ & mundi huius, qui sub aspectu cadit, & omnium, quæ eo continentur, oriunturque & intereunt, essent exemplaria, solàque intelligentia & nullo sensu aut etiam opinione apprehēderentur, quarum nulla esset in rebus procreandis aut mouendis efficientia, exemplarisque duntaxat munere fungerentur, cūque essent sempiternæ, solæ possent definiri & sciri, earumque beneficio de rebus scientia haberetur. De quibus Ideis in Parmenide disseruit, Timæo, aliisque compluribus in locis. Formas autem mathematicas medias, vt dixi, inter Ideas & res sensiles collocauit. Immobiles enim & à materia reipsa, non sola cogitatione, vt Peripatetici statuunt, separatas, quemadmodum & Ideas esse voluit, diuiduas verò & multas in eadem specie quemadmodum sensiles. Pythagorici autem substantias primas numeros esse arbitrati sunt, itaque ex illis, vt ex primis initiis, omnia, quæ fiunt, progigni. Hoc igitur substantiæ genus à Pythagoricis inuectum, & illas quoque, quas Plato induxit, Ideas, & si sempiternitate sint præditæ, in rerum vniuersitate non sufficere Aristoteles docet: neque enim ad motum faciendum, atque perpetuitate donandum, vllō modo conducere. quippe quæ nullam mouendi facultatem obtinere statuuntur, atque, vt obtinere cōcederentur, tamen non moueant, nihilque agāt, sed exemplaris duntaxat otiosi munere fungantur. Nec verò vlla ab eis actio prodire potest, quòd Idæ, formæ quædam sunt communes, singularumque rerum actio sit propria, vt

in primo huius operis est traditum: numeri autem & mathematicæ omnes formæ actionis prorsus sunt expertes, & omnino motus. Cùm verò ita res habeat, nemo propterea ex his Aristotelis dictis in eam suspicionem adducatur, ut puter, Ideas ad motum faciendum à Platone positas fuisse. Eam enim functionem Ideis Plato non dedit, sed exemplaris tantum, quemadmodum docuimus. Atque eas quidem necessarias esse putavit, quòd pulcherrimam hanc mundi molem, & omnia, quæ eo sunt conclusa, genita esse, & illa quidem non casu aut fortuito, sed voluntate ac mente, eaque optima, quæ absque exemplari nihil agit, existimavit. Mundi autem motum eis non tribuit, sed animæ ac menti, quæ, cùm intelligendo quadam veluti conuersione in se moueatur, non dissimili morione vniuersum ciet. In eas verò cùm aliis in locis, & in primo huius operis præsertim, tum hoc in loco, tanquam aut superuacaneas, aut minus sufficientes Aristoteles inuehitur: ac quid alibi contra eas dixerit, rectèque, an secus, nunc dispiciendum non est. nunc verò damnasse eas videtur, quòd nullas alias substantias à materia abiunctas, & quæ solâ intelligentia apprehendantur, nisi has obtrudere perpetuò videatur: nullum autem de mentibus diuinis, quibus cælestes sphæræ agitantur, tanquam de substantiis supremis facere sermonem.

Præterea nec si agat quidem, eius autem essentia, potentia sit: sempiternus enim motus non erit: quâdoquidem quod potestate est, potest non esse: tale igitur esse principiū, cuius essentia, actus sit, necesse est.

Admirandum est, quantum vsum ad demonstrandum primam substantiam, primūque omnium rerum principium & esse, & quid sit, aut quæ eius sit natura & essentia, motus sempiternitas habeat. Hactenus enim substantiam aliquam æternam existere, eamque mouendi & efficiendi facultate præditam esse, actūque mouere, & agere ex ea de-

b. i.

monstratum est, nunc essentiam huius ipsius substantiæ omnis potentiæ expertem, actumque purum & simplicem esse vi eiusdem sempiternitatis demonstratur. Hæc enim sempiternitatem non futuram esse, si potentiæ particeps mouens hæc substantia ponatur, tradit, quod quicquid potestate sit, eam naturam habeat, ut idem possit non esse. Est autem de potentia patiendi, non agendi vis est & potentia in superiori conclusione, huic substantiæ tributa est, & illa quidem eius generis, quæ in actione perpetuò versetur, actionemque ipsam non antecedit. Quæ enim actionem potentia antecedit, atque ab ea separatur, non magis quam ea, quæ patiendi est, substantiæ huic potest conuenire. De quibus duobus potentiæ generibus, agendi videlicet & patiendi in nono libro huius operis copiose fuit disputatū, atque inter cætera id traditum, patiendi potestiam eam esse, quæ quæ participant, esse ac non esse possunt, atque ita ad extremū occidere. quamobrem, cum nulla sit potentia, quæ, si nihil superuacaneum in natura (ut Aristoteles docet) reperiatur, non aliquando in actum erumpat, non solum motus, si potentiam hanc patiendi admixtam substantia hæc, de qua differitur, habeat, sempiternus non erit, sed ne ipsa quidem substantia perpetuò poterit durare, quippe quæ vi eius potentiæ ad occasum ducetur. Cum igitur eam sempiternam esse fuerit monstratum, ut potentia participet, fieri non potest. Posset verò & hac ratione persuaderi, substantiam aliquam esse oportere omni potentia destitutam, quæ actus simplex sit & purus. Cum enim potentia pura in rerum vniuersitate inueniatur, nempe materia prima, quæ tamen aliquem actum sibi herentem semper habet, omnis tamen actus suapte natura est expertus, quippe quæ ex se informis est, & sola illarum sedes, concretum præterea ex potentia & actu esse, liquidò constat, reliquum profectò extremum aut debet, aut potest à nullo sanæ mentis homine negari: id est, actus, purus & ab omni potentia liberatus. quo ea quæ occidunt, esseque desinunt aliquando, cum non desiniantur, quippe quæ potentiæ, quam obtinent, meritò oc-

cidant, reliquum est, vt substantiæ alicui æternæ conueniat, ac illi quidem non omni, sed ei quæ & vi mouendi efficiendique prædita est, & in actione semper versatur. Eiusmodi ea est, de qua differitur, quæ est omnium rerum primum principium. Ex quo fit, vt substantia eiusmodi ab omni imperfectione vacet, nec rerum omnium perfectissima tantum sit, sed ipsamet perfectio, nempe à potentia liberata, quæ sui naturâ imperfecta est. Sic mētis humanæ perfectionē atque excellentiā explicare Aristoteles in tertio libro de Anima cūm vellet, actum esse illius essentiam tradidit, quippe quæ perpetuū in intellectu versaretur, nec aliquando quidem intelligeret, aliquando non intelligeret. De hominis enim intellectu, vt simpliciter in omnibus inest hominibus, loquebatur. Nec mirum quidem, si intellectui humano simpliciter sumpto id tribuebat, quod huic substantiæ, de qua nunc differitur, quam diuinam mentem esse demonstrabit, tribuit. Est enim & ipse diuinum quiddam, & à corpore naturâ abiunctum, quauis hoc ab hac substantia vincatur, quoddam hæc à corpore nullo modo, vt docebitur, pender, nec eo in sua intellectione vitur. quod humanus intellectus non facit, qui absque corporis ministerio intelligere non potest. Ex quo id efficitur, vt ipsum & substantiam, de qua est sermo, essentiam habere, quæ actus sit, non eodem prorsus modo Aristoteles tradiderit. Sed de his aliàs. Illud verò prætereundū non est, ad hoc, quod de potentia vacuitate, actūque puro & simplici, qui substantiæ æternæ essentia sit, demonstratum est, eam ipsam immobilem esse, consequi. Etenim si motus rei, quæ potentiā mobilis est, quatenus mobilis actus est, vt in tertio naturalis auscultationis est proditum, nihil profectò, quod potentia experta sit, poterit moueri: sed huius substantiæ immobilitatem in his, quæ sequuntur, apertè Aristoteles demonstrabit. Nunc verò aliud subiicit, è quo eam actum esse potentia expertem colligit.

Iam verò & materiæ quoque expertes esse hasce substantias oportet, quandoquidem & sempiter-

nas, si aliud quidpiam, quamobrem & actu.

Omnia numero vnus hactenus demonstrauit, nunc multitudinis numero loquitur, vt indicet, vnū quidē substantię genus esse ab aliis diuersum, sed tamen multas numero substantias eo genere contineri, quarum multitudinem infra inuestigabit. Alexandri autem expositio probanda non est, qui cum superiora de primo mouēte monstrata esse censeat, hoc de aliorum orbium videlicet Saturno, Ioue, & aliis dici arbitratur. Sed non animaduertit, mouentem primum ab aliis diuisum fuisse, nec singulis sphaeris singulos mouentes adhuc assignatos. Cum verò ratione vna substantiam illam æternam actum simplicem esse omnis potentię expertem Aristoteles probasset, aliam in his verbis adiicit, simulque monstrat, hanc ipsam substantiam materiā vacare: quod ad priorem conclusionem demonstrandam assumitur. ac illud quidem rectē. Nihil enim materiæ particeps est, quod idem potentiam admixtam non habeat, cum materia id esse ab Aristotele definiatur, per quod esse & non esse res potest. Ac quemadmodum formæ essentia, actus est, ita materię, potentia, neque aliunde, quàm à materia prodire potest potentia, vt nec actum à re alia vlla, quàm à potentia, res vlla accipere. Quæ ergo materiā vacant, ea ab omni potentia liberata esse necesse est. Porro materiæ expertes hæc, de quibus disputatio instituta est, substantias ex earum sempiternitate docet, quæ ratio ex ea, quæ allata est, materiæ definitione vim habet, quæ quidem definitio in octauo huius operis traditur. Neque enim sempiternæ essent, si è materia cōstarent: quandoquidem materia rebus affert interitum, & vt interdum esse desinant, efficit. Quod si quis cælestia corpora obiiciat, quæ materia cōstare, tum in priori huius libri parte, tum in octauo huius operis Aristoteles admittit, eadēque tamen sempiterna esse in libris de cælo demonstrat, is sciat, alterum materiæ genus ab ea, de qua nunc agitur, diuersum diuinis illis corporibus ab Aristotele tribui. Est autē materia illa, nec generationi, nec interitui, nec vlli alij, quàm ei, quæ in loco sit,

mutationi obnoxia. Ita enim in hoc duodecimo scriptū est, Omnia quæ mutationem patiuntur, materiam habent: sempiterna quoque ea, quæ generationem non habent, motūque eo, qui ad locum pertinet, solū mouentur, eādem constant: non tamen eā, quæ gigni possit, sed quæ delationi tantum subiiciatur. hæc ibi. Ex quibus planè intelligitur duo materiæ esse genera, quorum vnum cælestibus corporibus tribuatur. Cum verò in cælo materia insit, ne illa quidē (quantū diuersi sit generis, & motui solū in loco subiiciatur) in substantiis, de quibus differitur, inest, sed hoc in his verbis non monstratur: in progressu autem monstrabitur ratione, quæ ad omne materiæ genus accommodatur. Quod autem ait, hæc substantias sempiternas esse, si aliquid quidpiam sempiternū sit, indicat, maximè omnium, quæ sempiternæ sunt, sempiternas esse: quippe quæ causæ mouentes & efficientes sunt, à quibus aliorum sempiternitas pendet. Alexander verò bifariam hūc locum exposuit, & neutro modo rectè. Primum illud, si aliud sempiternum est, ad motorem inerrantis sphaeræ retulit, vt sensus sit, alios motores (de iis enim, vt antè docui, interpretatur) sempiternos esse, siquidem & primus motor est sempiternus, alterā expositione ad vnitatem septem sphaerarum accommodauit, vt dictum sit, quoniam sphaerarum vnitas sempiterna est, motores quoque ipsorum sempiternos esse oportere. Sed palām est de substantiis omnibus illis diuinis agi, nihilque adhuc separatim de prima ex aliis traditum fuisse. Eo itaque modo, quo simpliciter interpretati sumus, locus hic debet exponi.

Sed dubitatio existit. Nam quicquid agit, posse, non quicquid potest, agere videtur: ita vt potentia sit prior. At si res ita habet, eorum quæ sunt, nihil erit: esse enim posse, nec dum tamen existere contingit.

Id quod demonstratum est substantiam aliquam sempi-
b. iij.



bro Aristoteles refutauit, & rationibus multis à vero aberrare eam ostendit. hoc verò Aristoteli firmum est & inconcussum, posse rem agere, quæ tamen non agat, quemadmodum antea traditum est, cum substantiam sempiternam, quam esse monstrauerat, non vim solum & potentiam agendi in se habere, sed actu quoque agere, & in opere versari docuit: quod monstrare superuacaneum fuisset, si quicquid potest agere, illud idem necessariò ageret. Illud tamen Aristotelis est placitum, in rebus æternis potentiam actui non præire, posséque & esse in illis minimè differre. In rebus autem, quæ oriuntur & occidunt, res ita non habet, sed potentia actu prior sit, necesse est.

Porro si ita sit, vt theologi inquiunt, qui ex nocte generant, aut vt physici aiunt, vniuersa simul fuisse, idem impossibile consequitur. Quo enim illa modo, si nulla actu aderit causa, mouebuntur? Nam neq; materia ipsa seipsa, sed ars fabrilis profectò mouebit, neque item menstrua aut terra, sed semina & genitura.

Incommodum illud, quod consequi, si potentia actum antecedit, dicebatur: nempe eorum, quæ sunt, nihil futurum fuisse, tradit consequi, seu res ita habeat, quemadmodum theologi aiunt, qui ex nocte, hoc est, ex simplici puraque priuatione, vel materia omnino informi & rudi, quæ rerum omnium generationi infinita sæcula præiuerit, omnia generat, hoc est, genita esse affirmant, seu à principio non priuatio quidem pura & materia prorsus informis, sed confusio quædam perturbatioque rerum, generationem earum, distinctio-némque antecesserit, quemadmodum physici nonnulli opinantur. Horum enim opinionum vtranque, cum actum vel priuatione illa, aut materia omnino informi, vel rerum confusione antiquiorem non ponant, necessariò consequi, vt nihil eorum, quæ sunt in vniuerso, quæque formis cernimus

b. iij.

distincta, existere potuerit: siquidem potentia absque actu moliente in actum erumpere non potest. Neque enim priuationem illam aut materiam informem, seu etiam confusionem seipsam ad res efficiendas mouere potuisse, quemadmodum neque camenta, neque ligna nullo adhibito fabro aut architecto domum aliquam posse extruere, neque mēstruum fœminæ sanguinem absque maris semine fœtum aliquem procreare, aut terram solam absque solis & aliarū agentium caussarum virtute parturire, arborēque ac stirpes progignere. Simplicem igitur & puram illam priuationē, seu nudam & informem materiam, aut rerum confusionem perpetuò manere oportuisse, nec aliquid vnquam ex ea procreari potuisse. Itaque nihil eorum, quæ sunt, futura fuisse. Per theologos autem veterrimos illos poetas, Orpheum & Hesiodum intelligit, qui carmine, vt videre licet, theologiam suam cōscripserūt. hi Mercurij Termaximi antiquissimi apud Aegyptios theologi doctrinam imitati, rerum omnium priuationem puram, hoc est, materiam prorsus informem ab omni æternitate mundi ortum antecessisse tradiderunt, eamque noctis atque chaos vocabulo adumbrarunt, vtpote in motem noctis obscuram, nullisque formis distinctam & ornatam, veluti chaos quoddam origo omnium rerum informis: è qua deinceps diuisio formarūque omniū distinctio perfecta sit. Ita enim in Argonautica cecinit Orpheus:

Πρῶτα μὲν ἀρχαῖον χάος μελὶν φάβου ὕμνου
 ὧς ἐπ' ἀμείβετο φύσιν, ὡς οὐρανὸς ἐς πέρας ἦλθεν,
 γῆς τ' ὠκυπέταν γένεσιν πυθμένα τε θαλάσσης,
 Πρεσβύτα τ' οὔτε καὶ αὐτὸ τ' ἐλὼν πολυμήτιν ἔρωτα,
 ὅσα τ' ἐφύσετο πάντα διέκριθ' ἑμ' ἄλλο ἐπ' ἄλλου.
 καὶ κρότον ἀνολέτην. Et rursus,
 Αρχαῖον μὲν πρῶτα χάος ἀμέγαρον ἀνάγκην
 καὶ κρότον, ὅς ἐλόχυσεν ἀπειρίοις ἔσθ' κόλποις
 Αἰθέρα καὶ διφυῆ περίωπτα κυδέρην ἔρωτα
 Νυκτὸς αἰὲλ γενέτις πότμον κλυτὴν.

Hesiodus autem ex Orphei fontibus hauriens in Theogonia ita prodidit:

πάντων ἢ πρότερον καὶ γένετ', αὐταὶ ἡπείτα
γαὶ θύρετρα.

Ex his theologorum horum carminibus satis cōstare potest, quid de chao & nocte, quorum Aristoteles meminit, censuerint. Physicorum autem vocabulo Anaxagoram, & qui eius placita secuti sunt, indicat. siquidem illud ἡμῶν ὁμοῦ πάντα χεῖματα, quod hīc recitatur, Anaxagorā ipsius est, vt in primo huius operis licet videre. hos igitur physicos nominat, quòd mundi ortum et si tradiderunt, intra tamen naturæ limites se continuerint: quippe qui non ex nihilo seu priuatione, sed ex mixtione, in qua res omnes, tametsi perturbatæ, & nulla ratione inter se distinctæ inessent, mundum ortum tradiderunt. Vnde & secretionem tantum quadam, non verò ortu res esse genitās Anaxagorā putasse multis in locis apud Aristotelem legitur, cōque etiam nomine reprehenditur. Illud verò mirabitur aliquis, quemadmodum verè dici possit, hosce physicos, & eos, qui memorati sunt, theologos, omni actu potentiam priorem statuisse, ob eamque causam illud, quod dictum est incommodum nihil eorum, quæ sunt, futurum fuisse, eorum consequi sententiam. Nam quauis res, quæ genitæ sunt, & in lucem editæ, priusquam gignerentur, seu in nocte, seu in chao, aut mixtione potentiā fuisse, & Orpheus, Hesiodusque & Anaxagoras senserint, actum tamen seu mouentem causam, quæ potentiā illā posterior non esset, ante rerum ortum statuerunt, cuiusque munus esse id voluerunt, vt ex illa potentia in actum res educeret, chaosque illud & mixtionem distingueret. Ac Orpheus quidem in primis ante mundum conditum Iouem fuisse testatur, in cuius pectore diuino atque palatio vera mundi origo latitaret, ita enim canit:

Οὐνεκα σὺν ἔειπεν ἰδὲ πάλιν διὸς πάλιν ἄνδρ' εἰύχθην

Αἰ. τίριθ' ὁρέεις ἡσὶ ὀυρανὸν ἀγλαομήτορος, & cætera quæ sequuntur.

Quibus in verbis omnia commemorās, quæ sunt in vniuerso, quæque oculis spectantur, cæli videlicet præclaram sublimitatem ætheris vastitatem, immensi maris, tellurisque latitudinem, Oceani magnitudinem, terræ depressa tarta-

ra, fluminæque & immortales omnes beatos deos deâsque, & omnium quæ orta sunt, & quæ orientur in ventre Iouis, antea habitasse præclare admodum tradit. Itaque constat diuinitatē vetustissimo nomine Iouem appellatam, Orphei sententia mundi ortum antecessisse: quæ omnia è mundo illo formarum ratio nūmque locupletissimo, quem in se habebat, deprompserit. In catminibus etiam paulo antè ex Argonautica commemoratis, Amorem creatorem Orpheus statuit. Cuius doctrinam Hesiodus imitatus, tria facit mundi ortus principia, chaos, terram & amorem: hūncque creatorem esse asserit, qui non cum rebus sit ortus, sed terræ & chao incubans, omnia ex illis eduxerit. Anaxagoras autem mentem statuit, quæ illam rerum misionem, in qua inesse arbitrabatur, secerneret, résque omnes in lucem proferret. Quocirca in primo huius operis inter philosophos, qui causam rerum agentem mouentēque tradidissent, numerantur, & quodd, eiusmodi causam posuissent, commendantur. ita verò legitur. Quidam ergo mentem cum mundi, ac vniuersi ordinis causam esse, perindēque naturæ ac animalibus inesse dixerit, inter priores illos vana dicētes quasi sobrius habitus est, atque Anaxagoram quidem manifestò hos sermones attigisse nouimus. Hermotimum autem Clazemenium hoc prius dixisse ferunt. hi igitur sic existimantes causam bene habendi simul principium esse rerum & talem causam posuere, unde principium motus exoritur. Primū autem Hesiodum idipsum quæsisse quispiam suspicabitur, etsi quis alius amorem aut cupiditatem in hisce, quæ sunt vti principium, posuit, quemadmodum est Parmenides. hic enim generationē tradens vniuersi, ait:

πρῶτον μὲν ἔρωτα θεῶν μήϊσας πάντων.

Et Hesiodus:

ῥά τ' αὖτε μὲν πρῶτος χάος γένετο, &c. quæ antea commemorauimus. hæc igitur si (ipso etiam Aristotele fatente) ita habeant, mouentēque causam & Hesiodus & Anaxagoras ante mundi ortum posuerint, absurdum alicui videri posset id, quod nunc traditur, illud incommodum, quod antè col-

lectum est, horum virorum sententiam sequi. siquidem falsum est, nullam fore causam, quæ mouere chaos illud, & è priuatione res gignere valeat: præsertim cum Aristoteles ad docendum, potestate omni actum aliquem priorē esse, Anaxagoræ, qui mentem posuit, paulò post, testimonio vtatur: nisi dicamus ad id Aristotelem respexisse, quòd nulla earum, quæ ab illis, vt causæ mouentes ponebantur, seu amor esset, seu mens, seu diuinitas, verè actus aut mouēs causā dici posset. Nam quæ illius actus esset natura, qui infinitis ætatibus otio veluti marcescens nihil egisset? Actus enim naturā suā dicitur illud, quod perpetuò in actione versatur, & ab ea ne minimum quidem temporis desistit. A quiete præterea ad nouam molitionem mutari has causas oportebat, quare non simpliciter actus esse poterant, quippe quæ potestate antefuissent, & ab alia causā immutatæ. Nullam igitur hac fortasse de causā earum, quæ ab Hesiodo & Anaxagora causarum positæ sunt, rationem Aristoteles habuit. Anaxagoræ autem testimonio in progressu vtitur. quod etsi ipsi Anaxagoræ simpliciter actus mens esse non posset, quippe quam otiosam & à motione vacantem tot sæculorū ætates posuisset, re ipsa tamen verè & natura sua est actus, quæ ab actione minime desistit, quæadmodū infrà docebitur. Alexander Aphrodisæus non Anaxagorā hoc in loco reprehēdi, sed alios quosdam physicos arbitratur, his argumentis, quæ attuli adductus: quod nullo modo potest concedi, siquidem ipsius Anaxagoræ verba Aristoteles cōmemorat. Ac de his satis. Quæ autem de materia hic traduntur, eius naturam pulchrè declarant, quæ sola est potentia, nullamque vim in se habet efficientem, cum non secus eius sit pati, atque formæ agere.

Hanc ob causam actum sempiternum quidam faciunt vt Leucippus & Plato: motum enim semper esse inquit, etsi nec quamobrem, aut quanam, nec modum, nec causam tradunt: motu nanque nihil temerè cietur, sed aliquid semper adsit,

necesse est, quemadmodū nunc naturā quidē hoc modo, vi autem aut à mēte, seu ab alio, alio modo. Præterea cuiusmodi sit primus. magnopere enim id refert. At neque Plato dicere id potest, quod interdum censet principium esse, id videlicet quod se mouet. Posterius enim est, animaque (vt ait) vna cum cælo.

Vt incommodum illud quod veterum theologorum, qui ex nocte, hoc est, pura priuatione, & physicorum, qui ex mixtione mundi ortum tradiderunt, sententiam consequi expositum est, Leucippus & Plato deuitarēt, actum sempiternum (inquit Aristoteles) induxerunt, quippe qui motū, qui actus est, semper esse voluerunt: quanquam quis esset motus ille, in orbē mne, an rectus, quamobrem fieret, eiūsne causa aliqua esset, an temerarius & fortuitus, etsi causam haberet, naturā aut vi quadam efficeretur, an consilio potius & deliberatione & alia eiusmodi omnia, quæ necessariò eis erant explananda, reticuerunt. Quoniam autem Plato motus causam videtur reddidisse, nempe animam mundi, quam se mouere, ob eamque causam motus fontem ac principium esse existimauit, ne hoc quidem Platonē tneri posse Aristoteles subiicit, quandoquidem mundi animam cum cælo natam Plato ponit. Ita vt motus sempiterni principium esse non possit. hæc de Platone & Leucippo breuiter dicuntur. Ex quibus qua ratione ac modo motum semper esse censuerint, & quemadmodum ea, quæ commemorantur prætermiserint, haudquaquam intelliguntur: quapropter nonnulla sunt adserēda, per quæ horum virorum de motus æternitate opinio innotescat. Principio, quodd ad Platonē attinet, motum eum Aristoteles respexit, quo materiam antequam mundus gigneretur, fluctuantem se agitasse, atque inordinatē iactasse in Tymæo est traditum, ita enim eo in loco legitur. Cum vellet Deus omnia bona fore, nihil verò, quoad posset, malum: quicquid erat, quod oculorum aspectui pateret, assu-

mens non tranquillum aut quietum, sed fluitans ac temerè agitatam, ex inordinata iactatione in ordinem redegit. hoc enim præstantius esse indicabat. hæc ibi. Quæ cum Aristoteles nudè & simpliciter intelligeret, exponeretque, mundum in tempore ortum esse, materiàmque infinitis antea temporibus temerario iactatam motu ad ipsum mundum fabricandum ab opifice assumptam, Platonem tradidisse existimavit. De quo quidem materiæ motu cum nihil Plato tradidisset, quod eius explicaret naturam, cum arguendi occasionem Aristoteles arripuit. Itaque ait, nec quis esset ille motus eum tradidisse, hoc est, rectène, an in orbem, an potius ex utroque mistus (tot enim sunt motus genera) nec quamobrem fieret, hoc est, quis eius esset finis, cum nihil temerè motu cieri, nullus rei aut finis gratia credatur, non item causam efficientem & modum, hoc est, naturæ an vi, an consilio & mente (si quidem tot modis, à totidémque causis motus fit) efficeretur. Quæ tamen omnia ab eo, qui de motu differebat, eumque sempiternum statuebat, explicari erat necesse. Nullam etiam ait primi motus mentionem eum fecisse, hoc est, an motus ille materiæ inordinatus, primus esset, necne, quod tamen cognoscere plurimum refert. Atque id quidem nos eo discrimine, quòd octauus Physicorum tam prolixam de eo disputationem continet. Magni etiam videtur interesse rectène, an in orbem motus ille efficiatur, cum illorum alter continens & perennis esse possit, alter minimè. Illud quoque magnum momentum in se habet, causam efficientem & modum, quo agit, cognouisse. Alio enim modo naturæ res mouentur, alio vi, alio mente & consilio, neque eodem omnia. Lapis namque in inferum locum naturæ fertur, externa vi & pulsu in superum; ignis contra ad terram vi trahitur, naturæ in sublime euectus. Ea etiam quæ mente, ut homines, vel phantasiâ, ut bruta, mouentur, non eandem cum aliis, aut etiam inter se motionis habent rationem: neque enim homines & ceteræ animantes vni cuiuspiam motus generi, ut res ceteræ addictæ sunt, cum modò sursum, modò deorsum, modò ante versus, modò retro, nunc ad dextrâ, nunc ad læuam, prout mens vel phan-

tasia ea moderatur & regit, moueantur. Addit verò Aristoteles, non posse Platonem motus sempiterni principium & causam animam mundi ponere, propterea quòd eam motu illo posteriorem, & vnà cum cælo ortam constituat, vt nullo modo is motus, qui mundi ortum sæcula innumera antecesserit, à principio, quòd cum mundo ortū est, possit oriri. Nec verò aliquem turbet, quòd animam non cum mundo ortam, sed ipso antiquiorem tum ortu, tum virtute in Tymæo Plato inquat. siquidem fieri potest, vt vnà cum mundo sit orta, eadēque tamē ortu antiquior ponatur, quatenus ab ea mundi ortus inchoauit. Quemadmodum fundamētum vnà cum tecto fieri, si nullum sit inter vtriusque fabricationem intervallum, dicitur, quod tamen tecto antiquius esse, priusque iactum nemo non nouit. Quod autē dicitur animam seipsam mouere, Platonis est vulgatum placitum, quod dialogorum suorum multis in locis legitur, atque ab Aristotele in primo de Anima tanquam falsum refellitur. Atque hæc satis de Platonis reprehensione, à qua si vindicare eum aliquis velit, ad id confugiat necesse est, quod Iamblicus, Porphyrius, Plotinus, Proclus, & alij docti Platonici, de mundi ortu sempiterno ex Platonis sententia senserunt. Hi omnes mundum non in aliquo temporis principio ortum esse, quēadmodum Plutarchus, Atticus, & ex Platoniciis alij quidam, præterea Aristoteles Timæi verba simpliciter intelligentes existimarūt, sed sempiternum, genitum tamen, & ab opifice fabricatum, vel (vt verius dicamus) gigni & fabricari, non in aliqua temporis parte, sed in omni sempiternitate ab illo prodeūtem & manantē, non secus atque à sole splendor eius perpetuò prodit & prodibit. Id si ita habet, materia temerario inordinatōque motu iactata infinitis temporibus mundi ortum antecedere non potuit, quemadmodum Aristoteles, & post eum Atticus, in quem Proclus inuehitur, putarunt. Quod autem, quasi antecesserit, à Platone describitur, propterea factum esse existimant nonnulli, vt illius natura absque ornatu omni & distinctione perspecta, quid ab opifice atque anima accepisset, cognosceretur: alij, vt generationis mundi perpetuæ,

atque continentis ordo fieret manifestus, quando non perturbatè, neque eodè modo, sed ordine quodam singulis naturis accommodato (quanuis simul) ab opifice omnia prodeant. Materiam enim ita, ac vniuersum ipsum genitum esse Platonem velle, cum id omne genitum ponat, quod sub oculorum aspectum cadit, qualem etiam esse materiam voluit, vt Tymæi, quæ superius allata sunt, verba indicant. Itaque nullum motum sempiternum esse dixerit aliquis, cuius Plato nec speciem seu formam, nec finem, nec efficientem causam tradiderit. Motus enim sempiterni, quo vniuersum cietur, & species, & finis, & efficiens causa in Timæo traduntur. Species quidem conuersio, vtpote menti, à qua proficisci statuitur, accommodata atque simillima: finis, diuina bonitas: efficiens autem, mouensque causa, mens atque anima: eius quippe vi & efficientia cælestes orbes, & illi quidem diuersis motibus in orbem perpetuò feruntur. Quod Platonem explicasse voluit, cum in ortu animæ tradidit opificem lineam assumpsisse, illamque duas in partes fuisse: quas cum in quosdam torsisset orbes, alterum exteriorem, alterum interiorem fecisse: exteriorem, quem ad dextrum ferri voluit, eiusdemque naturæ appellans: interiorem verò, quem ad læuam, alterius. hanc igitur animæ constitutionem, vim illius efficiètem, qua duplici motu ad dextram & ad læuam, hoc est, ad ortum & occasum, cælestes orbes perpetuò ciet, indicare. Est enim primi extimique orbis motus in dextram eiusdem naturæ, hoc est, æquabilis, sibi que semper similis: planetarum autem, qui est interior, naturæ alterius ac diuersæ, hoc est, sibi dissimilis in læuam. Ita cum sempiternum vniuersi motum Plato statuerit, simul efficientem eius causam, speciem & finem tradidisse. hoc autem motu vniuersi alium nullum tempore priorem posuisse. Quare necessarium non esse, vt eius principium & causa anima ponatur. Animam porro ipsam vnà cum cælo ortam, aut ortu & virtute antiquiorem dici, non quod in quodam temporis initio vnà cum cælo orta sit, aut quod certo aliquo temporis intervallo (quemadmodum Atticus censet) mundani cælestisque corporis ortum illa antecesserit, sed

quoniam & animâ & mûdo in omni sempiternitate ab opifice ordine quodam prodeuntibus, anima præstantior gignitur. hunc in modum aliquis Platonem fortassis tuebitur, huius rerum vniuersitatis sempiternitate constituta. Sed hæc Aristoteles non acciperet, qui Platonis verba nudè & simpliciter, atque, vt significare apta sunt, intelligit. Ea verò mundum aliquando ortum, & illum quidem ex materia fluicâte & motu temerario iactata & vnâ cum mundo animam, etsi ab ea ortus initium sumptum sit, declarant. Quid autè Plato ortu illo ænigmaticè significauit, Aristoteles non multum curauit, quippe qui censeret de rebus naturæ apertè propriisque vocabulis non ænigmaticè & fabulosè philosopho esse differendum. Qua eadem via ingreditur, cùm eius alia placita, vt de ortu elementorum ex planis, de animæ constitutione ex numeris, reprehendit. nec secus cùm Parmenidis & Melissi de vno ente immobili sententiam, cùm item Empedoclis concordiam atque discordiam. De qua re in Cōmentariis de Naturali auscultatione copiosius disserui. Nisi fortasse dixerit aliquis, si mundum ortum materiâque sæcula innumera agitatam, illi subiectam fuisse ex Platonis sententia, vt eius indicant verba, censeamus, modum etiam aliquem relinqui, quo ab Aristotelis reprehensione defendatur. Nam & motus speciem Platonem explicasse, & causam efficientem seu modum: speciem quidem cùm materiam temerè agitatam ac fluitantem, ex inordinata iactatione in ordinem redactâ docuit. his enim verbis doceri non rectum esse, nec in orbem, sed permistum perturbatûmque: iisdem verbis non violentum, nec à mente prodeuntè tradidisse, quòd & nihil adhuc esset, quod vim afferret, & mentem seu animam summus ille parens nondum genuisset: illi potius materię, seu rudi & indigestę moli cognatû ac naturalem fuisse: rei nanque inordinatę motum inordinatû naturâ conuenire: at verò finem eius nullum fuisse, cùm temerè materia agitaretur. hæc igitur fortasse pro Platone aliquis attulerit. quæ, vt verum fateamur, nec magnum in se habent momentum, nec satis eum a reprehensione vindicant. Neque

enim permistus vllus motus esse potest, nisi simplices fuerint, è quorum admistione oriatur, vt in rebus, quæ ex elementis admistæ sunt, cernimus. Simples ergo motus, cum nondum essent, vt pote elementis & cælo, quorum sunt proprii, non existentibus, sed materia solum informi, admistus nullus esse poterat. sed nec informis materia motu cieri apta est, cum actu sit oporteat id quod mouetur: vt autem moueri posse cõcederetur, causa mouens assignanda erat: quandoquidem materia se non mouet, vt exemplis tum in natura, tum in arte antea ostensum est. Atqui & temerè seu fortuito agitatum, si naturaliter mouebatur, materiam fuisse valde absurdum est, quod temerarium fortuitumque nihil natura moliatur. Sed de Platone satis. Iam ad Leucippum venio, qui sempiternum atomorum motum posuit, quarum numerum vimque infinitam in hac longitudinum, altitudinum, latitudinum immensitate perpetuè volitare, atque interiecto inani inter se coherescentes, has rerum, quas videmus, formas & figuras efficere existimauit. De qua Leucippi opinione multa licet videre cum apud Aristoteli sparsim, tum verò optimè apud Lucretiũ, qui Epicuri philosophiam magna ex parte à Democrito & Leucippo acceptam carminibus pulchrè decantauit. Aristoteles inter cætera loca in tertio de Cælo, hanc illorum sententiam commemorat, & eiusdem, cuius hic, rei eos coarguit. Quocirca, inquit Democrito & Leucippo, qui prima corpora tempore infinito semper moueri aiunt, dicendum erat, quo motu, & quis corporum illorum esset motus naturalis. Lucretius autem in primo sui poematis ita canit: Sed quoniam docui solidissima materiali

Corpora perpetuè volitare inuicta per æuum,
Nunc age summa audi, quæ nam sit finis eorum.

Rursus in secundo:

Quapropter quo nunc in motu principiorum
Corpora sunt, in eodem antea ætate fuisse,
Et posthac semper simili ratione ferentur.

Hæc Lucretius. sed illud est animaduertendum, quamquam Leucippus speciem motus atomorum causamque effi-

cientem prætermiserit, Epicurum tamen non prætermisisse: naturâ enim propriis momentis atomos deorsum ferri, atque aliquo modo declinantes continenter per inane agitari, hunc in modum cecinit Lucretius:

Illud in his quoque te rebus cognoscere aueamus,
Corpora cùm deorsum rectum per inane feruntur
Ponderibus propriis incerto tempore firmè,
Incertisq; locis spatio decedere paulum
Tantum, quod minimum mutatum dicere possis.

Causam etiam reddit, cur vario & assiduo motu corpora illa agitentur, cùm motione illâ res omnes progigni atque resolui hic tradit:

Nunc age quo motu genitalia materiali
Corpora res varias gignant, genitâsque resoluant,
Et qua vi facere id cogantur, quæue sit ollis
Reddita mobilitas magnum per inane meandi,
Expediam.

Putare igitur, actui potentiam anteire, partim quidem rectè habet, partim non rectè. Quo autem modo dictum est. Actum verò potentiâ priorem esse Anaxagoras testatur. Mês enim est actus. Empedocles item amicitiam & litem, ij denique omnes, qui motum sempiternum esse aiunt.

Quoniam potentiam actui priorem esse ratione vnâ antea monstratum est, tum ostensum incommodum, quod ex eiusmodi conclusionè sequebatur, nempe eorum; quæ sunt, nihil futurum fuisse, & illo quidem incommodo affectos esse, tum theologos, tum physicos quosdam, Leucippum verò & Platonem, eius vitandi gratiâ, actum sempiternum statuisse, vtro modo res se habeat, potentiâne actus antecedit, an potentia actum, his verbis exponit, vt id, quod tradebatur, substantias à materia separatas, actus quosdam esse potentix planè expertes, verum esse tandem pateat. Est autem

hæc de actus & potentiæ antecessione in nono huius scientiæ libro quæstio pertractata, quo in loco ea totius disputationis fuit conclusio, in rebus singulis, quæ oriuntur & occidunt, tempore potentiam anteire, actum subsequi. Simpliciter autem potentiâ omni actû aliquem priorem esse, qui potentiam illam ad actum ducat: quippe cum ad actum, ex potentia adduci, nisi per alium actû, nihil potest. Quod exemplo ita illustratur. Socratis forma, potentiâ prius fuit, quàm actû, alium tamen actum præcessisse oportuit, videlicet Sophroniscum, qui formâ illam Socratis è potetia in actû educeret, alioquin Socrates potentiâ semper fuisset, & nunquam actû. hac verò potentiæ & actus distinctione, cum aliis in locis, tum maximè in tertio de Anima Aristoteles vsus est, cum mentem, quæ potentiâ est, eam, quæ actû est, in hominibus singulis antecedere, simpliciter autem posteriorem esse docuit. Quod ita habet: siquidem discipuli mentem potentiâ prius intelligentem esse, quàm actû necesse est, quæ tamen ad actum, vt actû intelligeret, non duceretur, nisi alia quæpiam mens, vt præceptoris, anteiret. hoc igitur est, quod Aristoteles monet, potentiam actûi præire, partim quidem rectè se habere, partim non rectè. Rectè enim in singulis rebus, quæ oriuntur & occidunt: simpliciter non rectè, quandoquidem actus aliquis antecedit necesse est, qui potentiam omnem ad actum deducat. Ac eousque quidè antecatur oportet, quo ad actus eius attingatur, quod semper primùm mouet, quod sempiternum cum sit, actû semper est, potentiâque vacat: ita vt in eo necessarium non sit, potentiam actûi anteire, quæadmodum in eis, quæ, cum oriri & interire apta sint, eius efficientiâ, cum sunt potestate, in actum ducuntur. Ita de substantia sempiterna, de qua disputatio instituta est, quæstio tollitur. Neque enim necesse est, imò verò fieri non potest, vt illa potentia, seu patiendi, seu agendi actum eius vlllo modo antecedit: quandoquidem id solis, quæ oriuntur & occidunt, conuenit, quæ potentiâ prius esse & agere, quàm actû sint, aut agant necesse est. Porro sempiternorum & simpliciter immortalium nihil simpliciter potetia esse in nono;

quem commemorauimus, docet, ita, vt nec motus, qui sempiterno tempore efficitur, potentia esse possit, non item si quid perpetuò mouetur, nisi ea ratione, qua ex hoc in hunc terminum mouetur, eamque ob causam solem & astra, totumque cælum perpetuò operari & moueri, nec pertimescendum esse, ne tandē stent mouerique desinant, quod physici quidam pertinuerunt. Ita igitur perspicuum est actū potentiaē simpliciter anteire, nec illud sequi incōmodum, quod antea colligebatur. hoc verò multorum testimonio (qui eius post demonstrationes allatas mos est) cōfirmat. Ac primū quidem Anaxagoræ, tum Empedoclis, deinde eorum, qui sempiternum motum statuerunt, quemadmodum Leucippus. Anaxagoras enim, cū illam rerum omnium confusio- nem à principio fuisse censuisset, mentem antiquissimam adhibuit illius permixtionis prorsus expertem, quæ rebus omnibus inter se discretis, hanc, quam videmus, mundi pulcherrimam faciem exornauit. Sed illud dubium adfert, quòd Anaxagoram incommodum illud consequi antea tradiderit: quoniam omnia simul fuisse initio posuisset, actu nullo constituto, qui ex illa admixtione res segregaret. Nisi dicamus, quemadmodum tunc diximus, mentem ab Anaxagora positam quidem fuisse, sed otiosam, nihilque infinito tempore agētem, itaque actum, quatenus otio indulgebat, re vera non fuisse. hunc verò actum dici, quòd re vera sit actus, & in actione perpetuò versetur, quanquam Anaxagoras otiosam eam posuisset. Ita Anaxagoræ testimonio ad id solū vtetur, vt doceat actum potentia priorē ab eo positum fuisse, quatenus mentem, quæ natura sua actus est, posuit. Empedoclis testimoniū magis accommodatum videtur, quippe qui actū induxit, in actione semper versantē, & omni potētia priorē. Eum cōcordiæ & discordiæ nominibus ob effectū differtētiā appellauit. Nam vicissitudine perpetua fieri ab eo interrimq; mūdū credidit. ac quatenus quidē eum ad mūdū fabricandū adhibebat, discordiæ nomine vocauit, quippe quæ elementa in vnū confusa inter se distingueret, ac veluti odiū inter ea disseminaret. Quatenus verò interitus mūdi causa erat.

cōcordia nominauit, elemētis mutuo amore inter se cōcūti-
bus. Nihil verò aliud est illud vnū, q̄ in Cosmopœia tam pul-
chrè carminibus cecinit: cuius Aristoteles in tertio libro hu-
ius operis mentionem faciens, amicitiam esse dixit, vt quæ
omnibus, quare vnū fiant, sit causa. In libello etiam de mun-
do ipsius Empedoclis carmina retulit, quibus ab illo vno ef-
fecta esse canit:

πρὸς ὅσα τ' ἔστιν ὅσα τ' ἐστὶν, ἰδί' ὅσα τ' ἐστὶν ὅσα τ' ἐστὶν, &c.

Non semel autem, vt Anaxagoras, mundum ortum po-
nit, sed infinite, certo quodam tempore elemētis inter se dis-
tinctis, & hunc ornatum rebus omnibus habentibus, alió-
que certo temporis interuallo iisdem in vnum cōeuntibus,
& ita vicissim perpetuò, vt actus ille ab actione nunquam
cessaret. Quod idem Leucippo euenit, aliisque omnibus, qui
æternum motum constituunt: quandoquidem motus actus
est quidam, qui à motore actu proficiscitur.

Tempore itaque infinito, neque chaos, neque
nox fuit: verum eadem semper, aut circuitu, aut
alio modo, siquidem actus potentiâ est prior.

Ex actus sempiternitate, quam constituit, atque etiam ex
eo, quod tradidit, actum potentia priorem esse, colligit, nec
chaos, hoc est, admistionem illam confusionemque rerū ab
Anaxagora excogitatam, nec noctem, hoc est, puram, re-
rum priuationem, materiâque prorsus informem, quam
etiam chaos veteres theologi nominarunt tempore infinito
ante actum fuisse: ac id quidem rectè. Quo modo enim, si actus
potentia est prior, isque sempiternus, illa rerum omnium, seu
in chao, seu in nocte potentia infinito tempore esse ponitur?
eo certè quod semper fuit, nihil prius esse potest. Quamob-
rem, si nox aut chaos sempiterno fuerunt tempore, neutro il-
lorum priorem actum ponere possumus. Quare si prior sit,
vtrunque illorū tollatur necesse est. Nec vero chaos aut nox
vnà cum actu æternitate prædita esse poterant. Quæ enim
(vt antea tradidimus) illius actus fuisset naturâ, qui infini-
to tempore ab actione omni vacasset? Illud nanque naturâ
suâ actum esse dicimus, quod agit perpetuò, neque otio mar-
c. iij.

celsens ab actione vñquam desistit. Cùm ergo nec chaos, nec
 rerum priuatio tempore æterno fuerit, sed potèriam omnem
 actus aliquis antecesserit, omnia, quæ sunt, semper fuisse
 Aristoteles subiicit. Quod quidem necessariò consequitur.
 nisi enim ea, quæ sunt, semper fuerint, orta esse aliquando o-
 porrebit: Ita aut nox, aut chaos antè eorum ortum ponetur.
 quæ cùm initium nullum habere queant, infinito tempore
 antecesserint necesse est. hæc ergo, si non fuerunt, semper
 fuisse ea, quæ sunt, manifestè colligitur. Semper autem (in-
 quir) aut circuitu, aut alio modo. Neque enim eadem nu-
 mero semper fuerunt: quippe cùm omnia præter cælum per-
 petuò oriantur, vicissimque intereant. Sunt autem duo (vt
 patet) modi, quos Aristoteles attingit, quorum altero rerum
 ortus & interitus vicissitudinem perpetuò fieri necesse est.
 Vnus est Empedoclis, qui, vt paulò antè monuimus, in eiusq;
 poemate legitur, mundum hunc infinitè genitum, & per sta-
 tuta temporum interualla infinitè interiisse arbitratur. oriri
 autem ex primorum corporum, ignis, aeris, aquæ, & terræ
 perfecta inter se disunctione, quam discordia efficiat, post-
 quam corpora illa diuturnum quoddam tempus vi & effi-
 cientiâ amicitiz inter se confusa fuerunt, & permixta. Ita
 verò distinctum à discordia & perfectum mundum, longum
 aliud interuallum, ac eousque manere, quo ad elementa pro-
 prias relinquenda sedes, ad priorem illam confusionem per
 concordiam permixta redeant, hoc verò cùm semper factum
 fuisse putet, omnia, quæ nunc sunt, conseruata semper fue-
 runt, consequitur. Alter proprietatis rerum modus is est, què
 ipse Aristoteles, vt veriolem & probabiliorem approbat, &
 sequitur, videlicet omnia, quæ nunc sunt, eò semper fuisse,
 quòd elementorum partes, resque ex illis constitutz vicissim
 ortæ semper fuerint & occiderint, orianturque & occidant,
 vt quasi circulus quidam ex eorum ortu & interitu peren-
 nis efficiatur. Nullum etenim elementorum quantum vni-
 uersum intereat, ex igne tamen aer, & ignis ex acre perpetuò
 gignitur. quod ipsum, aliis quoque elementis, & his etiam,
 quæ ex illorum constant admistione, euenit, cùm ex homine

semen, & ex semine homo oriatur. hic rerum circuitus & quasi quidam cursus, qui apertè in rebus omnibus cernitur, omnia semper fuisse, sempérque non numero, sed specie eadem renasci testatur. De quo rerum circuitu in secundo de ortu & interitu copiosè disseruit, & huius rerum vicissitudinis hanc causam reddidit, vt videlicet cùm mortales essent & caducæ, nec perpetuò possent consistere, perpetuitatem ea ratione consequerentur. Cùm igitur hic ait, eadem semper fuisse, aut circuitu, aut alio modo, circuitum ad propriam sententiam videtur retulisse: alium autem modum (quanuis & ille circuitus est) ad Empedoclem, Alexander Aphrodisæus modo contrario exponit, quippe qui circuitum Empedocli accommodat, alium modum Aristoteli. Quam expositionem non probo, quòd in verbis, quæ mox sequuntur, circuitum tanquam proprium Aristoteles ponat. Illud verò animaduertendum est, quæ contra noctem & chaos pro rerum sempiternitate allata sunt, nostræ quoque religionis de mundi ex nihilo procreatione, placito aduersari. Sed theologi nostri negāt sempiternum actum vnà cum nocte, hoc est, rerum pura priuatione esse non potuisse: quinimo cum statuunt, Deum videlicet optimum, maximum, & eum quidem non otiosum, aut ab actione vacantem: quandoquidem perpetuò in sua ipsius intelligētia, quæ propria eius est actio, versatur.

Porro si circuitu semper idem, aliquid, quod vno eodémque modo agat, maneat semper necesse est. At si rerum ortus interitusque futurus sit, aliud quippiā, quod alio alióque modo agat, semper sit, oportet. Necessarium itaque est, vt per se hoc modo, illo verò per aliud in opere versetur. Aut ergo per aliquid diuersum, aut per id, quod primum est, sed per hoc necesse est. Rursus enim illud, & ipsi causa est, & illi. Restat igitur per pri-

c. iiij.

num . Illud nanque causa est , vt eodem modo in omni æternitate, vt autem aliter, aliud , at vt perpetuò aliter, vtrunque . hoc itaque eodem modo & motus se habent.

Circuitum, rerum ortus & interitus vicissitudinem , earundemque reditum esse, proximè exposui. Non quidè cum, quem Empedocles statuebat , sed elementorum inter se, aliarumque etiam rerum ex illorum admistione genitarum mutuum ortum & interitum. Ex hoc circuitu, qui manifestè in rebus cernitur, duas mouentes causas, duosque ab illis prodeuntes motus, qui eum perficiant, in omni æternitate esse colligit, vt tandem perspicuum sit, substantias illas sempiternas, de quibus in hoc libro disputatio est instituta, esse, easque perpetuò in actione versari, ab omni motu & materia liberatas. hæc verò, vt planius intelligantur (sunt enim strictim, & obscurè admodum hic tradita) dilatanda sunt, idque totum, quod in secundo libro de Ortu & Interitu quo in loco de hac eadem re fusius & planius disseruit, legitur, repetendum, explanandumque . Aristotelis itaque eo in loco sententia est, ortus & interitus seriem atque vicissitudinem duplici motu cælesti perpetuari, à quorum vno ortuum & interituum varietas & vicissitudo pendeat: ab altero, varietatis eius & vicissitudinis, perpetuitas atque constantia. Ac illud quidem priorem, solis proprium motum esse , quo in signorum orbe quotannis ab occasu ad ortum reuoluitur. Posteriores esse, primæ sphæræ, quæ complexu suo omnia coeret , & solis ac reliquarum stellarum errantium orbes , ab ortu ad occasum secum vnà singulis diebus contorquet. Porro solis stellam sui, tum præsentiam , tum absentiam ortus & interitus efficere: præsentiam quidem, ortus: absentiam, interitus. Cuius absentia & præsentia, quæ sit vicissim, causa sit, quòd circulus ille signifer, per quem circumfertur, conuersionemque efficit annuam, oblique positus sit , & ad Aquilonarem regionem vna sui parte ad Australem alia inclinet: ob eamque causam sydus eiusmodi modo ad nos accedat, tum autè

sensim in diuersam partē retro cedat. Quum autē ad Septentriones propius accedit, vitali suo calore rerum omnium, seu plantarum, seu animalium, ortus facere. at quum à Septentrionibus ad Meridiē digreditur, tum sui absentiā, quasi tristitia quadam terram cōtrahere, vt horreat, ac his, quæ fecunditate sua sole præsentē ediderat, magna ex parte spoliatur. Itaque solis motionem obliquam, eius, quæ in ortu est, & interitu, vicissitudinis causam esse. Eiusdem autem perpetuitatis & constantiæ primum motum, qui nunquam immutatur, eodēque modo semper fit & agit. Neque enim vnū & eundem motum, & vicissitudinem & perpetuitatē, quam ille habet, posse efficere. Non item primum motum, qui sui similis semper est, vicissitudinis in ortu & interitu authorē esse posse. Sed nec solis lationem ad eiusmodi vicissitudinem sufficere potuisse, nisi inæquali interuallo ob circuli, per quē mouetur, obliquitatem, solem moueret, illum modō adducendo, modō abducendo. Vna enim & eadem omnino motio, si esset, quæ solem æqualiter moueret, oportere, aut perpetuō ortus rerum esse, aut perpetuō interitus: quod contrariorum, qualia sunt ortus & interitus, vna & eadem, eodem modo se habens causa esse non possit, idēque eodem modo affectum, semper idem facere naturā suā sit comparatum. Atque hæc quidem præter cætera ad hanc rerum vicissitudinem attinentia in secundo de Ortu & Interitu Aristoteles tradit. cuius verba hæc sunt: Cūm (inquit) demonstratum sit motum eum, qui latio dicitur, sempiternum esse, ortus quoque, si hæc ita habeant, continens sit necesse est. Latio nanque ortum continenter ideo faciet, quia id admoueat, & abmoueat, quod gignendi vim habet. Et paulō infrā, Quoniam positum est, & demonstratum ortum interitūque rerum continentem esse, ortūque causam lationem esse dicimus, illud affirmamus, si vnica esset latio, futurum esse, vt ambo fieri non possent, quandoquidem inter se aduersentur. Idem enim eodēque modo semper habēs rem eandē facere aptū est. Quare aut ortus semper esset, aut interitus. Multi igitur motus sunt, iique contrarij, aut latione, aut inæqualitate oportet.

tet: siquidem contrariorum contrariæ sunt causæ. Quocirca & prima latio ortus ac interitus causa non est, sed ea, quæ est obliqui circuli, quippe quæ & perennis est, & duobus motibus fit. Necessarium enim est, si ortus interitusque fieri debeant, & non desistant, semper moueri, ne autem altera duntaxat fiat, duobus. Continuationis igitur vniuersi latio causa est, accessus verò & recessus ipsa decliuitas. Fit enim ut interdum quidē propè adsit, interdum procul, &c. Quæ omnia sunt veluti explanatio eorum, quæ hoc in loco breuiter afferuntur. Itaque cum ait, Porro si circuitu semper idem perinde est, ac si hunc in modum dixisset. Si circuitu omnia semper redeunt, ortusque & interitusque rerum perpetua est vicissitudo, duo quædam sempiterna mouentia sint, necesse est: quorum alterum æternitatem eiusmodi circuitus faciat, & tueatur: alterum ortus omnis interitusque semper sit causa. hoc quidem mutabilitate quadam, quæ in eo posita sit, ut oblique moueatur, ortus authorem, nempe solem nunc cominus agendo, nunc e minus seducendo: illud verò vno eodemque modo semper se habens, motionem suam vnus modi semper efficiendo, & sempiternitatem alteri mouenti communicando. Cum verò necesse sit, aliquid esse, quod semper agat, sed aliter & aliter, ortus & interitus rerum perpetuò faciendo, aliquid, quod eodem modo semper agit, fit, ut illud per se ortus & interitus causa sit, per aliud verò æternitatis, quæ in ortus & interitus inest vicissitudine. Illud autem per quod agit, cum vel omnium, quæ agant, primum esse oporteat, vel non primum, sed aliquid aliud, quod primo subiiciatur, ut primum sit, præstat. Etenim si aliud, quod primum non sit, ponatur, cum primi virtute omnia agant, ad illud tandem veniendum erit, quod & ei, à quo ortum & interitum perpetuò proficisci dicimus, & illi, quod perpetuò agere ponitur, actionis est causa. Quod itaque primum est, huius perpetuitatis causa erit, vicissitudinis, id quod ob sui obliquam motionem aliter se habet, vtriusque, hoc est, circuitus perpetui, vtrunque: ita tamen, ut vni & eidem hoc tribuatur, vnum quidem (ut dictum est) per se, alterum per

aliud, hoc est, per primum. Eiusmodi autem est sol, qui sua motione (vt docuimus) ortus & interitus facit: in ea autem actione primæ sphaeræ virtute & efficientiâ perpetuò versatur. Quod quidem, quanuis fortasse dubium videri possit, siquidem sol ab occasu ad ortum per circulum signorum ex se moueri perpetuò, non primi mobilis efficientiâ ponitur, ita tamen se habet: nam primus ille motus aliorum finis videtur esse. Siquidem errantium stellarum animæ ideo mouent, vt primo mouenti similes fiant, ad eumque, quamproximè fieri potest, accedant. ita, vt si primum remoueas, aliorum nullus esse possit, ob eamque causam omnis eorum perpetuitas à primo proficiscatur. Atque, vt concedamus orbes omnes propria motione ex se perpetuò moueri posse, & motus eorum perpetui primum motum causam non esse, adhuc tamen vicissitudinis, quæ in ortu est & interitu, perpetuitas à supremo motu accipitur, ita, vt motu illo primo sublato, quanuis solis stella in orbe signifero perpetuo, quod fieri non potest, vlueretur, omnia, quæ oriuntur & occidunt, prorsus perirent aliquando, nec vltra omnino resurgerent. Nulla enim aut vnica solùm per singulos annos esset, noctiũ dierũue vicissitudo, quam tamen vicissitudinem ad rerum ortum & conseruationem plurimum facere ea loca declarant, quæ polum supremum verticem nacta sunt. hæc etenim cùm vnus tantum diei, vniũsque noctis annum ob situm illum habeant, solisque non præsentia solùm, sed & lumine sex menses integros priuata sint, horrida esse & vacua, atque ab hominibus & belluis deserta esse existimantur. Quare ortus rerum perpetuitatem motus primus efficit, qui solis sydus singulis diebus ab ortu ad occasum rapiens, noctium & dierum vicissitudines efficit, quòd sol ita eo motu cieatur, vt cùm terras lumine suo compleuerit, easdem modò his, modò illis partibus sui absentiâ opacet. Ita intelligenda videntur ea, quæ de ortus & interitus vicissitudinis causis, his verbis traduntur. Quod autem subiicit in fine, hoc eodem modo se habere, & motus: perinde est, ac si dixisset, quemadmodum inter se affecta sunt, id, quod eodem modo semper habet &

agit. Et id, quod aliter & aliter, ita & eorum motus. Siquidem utrorumque eadem est ratio. Inquit vērò Alexander idem valere, ac si dixisset, non nos solum de inerrantibus sphaeræ, & solis motibus hæc tradimus, sed etiam motus ipsi reuera sic se habent. Quæ expositio (ut mihi quidem videtur) verbis consentiens non est, nec mihi probatur, quemadmodum nec illud, quod ait initio horum omnium verborum, post illud, quod si idem semper est circuitu, desiderari hoc, vel alio modo, ut perfecta oratio eiusmodi sit, si mundus hic semper est, vel circuitu, ut Empedocli placet, vel aliter, ut nobis videtur, &c. Docuimus enim circuitum ad Aristotelis sententiam, non ad Empedoclem attingere, sed hoc, utro modo se habeat, non multum refert.

Quid igitur alia perscrutari principia oportet?

Cum duos illos mouentes, solem, qui aliter, atque aliter agit, & primum qui uno eodemque modo in actione semper versatur, vel eorum motiones, vicissitudinis perpetuæ, quæ in ortu rerum & interitu est, idoneam causam esse docuerit, in Platone, & fortè etiam in Empedocle, qui alia principia & causas statuere visi sunt, his verbis inuehitur. Illorum enim alter concordiam & discordiam, alter Ideas ortus rerum causam esse tradidit. De Empedoclis sententia antea dictum est, atque etiam de Ideis nonnulla. Censet autè Aristoteles Ideas à Platone positas fuisse, ut ortus rerum causa essent, ita, ut res nulla absque Idearum efficientia oriretur. Quam sententiam non hic solum, sed alibi sæpe, & in primo huius operis maxime, refellit: nullamque earum necessitatem esse docet, quod res omnes, quarum Ideas Plato statuit, naturam oriantur & fiant, quæ in agendo nullo utitur exemplari. Effectrices autem ortus causas alias esse, ut ad Ideas recurrere minimè sit opus. Sed horum philosophorum vter rectius senserit, Plato in Ideis statuendis, an Aristoteles in iisdem reiiciendis, præsentis instituti non est excutere. hoc enim ipsum per se, aut in primo huius scientiæ disquirendum videtur.

Quoniam autem & ita fieri potest, & nisi ita fiat, ex nocte erunt, & omnibus in vnum congestis, & ex non ente, dissolui profectò hæc possunt. Atque aliquid est, quod absque vlla cessatione motu vi in orbem sit, cietur, hocque non ratione solum, sed re etiam ipsa perspectum est. Quamobrem primum cælum sempiternum erit.

Quoniam (inquit) ita fieri potest, vt videlicet traditum est, nempe vt omnia eadē per circuitum redeant, mundusque perpetuò perseueret, cuius quidem circuitus ac perpetuitatis causæ sint primum id, quod mouetur, & id quod aliter & aliter agit, hoc est, solis globus, ac nisi ita fieri possit, nullaque motus, à qua circuitus profiscatur, perpetuitas sit, eueniat. vt ex nocte & non ente, seu chaos omnibus rebus in vnum congestis mundus sit ortus, quod merum cōmentum esse traditum est, sequitur profectò, vt dissolui faciliè hæc possint, hæc inquam, quæ de nocte & chaos à veteribus illis theologis, atque etiam physicis nonnullis fuerunt excogitata.

Quid enim noctem aut chaos inducere necesse est, si motus sempiternus esse potest: vnus quidem vnus modi, alter alio atque alio modo se habens, à quibus ortus & interitus vicissitudo perpetuò exoritur. Faciliè igitur hæc tolluntur, atque (vt demonstratum est) aliquid est quod absque vlla cessatione continenter mouetur: & illud quidem eo motu, qui conuersio dicitur. hoc verò non ex ea solum, quæ allata superius est, ratione cognoscitur, sed re ipsa atque opere perspectum est, siquidem sensus & effecta omnia, quæ in hoc mundo sublunari perpetuari cernimus, eam ipsam sempiternitatem testantur. Nam quauis nemo ex his, quæ vitæ suæ curriculo vidit, æternitatē hanc astruere valeat, tamen Nestor si ille, aut alius quispiam, qui multas vixerint ætates, omnium tamen sæculorum memoria, quæ à veteribus & priscis hominibus, deinceps posteritati tradita est, testis esse potest, aliquid esse, quod sempiterno tempore motum est, quod

quidem est cælum primum. Atque hæc horum omnium verborum vera explanatio videtur. Nisi quis vellet, id, quod dicitur, dissolui profectò hæc possunt, ad ea referre, quæ de potentia actum antecedente superius obiecta sunt. Vt sit sensus, Si perpetuus rerum omnium circuitus concedatur, atque ita res se habeat, vt declaratum est, omni potentia actus aliquis prior sit, necesse est: quanuis omnia quæ gignuntur, potentia antea sint, quam in lucem edantur. Circuitus enim rerum perpetuus, & actus prior potentia sese consequuntur, nec alterum ab altero potest dirimi. Quod Aristoteles antea tradidit, cum diceret nec chaos, nec noctem tempore infinito antea antecessisse. Sed omnia semper eadem, aut circuitu, aut alio modo semper fuisse: siquidē actus potentia est prior. In quibus verbis illud etiam docet, noctem & chaos utriusque illorum aduersari, & cum amborum natura acriter pugnare. neque enim inducta, seu nocte, seu rerum omnium permissione & chaos circuitus ullus esse potest aut actus, qui omnē potentiam antecedit. Non item noctem aut chaos ponere quis potest, si vel circuitū esse, vel omni potentia actum priorē statuatur. Ita tamen inter se affecta sunt, vt nisi nox aut chaos ponatur, circuitus necessariò & actus potentiam omnem antecedens sit inuehendus: itidem contra, noctem & chaos, nisi illa statuantur, velimus nolimus inducere necesse est. Cum verò horum alterum statuere necesse sit, nōque ipsa naturæ aduersetur, quippe quæ informē materiam non patitur, chaos verò generationem veram tollat, ac pleraque alia secum incommoda afferat, vt circuitum inducamus, necessitate quadam profectò impellimur. Ita igitur ad quæstionem de potētia & actu verba hæc accommodare aliquis possit.

Est igitur & aliquid quod mouet. Quoniam verò id, quod mouetur, & mouet, medium est, aliquid quoque est, quod non motum mouet, sempiternum, substantia, & actus.

Quicquid mouetur ab aliquo moueri, in septimo & octa-

uo libris de Naturali auscultatione Aristoteles monstrauit. Quoniam igitur hoc dictum est, motum sempiternum esse, eoque cælum cieri, colligit, aliquid esse quod illud mouet: Ita sempiternitas actus, quod quidem facere instituerat, demonstratur, simulque ostenditur, primum mouentē aliquem esse: quandoquidem cælum, quod ab illo mouetur, primum est, quod motione cieatur. Intelligendum est autē, hoc, quod mouet, ab ipso cælo diuersum esse: siquidem fieri non potest, vt ipsum, quod est corpus & magnitudo, se cieat. Nec enim quidpiam est, quod se mouere & agitare cōcedatur, nisi eius pars sit vna, quæ moueat, nullo ipsa motu agitata: altera, quæ moueatur, nullam per se, aut ex se motionem efficiens. Quis sanē mouendi modus ratioque, quauis difficilem habet intellectum, in animalibus perspicuē cernitur: quæ eius sunt generis, vt per se, & à se moueri concedantur. In eis enim id quod mouet, & immobile per se manet, quod est anima, seorsum inest, seorsum etiam id, quod ab anima mouetur, videlicet corpus, hunc motionis modum in cæli corpore absque mouentis separati natura inuenire non licet. quippe quod partibus non constet, quarum vna per se moueat, non moueatur, altera moueatur, nec moueat. Corpus enim est, idēque continuum, quod eiusmodi partes habere non potest. Itaque cū moueatur, vis aliqua diuersa, quæ motione illud cieat, statuatur necesse est. hanc autem vim motione omni vacare, in octauo quidem Naturalis auscultationis, quemadmodum eam ipsam esse Aristoteles demonstrauit, sed nunc quoque in verbis, quæ sequuntur, demonstrat. Atque hæc altera pars est conclusionis, quam huius disputationis initio demonstrādā proposuit, cū diceret, necessarium esse, aliquam substantiam sempiternam & immobilem existere. Eo autem demonstratio nititur, quod si mediū aliquod sit, quod duobus extremis participet, aut ex illis constet, illorum præterea extremorum vnum sit, alterum quoque esse oporteat. In his autem, quæ mouent & mouentur, medium aliquod est, quod simul mouet & mouetur. Alterum etiam extremum existit, nempe id, quod mouetur tantum, & non mouet,

quare consequitur, ut aliquid etiam in rerum sit vniuersitate, quod moueat, & non moueatur, ac illud quidem, quod mouetur, & mouet, primum est cælum, quod ipsum, ut patet, per se mouetur, aliósque orbes secum mouet. Id verò, quod mouetur, cælum est ex planetarum orbibus cõstitutum, quod quidem à primo mouetur, ipsum autem necessariò nihil mouet. Id tandem, quod motione vacare demonstratur, est vis mouens primum cælum, & eo medio alios. Cùm verò demonstratio hunc in modum cõcludi videatur, illud animaduertendum est, eam concisè in his verbis hisce legi, ut locum hunc Alexander mancum existimauerit, hocque totum (at est aliquid, quod mouetur tantum) post ea verba (quoniam autè id, quod mouetur, & mouet, mediū est) deesse. Quod probabile admodum est: siquidem, nisi ita suppleatur, efficacitatem nullam ratio habet. Loco autem ita suppleto efficax ratio est, similisque ei quæ in octauo de Naturali auscultatione ad hoc ipsum demonstrandum conclusa est. Sic enim legitur, Tria necesse est esse, id, quod mouetur, id, quod mouet, & id, quo mouet. Id igitur, quod mouetur, necessarium quidem est moueri, at mouere necessarium non est. Id autem, quo mouet, & mouere moueri. Cùm enim simul sit cum eo, quod mouetur, vnà cum ipso mutatur. Quod in iis, quæ loco mouent, perspicuum est, eum vsque ad aliquid necessariò se tangant. At quod sic mouet, ut non sit id, quo mouet, immobile est. Cùm igitur extremum id intueamur, quod moueri quidem potest, motionis autem principium non habet, & id, quod mouetur quidem, ab alio autem, non à seipso, rationi consonum est (ne dicam necessarium) tertium quoque esse, quod immobile cùm sit, mouet. hæc octauī physicorum ratio est, ei quam interpretamur, partim similis, partim dissimilis. Similis quidem, qua ex parte, ex eo, quod id sit, quod mouetur tantum, & id, quod mouetur & mouet, id esse, quod solum moueat, demonstratur. dissimilis verò, quod ex ratione instrumenti, quod quidem ab alio mouetur, vim habere videatur, cùm hæc ex ratione medij, quod utroque extremo participet, petatur, quanquam ex illa fortasse ex

eodem vim sumit. Quæ concludendi ratio, probabilis duntaxat alicui videri possit, cum perpetuò res non ita habeat, ut si mediū aliquod aut cōpositum sit; alteraque eius pars separata inueniatur, reliqua quoque eius pars necessariò existat. Siquidem (ut ait Simplicius) cōpositū inuenitur ex consonante & vocali, & separatim item vocalis, cum per se consonans proferri non possit. Adiecit verò eo in loco Aristoteles confirmationem ex Anaxagora sumptam. illum rectè dixisse, ob hanc causam testatus, cum mentem impatibilem esse & non mistam statuisset, quippe quam motionis principium fecisset. Cum verò probabilitatem duntaxat rationes eiusmodi haberi videantur, necessitatem accipiet, si illud adiciatur, in mouētibus, & rebus, quæ mouētur, progressum in infinitum non esse, sed ad aliquid tandem perueniri, quod omnino est immobile, seu statim ad illud accedatur, seu ad id, quod seipsum mouet, quippe quod se mouere dici non potest, nisi quatenus vnā in se partem continet, quæ mouet, & omnino non mouetur. Quæ quoniam ex accidenti, nempe totius motu, agitatur, ideoque perennem motum facere non potest, ut in octauo illo demonstratum est, necesse est, si motus perennis futurus est, mouentem ipsum omnis motionis expertem esse. Quamobrem (inquit Aristoteles) immobile aliquod primum mouens sit necesse est, quod ne ex accidenti quidem moueatur, si in rebus, uti diximus, esse debeat incessabilis aliquis & immortalis motus. Inquit autem hoc in loco, hoc mouens, quod non mouetur, sempiternum esse, substantiam & actum. Quæ omnia ex motus sempiternitate accipiuntur, qui sempiternus esse non potest, nisi mouens sit sempiternum. Neque enim à pluribus mouentibus sibi vicissim succedentibus vnus idēque numero motus potest proficisci: sed substantiam quoque esse necesse est, eamque essentia actum, quod substantia entium sit primum, quale hoc mouens esse debet. motusque ab eo, quod substantia non est, manare non possit, nec motus sempiternus ab eo, quod potentia est particeps, ut antea fuit demonstratum.

Hoc autem modo mouet. id, quod expetendum est, & id, quod intelligentia apprehenditur, mouet, nec mouetur. horum verò prima eadem sunt. Sub cupiditatem quidem enim cadit, id quod apparet bonum. id autem re ipsa est bonum, quod primùm volūtate appetitur. Ac quia videtur, potius appetimus, quàm, quoniam appetimus, videatur. Principium nanque intelligentia est. Intellectus autē à re intellectuili mouetur. At res intellectuili altera secundū se est series, cuius substātia prima est, & huius ea, quæ simpliciter est & actu.

His verbis, quæ concisa admodum breuitate scripta sunt, explanat, quemadmodum vis illa mouens, quæ non moueri, sed mouere tantum tradita est, motum efficiat. hoc autem docet, demonstrationem altius repetens, modumque aperiens, quo res expetendæ, & quæ intellectu apprehenduntur, appetitum intellectumque mouere soleant: tum demonstrans, eam mouendi rationem ad eam vim, de qua loquimur, spectare, quandoquidem & summè est expetenda, & in eorum genere, quæ intelligentiâ apprehendi possunt, primū locum obtinet. Itaque ait, eius, quod expetendum est, & quod intelligentiâ apprehenditur, hanc rationem mouendi esse, vt moueat, nec moueatur. Quæ res facillè declarari potest. Nec enim cū auditum concentus aliquis, aut aspectum pulchra aliqua effigies mouet, tum seu cōcentus, seu effigies illa mouetur. Sed ab illis motione vacātibus auditus & aspectus motu quodam, & si non proprio, pelluntur: quod idem euenit rebus intellectuilibus, appetitumque mouētibus, cū mentem aut appetitum mouent. De qua re Aristoteles in tertio de Anima versus finem copiosè disseruit. Cū ergo ita res se habeat, visque hæc mouens, de qua differitur, summè intel-

le&tilis sit, summ&equ&e expetenda eius natur&e & facultatis eam esse colligit, vt moueat & non moueatur. Summ&e aut&e intellectu&em expetendamque esse hunc in modum videtur monstrare. In ordine eorum, qu& per se intelliguntur, substantia primas tenet, atque in substanti&e genere ea, qu& simpliciter est actus. Eiusmodi autem est vis ea, qu& sempiternum motum ita facit, vt non moueatur: eorum ergo, qu& intelligenti&e apprehenduntur, h&ec ipsa vis summa est. Quod si ita habet, omnium quoque expetendorum summum sit necesse est. In his enim duobus generibus eadem sunt, qu& prima sunt & summa. Nam qu&uis non omnia, qu& bona optabili&que videntur, & cupiditatem cient, continu& sint aut bona, aut optabilia, alter&amque vim appetendi, hoc est, voluntatem moueant, primum tamen, quod sub voluntatem cadit, illud est, quod re ipsa bonum est, atque optabile: neque ideo optabile, aut bonum videtur, quia appetimus, sed contra appetimus, quia optabile esse intelligenti&e & ratione c&prehensum est, cum voluntatis appetitio ex intelligenti&e oria-
tur, intellectu&umque res ill&e sol&e moueant, qu& ab ipso c&prehendi seu intelligi apt&e sunt. hinc profect&o consequitur, vt prim&um expetendum, quod sub voluntatem cadit, intelligenti&e apprehendatur, & vt in expetendorum genere primum est, ita in eorum, qu& intellectu&u mouent, primum locum occupet. hunc in modum Aristoteles vim, qu& mouet, & non mouetur, in genere rerum intellectu&ilium & expetendarum primam esse (vt videtur) demonstrat. Qu&e demonstratio cum pr&ecise atque obscur&e concludatur, vt clara & perspicua fiat, illud in primis ignorandum non est, duo bonarum optabili&umque rerum genera esse, vnum, earum, qu& cum bon&e optabil&e&que re vera non sint, videntur tamen: eiusmodi sunt corporis voluptates, potissimum si exuperent. Alterum genus eas comple&ctitur, qu& ver&e ac suapte natur&e bon&e sunt, & optabiles. Quales sunt virtutes, omnesque animi boni habitus. Illud deinde non est pr&etereundum, vim appetendi, quanuis subiect&o & numero vna est, in duas tamen rationes distribui. Nam quemadmodum nihil obstat,
d. ij.

quominus sentiēdi facultatem vnam dicamus, quanuis sensibus quinque contineatur: vnam item animam, quæ tamen viribus multis est prædita. ita nihil impedit vnam genere, aut etiam subiecto esse naturam, quæ appetit, tametsi duæ eius sint vires, aut partes. Est igitur vna eius pars cupiditas, & libido, altera voluntas. Prima sensus tantum iudicium sequitur, & quodd sensus in rem solùm præsentem feratur, ea, quæ optabilia, cùm non sint, videntur, consecratur. Secunda menti & rationi, quæ non præsentis solùm rei, sed etiam futuræ sensum habet, adhæret, nihilque expetit, quod non antea verè bonum esse ratione & intelligentia fuerit comprehensum. Quæ à cupiditate expetuntur, bona ob id videntur, quia expetuntur, ac iucunda esse percipiuntur. Quæ autem à voluntate, suapte naturâ bona sunt, & prius bona esse apprehēduntur, quam ab illa expeti incipiāt. Neque enim ut voluntatis, ita cupiditatis id, quod verè bonum est, obiectum est, sed iucundum. Quod quia iucundum esse percipitur, bonum etiam à sensu esse existimatur. Atque, id est, quod apparens, non verè bonum appellatur. Præter hæc, illud quoque animaduertendum est, eorum, quæ intelligentiâ apprehenduntur, duas series seu ordines esse. Vna ea comprehendit, quæ per se intelligi apta sunt: altera ea, quæ ex accidenti, seu omnino per aliud. In prima habitus omnes & formæ collocantur, in altera habituum & formarum priuationes. Est autē habituum ordo varius & multiplex, quippe qui & substantias omnes, & accidentia omnia, quæ in substantia inhærent, intra se concludat. Sed in toto eiusmodi ordine, qui per se intelligentiam mouet, primum locum substantiæ occupant, deinde beneficio eius accidentia, quemadmodum & per eam in rerum sunt vniuersitate. Cùm autem substantiarum aliæ materiæ participes sint, & concretæ, potestatiq; admistæ, aliæ simplices, & à materia abiunctæ, suâque naturâ actus, hæc posteriores in altissimo rerū, quas intelligentiâ apprehēdimus, gradu collocantur, tum substantiæ materiâ participantes proximè cōsequuntur. Cuius rei causa est, quod quicquid per se, seu sensu, seu mente apprehenditur, actu in rerum vni-

uerſitate eſſe oporteat. Nihil enim per ſe apprehendi poteſt, quod vim apprehēdentē non moueat, atque ad ſui apprehenſionem quodāmodo excitet, & quale ipſum eſt actu, talem facultatem illam apprehendentem efficiat. hæc verò à nullo, niſi actu ſit, præſtari queunt, quippe cū mouere actus ſolius proprium ſit, potentiz autē & facultatis moueri. Quod quidem de ſenſu & his, quæ ab eo apprehenduntur, in ſecundo de Anima, de mente autem & rebus, quas intelligit in tertio eiſdem operis, ab Ariſtotele traditū fuit. Atque cū res ita habeat, ſit, vt quo aliquid actu magis participabit, eo naturā ſuā, ac per ſe intellectile magis ſit. Quæ verò ab actu remouentur magis, & ad potentiz ſeu priuationis accedunt naturam, ſub intelligentiā cadere minus ſunt apta. hinc euenit, vt ſubſtantiæ materiæ expertes, quòd ab omni potentia & priuatione ſint liberatæ, actūsque puri ſint & ſimplices, in rebus, quas mens apprehendit, primum locum merito habeant, tum ſubſtantiæ, quæ materiam admixtam obtinent, conſequuntur. deinde formæ acciſetariæ. In poſtremo gradu, qui ſecundum ordinem totum complectitur, priuationes poſitæ ſunt, quæ nullo modo per ſe, ſed per habitus ſuos apprehendi conſueuerunt: his hunc in modum declaratis ad Ariſtotelis rationē redeamus. Cū itaque duo rerum optabilem (vt dictum eſt) ſint genera: duo item earum, quæ ab intellectu apprehenduntur, ordines, prima (inquit) horum eadem ſunt. Prima autem in optabilem genere non ea, quæ per ſe bona ſunt, naturāque verè optabilem habent. Nec item in rebus intellectilibus, eę, quę non ex acciſenti aut per aliud, ſed per ſe apprehenduntur. hæc enim quidem eadem fortasſe inueniuntur, ſiquidē optabile re vera nihil eſt, quod ab intellectu tale eſſe percipi nequeat: intellectus contrā nihil, niſi re ipſa bonum aut optabile apprehendit, quippe qui habitus & formas percipit quas diuinum quiddam, bonum & expetendum eſſe, ob eāque cauſam eas, quæ in materiam recipiuntur, vt à ſœmina marem ab ipſa expeti Ariſtoteles tradidit. Sed quanuis ſint eadem, ea tamen prima hoc in loco non intelliguntur. Sed potius ea, quæ in his primis

d. iij.

locum summum habent. Cuiusmodi in rebus intellectibus substantia simplex & actu: in optabilibus autem id, quod re ipsa non solum bonum est, sed omnium bonorum optimum. hæc eadem esse statuuntur. Ac rectè quidem. Nam si optabile re ipsa intelligentiâ apprehenditur, quo optabilius aliquid est, profectò id magis apprehendi queat, necesse est: ita sit ut quod summè est optabile, summum quoque eorum sit, quæ intelligentiâ possunt apprehendi: & contrà id, quod summè apprehendi potest, expetendorum omnium maximum. Præsertim, cum forma, quemadmodum diximus, bonum quoddam sit diuinum & expetendum, ut summa & perfectissima forma, qualis est simplex & actu substantia, quæ maximè intelligi apta est, diuinissimum sit, optimum & rerum, quæ expetuntur, maxima. Cum ergo hæc prima eadem sint, & ea, de qua differitur, vis mouens immobilis in rebus intellectibus primatum teneat, utpote simplex & actu, in rebus quoque optabilibus summa sit, necesse est. Eo itaque modo mouere potest, quos res intellectuales optabileque mouent, quæ ita mouent, ut cum mouent, non moueantur. Quod autem ait (sub cupiditatem quidem id cadit) quanuis non cohærere cum superioribus videatur, ad id pertinet, ut doceat non omne quidem, quod expetitur, intellectu apprehendi, quòd quædam cupiditatem moueant, quæ ad sensum attinent, non ad mentem, quæ tamen prima sunt in genere expetendorum & intellectuum, eadem esse: siquidem prima, quæ re vera sunt bona, voluntate expetuntur: quam expetitionem mentis cognatio antecedit, ut ideo expetantur, quia expetenda esse rationi videantur: non autem videantur, quia expetantur, ut apparentibus euenit bonis. Principium enim (inquit) subaudi appetitionis, intelligentia est. Intellectus autem à re intellectuili mouetur, ita ut rem, quæ appeti voluntate debet, intellectuilem esse oporteat. Quod autem subiicitur: At res intellectuile altera secundum se est series, rationis allata est assumptio, quemadmodum ex iam dictis intelligere facile quis potest. Quæ autem sit rerum intellectuile altera series, satis à nobis expositum fuit.

Idem autem non est vnum & simplex. Vnum enim mensuram, simplex verò, quomodo res se habet, significat.

Cùm dixerit substantiam actu & simplicem in his, quæ intelligentiâ apprehenduntur, summam esse, ne quis errore ductus, simplicis vocabulum ad vnus referret significationē, idēque esse vnum & simplex putaret, eorum differentiam subiicit, vnum inquit mensuram significare, simplex verò rei habitum quendam. Quod quidem verum esse ex his potest intelligi, quæ in quinto & decimo huius operis libris de vocabuli, vnus, significatione sunt prodita. Inter cætera autem rationem mensuræ eo significari præclare exponitur. Nam cùm mensurā id nuncupetur, quo primo vnumquodque cognoscimus, omnia profectò, & quanta præcipue, vno agnoscuntur, vel certè eo, quod diuiduā naturā licet cōstet, vt tamen indiuiduum & vnum accipitur, quemadmodum pedis vnus linea est, qua ad lineas alias metiendas vrimur. hanc mēsuræ rationē vox illa, simplex, non signat, sed rei qualitatē & naturā seu dispositionē. Quocirca potest quidpiam vnum esse, quod simplex non est, veluti vnus homo, aut aliud quid simile. Rursus potest simplex quid esse, quod multitudinem quadam constabit: nec vt vnum sit, vlla necessitas impellit. Cuiusmodi est hæc, de qua sermo est, substantia immobilis, quæ cùm simplex sit, non vnā tamen esse ostenditur. Nec, quòd vocabulorum horum significationes inter se differant, differentiam eorum indicatam frustrā esse quis putet. Interdum enim pro alio vnum sumitur, quemadmodum cùm dicitur, aliquid ἀπλῶς non dici, idem valet, ac si diceretur, vno modo. Illud etiam verè vnum est, quod simplex est, & diuidi non potest.

Atqui & pulchrum, & quod propter se diligendum est, in eadem serie est, optimūque semper est, aut optimo respōdet proportionē id, quod primum.

Ad confirmandum id, quod traditum est, quæ in rebus expetendis & intellectuibus summum locum habent, eadem esse, positum hoc videtur. Nam de rerum intellectuum serie, cuius in superioribus verbis meminit, loquitur. Eadem autem est bonorum, & eorum, quæ intelligentia apprehenduntur, series, quod habitus & formæ, quas per se intellectu agnoscere docuimus, boni rationem habeant, non secus, ac earum priuationes, mali. Quod etiam Pythagorici quidam tradiderunt, cum duos rerum ordines, vnum habituum, alterum priuationum statuerent, & hunc quidem rerum malarum, illud bonarum esse vellent. Quos ordines in primo huius operis Aristoteles hunc in modum recenset.

Finitum	Infinitum	Finitum igitur & cætera
Impar	Par	quæ sequuntur bona esse,
Vnum	Multitudo	infinitum & reliqua ma-
Dextrum	Sinistrum	la. Quæ omnia, ut patet,
Masculinum	Fœmina	bonorum quædam sunt
Quiescens	Motu agitatum	priuationes. Quod autem
Rectum	Curuum	dicitur, estque optimum
Lumen	Tenebræ	semper, aut optimo re-
Bonum	Malum	spondet proportionem id,
Quadratum, Altera parte longius.		quod primum est, alia ad

idem confirmandum ratio videtur esse. Quanvis & huius quæ exposita est, pars quædam esse possit intelligi. Sed utrovis modo intelligatur, cum id optimum esse, quod primum est, dixisset, illud, aut proportionem responderet, pulchre adiectum est. Quædam enim prima optima sunt, non simpliciter quidem, sed sola comparatione. Quemadmodum in intellectibus humanis is, qui actu est, optimus est, non simpliciter, sed quod alios intellectus, qui potentia solum sunt, aut habitu dignitate antecedit, ob eamque causam, cum primo ac diuinissimo intellectu, qui simpliciter optimus est, aliquo possit modo comparari.

Esse verò in his, quæ vacant motione id, cuius gratia, diuisio indicat, alicui enim est id, cuius gra-

tia, quorum alterum quidem est, alterum non est.

In tertio huius operis, qui Græcis secundus est, cùm quæstiones ad hanc scientiam pertinentes proponit & disputat, in immobilibus rebus finem non esse docet, idque eo argumento, quod finis & id gratia cuius, actionis cuiuspiam sit finis, actioque omnis cum motu efficiatur, qui in rebus immobilibus nullus est. huic decreto aduersari id videbatur, quod antè tradidit, substantiam immobilem optimam esse, ac summè expetendam, eoque modo mouere, quo res expetenda motione appetitū ciet, quod certè ipsius finis est proprium. Ne igitur ipse à se dissentire, pugnantiâque docere videretur, quemadmodū in rebus immobilibus finis inueniatur, declarat. Itaque finem bifariam diuidit, vt vnus sit cuius gratia actio sit, quique actione cōparatur. Alter, cui hic, in quem actio desinit, fieri consuevit. Siquidem id cuius gratia actio est, alicuius semper commoditati comparatum est: horum igitur alterum mobilibus rebus concedit, alterū negat. Quem autem concedat, quēue neget non aperit: sed ex horum finium natura potest intelligi. Cùm enim vnus actione cōparetur, & eo, qui agit, longè sit posterior, in immobilibus esse profectò non potest. quippe quæ non moueatur, atque in suo fine sint semper, nihilque quod antea non haberent, indipiscantur. Alter ante rem gerendam, seu actionem existit, simulque est cum eo, quod agit, imò verò vnum idēque cum eo esse potest. Cuiusmodi est ædificator, qui sibi domum construit. huius generis finis in rebus immobilibus & sempiternis inest, & quo minus insit, eiūsque ratio eis conueniat, nihil impedit. Nam & si immobiles sint, mouere possunt & agere, idque sui gratia & propter se, vt in eo, in quo sunt, statu conseruentur. Neque actio omnis cum motu coniuncta est, ita, vt res quæ agit, moueatur, sed ea tantum actio, quæ à corpore, aut ab eo, quod in corpore inest, illique copula quadam coniunctum est, proficiscitur. Mentis enim actio atque etiam aspectus & tactus sine motu efficitur, cùm temporis fiat momēto, in quo motus esse non potest. Omnia

præterea ad substantiam immobilem, ut ad extremum bonorum sunt ordinata, ut illa non sui solum, sed aliorum etiam omnium finis dicatur. Qui etsi motu, quomodo calor, paulatim non acquiritur, quandoquidem bonum agendum non est, unaquæque tamen res actione sua & motu a natura constituto, ad illam quam proximè accedere, eique coniungi conitur, non secus ac grauius locum inferum, leuia superum, ut finem suum motionibus suis adipiscantur. hæc autem finis ratio, quanquam eius videatur esse, cuius gratia aliquid fit, quem finis modum substantiæ immobili Aristoteles negat, quoniam tamen per motum non fit, nec paulatim gignitur, quomodo domus aut sanitas, eidem substantiæ tribui potest. Itaque patet, quemadmodum in immobilibus finis ponatur. Auerrois finis distinctionem aliter tradidit, ut unus is esset, qui in alium recipitur, ut illius quædam perfectio, quemadmodum sanitas in animali, alter per se manens, ut dominus seruorum finis est, in quem actiones illorum diriguntur. hunc posteriorem substantiæ immobili ait tribui, veluti ei, ad quam omnia referuntur: alterum minimè, quomodo accidens sit, quod in substantia illa esse non potest. Est autem animaduertendum finis partitionem in id, gratia cuius & id cui, in secundo de Anima traditam fuisse, cum viuentis corporis finem animam esse Aristoteles docuit. Atque hanc finis partitionem intelligo, cum nunc ait, diuisione indicari.

Eo igitur mouet modo, quo res, quæ amatur: quod autem mouetur, mouet reliqua.

Quoniam quæ expetuntur, optimæque sunt, & in pulchrorum genere summa, eadem necessario amantur, substantiamque immobilem non expetendam solum, sed rerum omnium expetendarum maximam, & optimam, pulcherrimamque esse monstratum est, concludit, eam non secus mouere id, quod motu ciere, quam res, quæ amatur, amantem mouere, & ad se rapere consuevit: quasi diceret, sine sui motione: id autem, quod ab ea mouetur, reliqua motu ciere.

Quæ verba aperta quidem videntur ad intelligendum, sed tamen obscura sunt, & cum multis difficultatibus coniuncta. Quid enim illud sit, quod substantiæ immobilis amore rapiatur, & ab ea impulsus cætera moueat, difficile est (vt ego quidem existimo) diiudicare. Nam cum cælum primū, quod complexu suo omnia continet, & velocissima, sibi que simili fertur conuersione, verissimile sit id esse, quod ab illa dicitur moueri, quippe quod motu suo cætera omnia secum versat, eiusque motus sempiternitate substantiam hanc sempiternam existere monstratum est, doceri non satis potest (quanquam multi id se præstitisse censuerūt) quemadmodum illud à substantia immobili & prima, vt à re quæ amatur, expetendaque est, moueatur. hic enim motus, qui à re amabili atque expetenda proficiscitur, verè & propriè motus non est, nec ad motum, qui in loco sit, pertinet, sed sola translatione motus dicitur, qui finis, seu eius, quod vt finis mouet, proprius est, vt ad cælum, quod verè in orbem fertur, accommodari posse nullo modo videatur. Nec enim homo puellæ amore captus, impulsu solo, qui ab illa venit, ad eam quærendam moueri posset, nisi vim motricem in se haberet, cuius efficientiâ ad eam moueretur. Nec igitur cælum solo substantiæ immobilis amore ductum in orbem potest cōverti, sed conuersionis eius effectricem causam, quæ non vt finis moueat, necesse est adesse. Ea verò nulla videtur esse, nisi substantia immobilis, quæ tamen non erit, si eo modo tantum mouet, quo res, quæ amatur. Quod si præter substantiam primam immobilem, anima (vt Alexandro & aliis multis Peripateticis placuit) in cælo statuatur, quæ substantiæ illius primæ & immobilis amore commota, ad cæleste corpus, in quo est, mouendū impellatur, ita vt ab anima, veluti à causa efficiēte, à substantia autem immobili, vt à fine, ac re expetenda & amata cælum moueatur, non pauciores, seu minores difficultates existunt. Ex motus enim cæli sempiternitate, substantiæ immobilis, vt causæ illius effectricis, sempiternitas, tum in hoc libro, tum in octauo naturalis auscultationis mōstratur. hanc eandem substantiam in magnitudine non esse, eo demon-

strahitur, quòd motus momētaneus fieret. Quæ demonstra-
tio nulla esset, si vt finis duntaxat, non vt causa effectrix mo-
ueret. Cuius quidē rei tum, cū demonstratio afferetur, mo-
nebo. Quid? quod nullibi huius animæ cælestis Aristoteles
meminit, nullòque in loco de ea differuit, de qua tamen, vt-
pote re præstantissima, non minus, imò verò multò magis,
quàm de cæteris animabus, si illam esse credidisset, erat dif-
ferendum. Nam quod animatum cælum ponit, ad substan-
tiam immobilem, de qua nunc agitur, referendum est. quip-
pe quæ cæli quodammodo est anima. Quid? quod in progres-
su substantiæ immobilis numerum & multitudinem expla-
nans totidem illas esse, quot orbes, qui conuertuntur, consti-
tuit, quod minimè necessarium esset, si ab ea, vt à fine & re
expetenda motio prodiret, quippe cū motionis omnis cæ-
lestis, imò verò rerum omnium illa sit finis. Hæ igitur & si-
miles exoriuntur difficultates, anima, quæ à substantia im-
mobili diuersa sit, in cælo constituta. quo modo igitur cælum
primum substantia immobilis, vt res, quæ amatur motu cieat,
non facile est exponere. Nisi animo concipiamus putemuf-
que, id, quod ab illa, vt à re expetenda & fine mouetur, pri-
mario cælum non esse, sed ipsamet seu proprium eius appe-
titum ac mentem: quorum alter, hoc est, mentē, cū natu-
ram suam præstantissimam, omniūque optimam & summē
expetendam apprehendat, perfectionēque illam & im-
mortalitatē, perpetuitate motus contineri intelligit. altero,
hoc est, appetitu, eandem ardentissimo quodam amore pro-
sequitur, atque ad cæleste corpus motu perpetuo ciendum
impellitur, non secus ac sanitatis conseruandæ gratia qui-
piam inambulat, cū & illius perfectionem nouit, & non
alio modo conseruari eam posse intelligit. hoc de substantiæ
immobilis motione in disputationibus contra Algazelem,
& in hoc etiā duodecimo, Auerrois excogitauit. Qui alium
etiā finem motus, quo cælum à substantia illa mouetur, es-
se tradidit, rerum videlicet caducarum & mortalium gene-
rationem & conseruationem, quæ ab illa cælesti motione o-
mnifariam pendet, & sine ea conseruari nullo modo potest.

Ita huius philosophi sententiâ, eadē substantia immobilis & finis motus rationem habet, & causæ efficientis, nullâque anima diuersa est, quæ à substantia illa, vt à re expetēda moueatur. Nec hoc in substantiis à materia seiunctis absurdum esse ait, quandoquidem finis & efficientis rationes ob materiam tantum inter se diuersæ sunt, quæ si in rebus insint à materia liberatis, eidem rei possunt cōuenire. Quemadmodum, inquit balneum, quod cōgitatione à nobis cōcipitur, vt efficiens causa mouet, quod autem reipsa balneum est, motionis est finis. Id verò si in materia non esset, vel seiunctum à materia animo cogiteretur, ab eo, quod vt efficiens mouebat, nulla ratione erit disiunctum, eiusdemque motus res eadem efficiens erit & finis. Cùm ergo substantia immobilis materię prorsus sit expers, motionis cœli efficiens & finis esse potest. hæc Auerrois sententia est (& si alij nonnulli aliter senserint) quæ superiores quidem difficultates elabitur, sed tamen & ipsa alias coniunctas habet. Neque enim Aristoteles substantiam immobilem se mouere alicubi tradidit, sed perpetuò cælū ab ea moueri, ipsamque esse immobilem. Atque hoc in verbis quæ nunc exponuntur, tradi potissimum videtur. Siquidem ait id, quod mouetur, alia mouere, qui locus primo cælo maximè conuenit, cuius motione cæteri ciuntur. Quinetiam seipsam ad mouendū cælum si moueat, immobilis profectò non erit, quod tamen Aristoteles demonstrare hoc in loco instituit. Nec quod à materia abiuncta sit, ad motum efficienter ciendum, si, vt res, quæ amatur, moueat, sufficere videtur, quando nec balnei forma, & si à materia abiuncta poneretur, hominis corpus efficienter moueret, quippe cū animæ illud sit munus. Atque hanc mouentium causarum differentiam in his, quæ à re expetenda motu aliquo ciuntur, in tertio libro de Anima Aristoteles tradidit. Tria enim in animalium motu esse docuit. vnum, quod mouet, & illud bifariam distributum, nempe id, quod est omnino immobile, quæ est res expetenda: & id, quod mouet, & mouetur, quod est appetitus cum imaginatione aut mente, quæ à re amabili & expetenda mouentur, animalque ad

illam prosequendum moueat. Tertium est id, quo veluti instrumento ad motum efficiendum appetitus vtitur. Itaque patet id, quod à re amabili mouetur, non esse ipsam rem, quæ amatur, sed appetitû menti aut imaginationi cõiunctum, quæ ipsum animal efficienter mouent: sed occurrere aliquis potest, non necessarium esse inquiring, vt quod à re expetenda mouetur, ab illa planè diuersum sit, imò verò fieri posse, vt res expetenda ipsa se motione ciet, atque ad aliud mouendum impellat. Quemadmodû si animam nostram se ipsam, quia præstantem se esse intelligat, amore prosequi dicamus, & cùm magnam conseruationis suæ partem in corpore (cuius forma est) mouendo, atque in exercitatione detinendo, percipiat, ab amore illo, quo se prosequitur, ad illud mouendum impelli. Eadem profectò anima eo modo mouet, vt res, quæ amatur, atque etiam efficienter animal ciet. Nihil igitur incommodi esse quis dixerit, si & ipsa immobilis substantia, quia optima est, & summè amabilis seipsam amet, & cùm perfectionem suam in mouendo cælo magna ex parte consistere intelligat, amote illo impulsam ad illud mouendum excitari. Nec propterea immobilis non erit. Eo enim motu vacat, quo cælum mouetur, hoc est, motu ad locû pertinente, quanquã translatione moueri, vt à re, quæ amatur, appetitus solet, concedatur. Cùm autè eam vt id, quod amatur, mouere Aristoteles tradit, non propterea inficiatur, quin & efficienter moueat, sed modum tradit, quo ad mouendum impellitur. Quod autem ait, id, quod mouetur, cætera mouere, ad id pertinet, quod ab ea suæ bonitatis & præstantiæ amore iam excitata & impulsâ efficienter mouetur, quod quidem est cælum primum, quod alios orbes vnà conuertit. Itaque id, quod breuiter & strictim conclusum est, hunc in modum potest dilatari. Mouet (inquit) vt res, quæ amatur. Quare cùm res, quæ amatur, appetitum ad sui prosequutionem, & omnino motum aliquem, quo illam indispiscatur, faciendum, impellat, hæc etiam substantia immobilis suæ præstantiæ amore capta seipsam ad cælum mouendum excitat, quippe quæ (vt dictum est) perfectionis suæ bonam partem

in motu illo positam esse agnoscat. Atque hæc satis de loco hoc perobscuro atque perdifficili. Plura verò ad hanc quæstionem attinentia ab Arabibus & Latinis nostris disputantur, sed quam rectè ipsi viderint.

Quòd si àliquid mouetur, alio etiam atque alio modo se habere id potest. Latio igitur prima, tametsi actus est, se habere aliter, qua ex parte mouetur, & loci ratione, etsi non substantiæ, potest. Quoniam autem aliquid est, quod ipsum, immobile, & actu cùm sit, mouet, nullo modo mutari id potest. Mutationũ enim prima latio est, atque eius conuersio, hanc autem id efficit. necessarium itaque ens est.

Substantiæ immobilis cælum mouentis naturam immutabilem prorsus esse & necessariam, qualis certè primi omnium principij esse debet, ex his, quæ tradita sunt, demonstrat. Omni itaque mobilitatis genere eam vacare docet, eo argumento vsus, quòd loco, vt demonstratum est, non moueatur, cùm hanc ipsam motionem, quæ ad locum pertinet, ipsa efficiat, omnique alio motionis genere, si eam non cieatur, liberatam esse oporteat: siquidem motionum prima latio est, & nobilissima, & in lationum genere conuersio, vt nobilissimam primamque substantiam eam cieri, si aliqua cieatur, necessarium esse videatur, ob eamque causam, quæ illam non cientur, nullo quoque alio genere moueri posse. Cùm verò immobilitatis omni genere prædita sit, immutabilem prorsus esse & necessariam concludit, quippe qui velit ea sola aliter se habere non posse, & necessaria omnino esse, quæ nullo motus genere cientur, ac si quæ sint, quæ aliquo motu moueantur, qua ex parte mouetur, aliter illa se habere & necessaria non esse, & si alioqui immutabilem naturam aut substantiam accepissent. Quemadmodum cælum, quod, cùm im-

mortale sit, & substantiâ immutabili constet, quia in orbem versatur, quatenus versatur, aliter se habeat & necessarium non sit: hunc in modum Aristoteles ratiocinatur. Acomnia quidem, quæ affert, vera esse non est difficile explicare. Cuique enim vel mediocriter philosophiæ perito, perspicuum est, quicquid mouetur, quò mouetur, hoc aliter se habere & mutari, siquidem motus ex alio in aliud progressio est quædam, quæ sine mutatione esse non potest. Quod verò de cæli, quod lationē primam, quia eâ cietur, nominat, immutabilitate ac mutabilitate adiicit, in primo de Cælo copiosè fuit declarati. Nec enim ortum illud aliquādo aut interiturū, nec augescere aut imminui, nec alterari, sed sola cōuersione sempiternum cieri traditum est. Quæ fortasse causa est, ut actus nunc appelletur, quippe quòd perpetuò in actu est, & à motu nunquam recedat, ut eius veluti natura & essentia motus ille esse videatur. Quæ de latione & conuersione simpliciter hic afferuntur, in octauo naturalis auscultationis, rationibus multis, longâque verborum serie fuerunt demonstrata. Illud verò est animaduertendum, rationem, qua substantiam immobilem conuersione cieri non posse colligit, cum ait (hanc autem id efficit) ex eo vim suam sumere, quòd primus mouens, quocunque genere motus moueat, eo, quo mouet, motus genere, moueri non possit. Quod in octauo de Naturali auscultatione eo demonstratur, quòd si moueretur, primus non esset, sed alium ante se, à quo moueretur, mouentem haberet. Illud ergo perspicuum est, cum à substantia immobili conuersio efficiatur, cieri eam eo motu non posse, quamobrem nec aliis, ut dictum est, ob eamque causam immutabilem prorsus esse & necessariam. Quam sanè immutabilitatem, naturamque necessariam in primo de Cælo præclare Aristoteles expressit, cum diceret ea, quæ extra cælum habitant, nec in loco suapte natura esse, nec tempore senescere, nec vilius omnino eorum, quæ sunt super extimam lationem, vllam esse mutationem, sed inalterabilia & impatibilia optimam & quæ sibi maximè sufficiat, vitam degētia sempiterno tempore manere. his verbis Aristoteles substantiarum immobi-

lium, de quibus nunc est disputatio, conditionem & statum exposuit ab omni mutatione liberatum: quæ autem optima sit vita, quam perpetuò degunt, in progressu aperietur.

Atque necessitas, simpliciter est: & hoc modo principium. Necessarium enim tot modis dicitur, aliud quidem vi, quoniam præter impetum naturæ, aliud sine quo non rectè: aliud, quod aliter habere non potest, sed simpliciter est.

Quoniam necessitas multiplex est, ut in quinto huius operis, & hoc quoque in loco traditur, in qua significatione substantia immobilis necessaria esse dicta sit, exponit, necessariamque simpliciter & absolutè esse ait: quod necessitatis genus id esse censet, quo res aliter se habere non potest, qualem substantiam immobilem esse demonstratū est: hoc verò modo ait illam principium esse, hoc est, efficiētem rerum omnium causam primam, à qua, ut à principio ac fonte omnia proficiunt, mouentur, & conseruantur, idque necessariò, ut non proficisci, moueri & cōseruari non possint: quippe cū principij eius talis sit natura, ut bonitate sua ad agendū impellatur, nec magis ab actione possit cessare, quam à præcellenti bonitate sua mutari. Neque enim necessariū est principium, quòd vis ei extrinsecus afferatur, quippe quæ nulla eiusmodi esse potest. Non item, solū, quod sine eo rectè constare res non possit, ut Alexander & Thomas exposuerunt: sed simpliciter & absolutè est necessarium. suapte enim naturā actus est, ita ut ab efficiētia & actione cessare non possit. Quamquam hanc necessitatem illud consequitur, quòd rectè omnia se habeant, quæ absque ea corruerēt, atque ad nihilum reciderent. Illud verò est animaduertendum in exemplaribus verba hæc hūc in modum legi, *ἡ ἀνάγκη, καλῶς*, &c. quæ Bessarion ita vertit (& pro ut necessitas, bene est, & sic principium) Argyropilus autē (atque ut necessariò est, bene etiam hoc pacto principium est) quarum conuersionum hæc est sententia, ut substantia hæc immobilis, qua necessitate

c. i.

necessaria ponitur, bene etiam eâdem principium ponatur. Versio antiqua habet, at necessitas bene, & sic principium est. quam secutus Thomas ita exposuit: Necessitas (inquit) eius, est, ipsum bene se habere. Retulit autem ad cælum & motum eius. Quæ omnes interpretationes alienæ mihi visæ sunt, & omnino sententiam Aristotelis perturbantes. Itaque conieci loco vocabuli καλῶς, ἀπλῶς legendum esse, faciliusque fuisse ex vno in alterum, lapsum, ob eorum similitudinem. Neque enim quem usum habeat verbum καλῶς intelligo, præterquàm quòd constructio verborum turbatur. Si autem ἀπλῶς, hoc est, simpliciter legamus, omnia consentient, planaque erit sententia. Nihil enim docere aliud vult quàm necessitatis genus, quo necessaria substantia immobilis dicitur. Ita, inquit, necessitatem esse simpliciter, & eo modo esse principium. Tum causam adiicit, quare necessitatis genus exposuisset, nempe variam necessarij significationem. In postremo loco necessitatem simpliciter ponit, quæ est illa qua res necessaria aliter se habere non potest, qualè esse substantiam immobilem docuit.

Ex eiusmodi ergo principio cælum ac natura pendet.

Ita ab hoc principio vniuersa pendunt, vt, cùm nunc conseruentur, viuant & perpetuentur, ad interitum profectò, nisi ipsum esset, reducerentur. Cæli enim motus, qui ab hoc principio proficiscitur, generationis salutisq; rerum omnium causa est, vitamque rebus omnibus pro sua cuiusque natura impartitur. Ipsum etiam cælum ab illo pendet, veluti corpus ab anima, & nauis à nauta & gubernatore, & omnino id, quod mouetur, motusque suo conseruatur, ab eo, quod mouet. Nec ab eo, vt sine solo cælum & natura pendet, quemadmodum multi Aristotelis sententiam esse censuerunt. Imò verò vt ab efficiente & mouente, atque salutem tribuente. Dico autem (efficiente) non quòd tempore aliquo cælum naturamque genuerit, & cùm non essent, fabricauerit. hoc enim in primo de Cælo reprobatur, mundumque sempiter-

num esse demonstratur : sed quòd quidam veluti fons sit , à quo (vt à solis splendidissimo corpore lumen) in omni sempiternitate mundus fluxerit , manarítque , cùm præsertim corporea natura , qualis est vniuersi , ex sese aut esse , aut conseruari nullo modo possit . Omnia verò ab hoc principio ita pendere , vt per illud & sint & viuunt , in primo de Cælo expressè traditur , cùm dicitur , à sempiternitate immortalis & diuina , aliis quidem obscurius , aliis exactius ipsum esse & viuere dependere . Sed perpulchrè author libelli de mundo , quicumque ille fuerit , seu Aristoteles , cuius nomine editus est : seu alius quispiã , de hac re hunc in modum disseruit : Vetus (inquit) fama est , & quidem hæreditaria mortalium omnium vniuersa à Deo , & per Deum nobis esse constituta . Nec verò vlla natura salute , quam ille ferat , orbata per se sufficit , quapropter veteres nonnulli adducti sunt , vt dicerent , omnia deorum plena esse . Et rursus : Deus sine dubio seruator omnium est , & parens eorum , quæ in mundo conficiuntur , non quòd labores sustineat , quales animal , quod in opere versatur , sed quod viribus indefectis utatur , quarum beneficio assequitur , quæ procul etiã amandata videantur . & alia multa in hanc sententiam . A quibus ea minimè dissentiant , quæ in progressu tradètur , quicquid boni in vniuerso est , ab hoc principio manare , quippe quòd ordinè , qui boni omnis causa est , rebus omnibus cõstituit . In septimo autè Polyticorum tradit vniuersum vi diuina contineri , quæ sententia cum eo cõsentit , quòd Orpheus vetustissimus scriptor dicebat , deos virtutes diuinas esse in rebus diffusas , Deumq; ipsum id esse , quod res format , in rebus diffusum . Ac vitam quidem rebus omnibus ab illo tribui , ex etymologia vocabulorum *θεός* & *ζωὴς* , Plato in Cratylo declarauit , nomina eiusmodi coniuncta Dei naturam inquiens indicare . Quasi sit ille *θεός* *ζωὴς* omnibus , quæ viuunt , adsit . quippe cùm nihil sit , quòd magis , quàm ille viuendi sit causa . Rectè ergo hic dicitur , cælum & naturam ab eo principio , quod necessarium esse & immutabile traditum est , quod quidem , vt possit docebitur , Deus est , pendere .

Vitam autem degit, qualem nos breui tempore, optimam. In eo enim statu semper illud est: nos autem esse non possumus. ipsius nanque actio voluptas est, ob eamque causam vigilia, sensus, intelligentia, & ob hæc ipsa memoria & spes plurimum delectant.

AEterni illius & immutabilis principij, à quo cælum & naturam pendere dictum est, statum optimū ac beatum exponere aggreditur. Quod præclare adeo præstat, ut cum, quanuis à sensu & cogitatione nostra remotum, veluti depingere, nobisque ob oculos ponere videatur. Ac primū quidem docet, talem esse sempiternis tēporibus illius vitam, qualis optima est ea, qua breui tēpore homines fruuntur. Quam rem eo demonstrat, quod principium illud ab actione, quemadmodum antea ostensum est, nunquam vacet, eiusque actio maximam in se voluptatē complectatur. partim quod actionis omnis id proprium sit, ut voluptatem afferat, ob eamque causam sensus, vigilia, intelligentia, & horum ipsorum memoria, seu spes maximè delectet, partim quod eiusmodi actio contemplatio est, eaque ipsiusmet principij, quæ actionum omnium iucundissima est & optima. Quæ omnia facilius intelligentur, si ea legantur, quæ in decimo Ethicorum ad Nicomachum de optimo sapientis hominis statu tradita sunt, quibus hic locus pulcherrimè explicatur. Aristotelis ergo sententia est, sapientis hominis vitam optimam perfectissimamque esse. qua nulla cuiquam potest contingere aut iucundior, aut beator, quippe quæ in rerum omniū naturalium diuinarumque, atque etiam sui ipsius contemplatione posita sit. Nam cum voluptatē quibuscunque actionibus à virtute manantibus in toto illo opere admistam esse tradidisset, eam omnium iucundissimam esse censuit, quæ à sapientia ortū habet. Ac voluptates, quas sapientia homini suppeditat, tum puritate, tum firmitate admirandas esse. Puritate quidem, quod cum dolore villo, quemadmodū aliæ voluptates, haudque cōmunicent. Firmitate verò, quod firmissimæ omnium

sint, & nullo modo, aut certè summa cum difficultate amoveantur. Hanc sapiētis vitam huius generis voluptatibus affluentem, Lucius Anneus Seneca vir grauiſſimus ac ſapien- tiſſimus hunc in modum deſcripſit: Sapiens (inquit) ille eſt, qui plenus gaudio, hilaris, & placidus, & inconcuſſus cum diis viuit ex pari. nunc ipſe te cōſule, ſi nunquam mœſtus es, nulla ſpes animum tuum futuri expectatione ſollicitat: ſi per dies noctēſque par & æqualis animi tenor eſt, perueniſti ad hominis ſapiētis ſummam. Sed ſi appetis voluptates & vni- que & omnes, ſcito tantū tibi ex ſapientia, quantum ex gaudio deeſſe. Talis eſt ſapiētis animus, qualis mundi ſta- tus ſuper lunam, ſemper illic ſerenum eſt. hic (Senecę ſenten- tiā) ſapiētis eſt ſtatus, in quo præter rerum cognitionem & contemplationem, affectuum extinctionē requirit, ſine qua fortasſe ne contemplatio quidē perfectā eſſe poteſt. Sed ſta- tus eiufmodi breui tempore contingit, propterea quod & il- lius acquiſitio longū temporis exigit interuallum, & multo tempore comparatus citiſſimè amittitur. Quorum hoc qui- dem ob hominis interitum vſuuenit. Illud verò, quod & re- rum cognoscēdarū innumera propè eſt multitudo, & mora- les virtutes, quę affectus aut extingūdo, aut moderādo men- tem contēplationi idoneam reddunt, difficiſſimè cōparātur: in quibus tamen duobus ſtatus ille optimus cōſiſtit. hanc er- go vitam, quā breui tempore ſapiens fruitur, ſempiternis ſe- culorum ætatibus ſempiternum illud principium agere Ari- ſtoteles tradit. Et id quidem meritò. Eſt enim principium il- lud aut ſolum, vt Simonidi & Socrati quoque in apologia apud Platonem placuit, aut certè maximè omnium ſapiens, quod vt perpetuò ſapiens eſt, & à ſapientia ſua nunquam re- cedit, ita ſtatu illo optimo perpetuò fruatur necesse eſt. Sed Ariſtoteles ad hoc confirmandum rationem affert, quæ & id ponit, quod antea demonſtratum eſt, & poſt quoque docebi- tur, videlicet, principium hoc æternum perpetuò agere. Il- lud præterea aſſumit, actionem eius maximam in ſe comple- cti voluptatem. Quod autē ponit, tum monſtrauit, cum ſub- ſtantiam immobilem æternam ſubſtantia ſua actum eſſe po-
c. iij.

tentix omnis expertem docuit. Demōstrabit verò & in progressu, & id quidem demonstratione huius loci magis propria, cū hanc ipsam substantiam, seu principium hoc perpetuò se contemplari, nec vllō omnino otio detineri declarabit. Neque enim illud quēadmodum de Endymione ferūt, dormiat oportet. Quod verò assumit, bifariam videtur demonstrare, vno quidem modo in his verbis ratione conclusa, quæ in omnes actiones communiter patet, altero in progressu ratione magis propria, & huic rei accommodatiore. Inquit igitur actionem, eius voluptatem esse, ob eamque causam vigiliam, sensum, intelligentiam, & horum merito memoriam & spem plurimum delectare. Quod perinde est ac si dixisset, Idcirco principium illud æternum vitam optimam & beatam semper degit, quòd in perpetua sit actione, eaque maximam afferat voluptatem: quod quidem ex ratione & natura actionis omnis primū potest intelligi, quippe cū actio quæuis iucunda sit, ob eamque causam, quòd actiones sint quædam, vigilia, sensus, intelligentia, memoria & spes plurimū delectent. Quòd si non omnis actionis cōmunem esse rationem velimus, sed eius, quæ in cognoscendo consistit, seu sensu cognoscamus, seu intelligentia, magis propria erit ratio, idēque magis propriè probabit: quanquam id quoque verum est, cum omni actione coniunctam esse voluptatem. Quod ex eo deprehendi faciliè potest, quòd animal omne aliquid agere semper appetat, nec vlla cōditione quietem sempiternam possit pati, vt ad agēdum omnino natum esse videatur. Idcirco vel infantibus ipsis perspicuum videre licet, qui conquiescere nunquā possunt, & cū paululū adoleuerint, saltationibus, cursibus, & aliis huiusmodi laboriosis ludis totos se adedò dedunt, vt ne verberibus quidem ab illis arceri queāt: quod profectò esse non posset, nisi magnam in agendo voluptatem experirentur. Inertissimi quoque homines, quanquā singulari quadam segnitia sint præditi, animo tamen & corpore semper cernuntur moueri, & cū nihil quod dignum sit agant, ludicris tamen colloquiis, seu sermonibus, ludis etiā inanibus, quæ omnia actiones sunt quæ-

dam, oblectantur: quum ne bestiar quidē hac, quę in actu consistit, voluptate carēt, cū illas motus solutos & vagos à natura sibi tributos summo studio requirere atque exercere videamus. Omni itaque actioni voluptatem aliquam permittam esse perspectum est. Quòd si actionis omnis hæc est natura, quanto magis illius, quę in cognoscendo posita est, ad quam desiderio quodam naturali omnes ferimur? Iuxta illud Aristotelis, Omnes homines naturā scire desiderāt. De qua actione voluptatēque eam consequente in progressu disseremus. Cū verò vigilantibus nobis munera nostra obeamus, & in cognitione rerum potissimum versemur, nihilque à nobis nisi somno liberis, aut pauca quædam agantur, percipiunturque, vigiliam iucundam esse merito Aristoteles tradit. Sensuum enim solutio vigilia est, quemadmodū somnus eorundem vinculum, quo arctissimè detinentur. Quam ob causam somnum ingratisimum esse experiremur, nisi quædam corporum quies, laborisque medicina esset. Cū autem ob quietem, quam nunc corporibus adfert, iucundissimo eo aliquando utamur, Endymionis tamen somnum nemo sibi dari velit, propterea quòd somni quancunque iucunditatem actionū, quę in vigilia contingunt, voluptas antecellat. hæ autem sunt, sensus, intelligentia, memoria, & spes, quę duo postrema duorum priorum merito iucūda sunt. Memoriar enim munere, sensus & intelligentia, actionesque omnes præteritæ representantur, spe autem futura, quodammodo percipiuntur. De hac re Aristoteles in septimo physicorū agit, docetque voluptatem omnem & dolorem aut in actione esse, aut in memoria & spe. Ac illa quidem quę sunt in actione sensu haberi, qui ab aliquo sensili moveatur: quę autem in memoria & spe, ab hoc proficisci: aut enim recordantes, quibus affecti sumus, aut quę expectamus sperantes, delectari. hoc igitur, quod in omni actione & cogitatione potissimum reperiri constat, quanto in principij illius munere excellentius inesse censendum est, cū in contemplatione illud positum sit, quę omnium actionum iucundissima est & optima, ut paulò post docebitur.

Intelligentia autem per se, eius est, quod per se est optimum, & quæ maximè, eius, quod maximè. Intellectus autem, rei intellectibilis apprehensione se ipse intelligit, quippe qui tangendo & intelligendo intellectibilis redditur, ut intellectus & res intellectibilis vnum sit & idem. Quod enim rem intellectibilem & essentiam recipiendi vim obtinet, intellectus est. Agit verò, cum habet. Illud itaque diuinum, quod habere intellectus videtur, huius est magis.

Concisus valde ac brevis hic locus est, propterea non satis apertus ad intelligendum. Quantum tamen coniecturâ assequi licet, videtur docere, æterni illius principij statum optimum, vitamque beatam, præter sempiternitatem, quæ præditam esse traditum est, simpliciter vitam hominis beata excellentiorem esse: siquidem illud diuinum, quod est sui contemplatio, quod habere intellectus videtur, longè perfectiori modo in illo insit: quippe cum illud maximè per se cõtempletur, quandoquidem maximè bonum est, bonitatisque altissimum habet gradum. Intellectus autem hominis non maximè per se, imò verò per aliarum formarum, quas intelligendo in se accipit, intelligentiam. Intelligentiam enim per se eius esse, quod optimum est. Eam verò, quæ est maximè per se eius, quod maximè optimum. quale est illud, Quæ omnia facilius intelliguntur, si ex his quæ partim suprâ, partim in tertio de Anima tradita sunt & exposita, aliqua ad memoriâ reuocentur. Traditum autem antea est rerum per se intellectibilem & bonorum eandem seriem esse, ob eamque causam id, quod in rebus per se intellectibilibus primatum teneret, in bonorum quoque genere locum altissimum habere. hinc sanè efficitur, ut cuius intelligentia maximè per se habetur, id optimum necessariò, imò verò optimorum maximum sit,

quemadmodum hic traditur. Explicatum verò etiam est substantiam immobilē & æternam illud esse, quòd summè intelligi aptum esset. Quippe quæ naturâ suâ simplex esset & actus. Itaque rerum omnium intellectilium optimum esse. Quo fit ut cùm ipsa se contempletur, maximè per se eius sit intelligētia. In tertio autem de Anima ratio tota tradita est, qua mens tum alia omnia, tum ipsa se contemplatur. Atque inter cætera mentem se non antea posse intelligere, quàm res alias intelligentiâ comprehenderit, earum habitibus ac formis informata. Tum verò cùm voluerit posse & illas & se contemplari, imò verò illas intelligendo, sui quoque intelligentiam habere, quippe quæ in rem illam, quam intelligit, quodammodo mutetur, omniâque euadat. Nullam item rem ad contemplandum aggredi, nisi cuius forma à materia, eiusque proprietatibus intellectus agentis munere abiuncta sit: eiusdemque lumine illustrata: atque hanc quidem, quæ est rei essentia veluti lineâ quadâ rectâ primùm intelligere, tum rem totam quadam veluti lineâ flexa contemplari. hæc ibi tradita hoc in loco ferè repetuntur, quanuis aliis verbis & magis concisè. E quibus illud perspicuum fit, intelligentiam, qua seipsa mens hominis contemplatur, per se quidem esse, quanquam hoc quoque nonnullis dubium est, non tamen maximè per se esse, quandoquidem aliarum formarum intelligentiam sequitur, quod æterno illi principio non accedit, seipsum perpetuò absque alterius rei intelligentia intuenti. Ita ergo ait, Intelligētia per se, eius est, quod per se optimum est: quæ autem maximè per se, eius, quod maximè optimum. quasi diceret, Non solùm ex ratione sempiternitatis, sed ex ratione etiam modi intelligendi, quo illud principium æternum præditum est, vita, quam degit, optima, hominis beatum statum antecellit. Eius enim intelligentia, qua se intelligit, maximè per se est, siquidem maximè optimum est. Eiusque quod maximè optimum est, maximè per se intelligentia propria est: quemadmodum eius, quod simpliciter optimum est, intelligentia simpliciter per se est. Cùm verò talis eius sit, qua se intuetur, intelligētia, cam, qua intellectus humanus

se intelligit, dignitate antecedit, quippe qui rei tantum intellectus apprehensione se ipse intelligat. Nam cum suapte natura à se potestate sit intellectus, res alias, veluti tangendo, cum eas intelligendo, ab illis mouetur, intellectus actu redditur. Ita ut intellectus & res intellectus unum sint & idem. hoc enim intellectus proprium est, rem intellectualem & essentiam à materia abiunctam recipiendi, qui idem, cum illa est informatus, agere potest, & tum se, tum eam contemplari. Quamobrem cum hæc sit ratio intelligendi, qua in se intuen- do intellectus utitur, perspicuum est, illud diuinum, quod habet, nempe se intelligere, longè præstantiori modo in principio illo æterno inueniri. meritò autem, sui intelligentiam diuinam nominat. Nam soli menti veluti diuino cuidam principio, ut se intelligat & intueatur, concessum est. Quicquid verò in homine est, quod & cum brutis & plantis commune non sit, diuinum appellare Aristoteles solitus est, ut de ipsa mente multis in locis legimus. Cum ergo brutorum sensus se sentire haudquaquam percipiat, is autem, qui in homine inest, aut se sentire ut illorum non sentiat, aut si sentiat, id mentis, cui complicatus est, beneficio eueniat, ipsius intelligentia diuinum quiddam iure vocanda est. hæc horum verborum sententia videtur: nisi dixerimus rationem afferri, qua doceatur, ut perpetuò in statu optimo esse non possimus, illud autem principium possit. Quæ ratio ex eo petatur, quòd primi illius principij, cum sit maximè optimum, intelligentia maximè per se sit, ab alio, quod extrinsecus sit, minimè profecta, ita, ut perpetuò in ea esse possit, utpote à nullo pendens: humani autem intellectus, qui se intelligit, intelligentia extrinsecus sumatur. quippe, qui se minimè intelligat, nisi rerum aliarum intellectualem apprehensione, quemadmodum expositum est. Itaque perpetuò in sui intelligentia versari non possit, sed tum solum, cum rerum aliarum habitibus & formis est informatus. Porro intelligentiam, quæ in primo illo est & æterno principio, hominis intelligentia longè præstantiorem esse in decimo Ethicorum Aristoteles tradidit. Quo argumento usus est ad docendum, vitam deorum perfectè, cu-

mulatēque beatam esse: hominum autem, qui ab illorum intelligendi ratione plurimum deficiunt, beatitudinem talem esse solere, vt ad illam deorum contēplationem deorū quisque proximē accederet.

Atque contemplatio, iucundissimū, optimūque est.

Bisariam hic locus videtur exponi posse: aut enim de contemplatione, qua primum principium se contemplatur, aut de contemplatione simpliciter & absolutē. Primo modo Alexander interpretatur, verissimūque est, quod dicitur, & ad illud quod iam docere instituit, principium illud æternum in optimo semper & beatissimo statu esse, confirmandum accommodatum. Quæ enim maior, eadēque melior voluptas, aut delectatio esse potest eā, quam deus se contēplando, atque fruendo percipit: quod cum perpetuū faciat, sempiternis temporibus vitam illam optimam, qualem nos exiguo tempore degat necesse est. Altero modo si exponatur, vt alij quidam docti viri exposuerunt, ratio erit ex contemplatione simpliciter ducta ad illud ipsum, quod diximus, docendum. Nam si contemplatio eā sit natura, vt voluptatem maximam & bonitatem in se contineat, actiōque primi & æterni principij contemplatio sit, eadēque perpetua & præstantissima, statum illius beatissimum esse semper consequitur. Sed vtro modo locum hunc intelligamus, alienum ab eo non erit, si summam illam, quæ in contemplatione posita est, iucunditatem paucis astruamus. Vnumquodque propria ipsius actione maximē delectari conspiciamus. Vt si rebus naturæ omnibus sensus inesset ex calefactione ignis, aqua ex frigefactione, & alia eiusmodi ex propriis ipsorum actionibus, maximam profectō caperent voluptatem: quod quidem nunc vsu non venit, cum ad animam solam, eamque sentientem vel intelligentem voluptas pertineat. Hoc verò quod dicimus, tum ex cōmuni ea, quæ in omnes actiones patet, antea explicata est ratione, tū verò ex eo quod in primo Ethicorū Aristoteles docet, voluptatem cuique esse quod quisque amat,

propriamque actionem vnumquemque amare, patet confirmari. Id si ita habet, cum nulla alia mentis sit actio, nisi contemplatio, magnam in ea voluptatem capiat, necesse est. inde hominis felicitatem in ipsa cōtemplatione positam esse, ac eousque peruenire, quoad ipsa progreditur, eiusque bruta expertia esse in Ethicis traditur: quod minimè fieret, nisi eos, qui contemplantur, maxima perfunderet voluptate, quandoquidem felicitas omnium rerum optima est & iucundissima. Nec verò maximarum rerum solum ut cēlestium & diuinarum contemplatio iucunda est, sed earum etiam, quas viles, & nullius sæpe momenti existimamus, tantas excitat voluptates, ut nihil suavius iucundiùsque in vita excogitari posse videatur. Quod Aristoteles in primo de Animalium partibus pulcherrimè explicauit. Cum enim substantias naturæ constantes in ingenitas immortalesque sæculis omnibus & res, quæ oriuntur & occidunt, distribuisset, priorésque illas minus quàm posteriores contemplari nos posse eo docuisset, quòd illarum pauca quædam sub sensus nostri obtutum cadant, harum verò natura propè tota sensibus ipsis obiecta ferè videatur, vtriusque generis studium atque contemplationem nos maximè delectare (quanquam illud primum magis) asseuerauit. Quod autem in animantium genere aliqua sensui nostro minus grata (ut vilissima quæque animalia) cernerentur, ob eamque causam molesta potius, quàm iucunda rerum contēplatio cogitari posset, eam quoque infinitis voluptatibus præditā esse docuit. & tum similitudine pulcherrima, tum sapienti quodam Heraclyti dicto cōfirmavit. Absurdum (inquit) est, nullaque ratione probandum, si rerum naturalium imagines non sine delectatione propterea inspicimus, quòd ingenium, quòd illas aut finxerit, aut pinxerit, vnà contemplemur. Rerum autem ipsarum admirando naturæ ingenio atque solertia constitutarum cōtemplationem non magis persequamur, atque exosculemur, modò causas perspicere valeamus. Quamobrem viliorum animalium disputationem perpensionemque fastidio quodam puerili spreuissè, molestèque tulissè, dignum nequaquam est, cum nulla

res sit naturæ, in qua non mirandum aliquid inditum habeatur. Quod Heraclitum ad eos dixisse ferunt, quos cum alloqui cum vellent, & quòd in casa furnaria caloris gratia sedentem vidissent, minimè ingrederentur, introire fidentes iussit: Quoniam (inquit) ne huic quidem loco defunt dii immortales. hæc atque similia Aristoteles. Ex quibus intelligere maximam etiam in rerum vilissimarum contemplatione voluptatem sentiri. Quod si ita habet, quanto maior in nobilissimis præstantissimisque rebus contemplandis percipiat, necesse est. Ac illa quidem eò profundior atque intensior, quò perfectius atque exactius sub ipsam res cadunt, vt tota ipsarum natura penitus inspiciatur. Quod cõtemplandi genus cum primi illius & æterni principij sit, quippe quod seipsum omnium, quæ sunt, præstantissimum atque nobilissimum modo perfectissimo atque exactissimo contemplatur, maximâ profectò, qua nulla maior potest intelligi, perfundatur voluptate necesse est. Verùm enimvero primi illius principij felicitatem, optimúmque statum in contemplatione positum esse, in decimo Ethicorum Aristoteles docuit: cum ostēdisset in moralibus virtutibus, cuiusmodi hominum vita beata est, esse non posse, quãdoquidem Deus moralium virtutum actionem nullam potest efficere.

Si igitur ita, vt nos aliquando, Deus perpetuò bene habeat, admirabile est, admirabilius verò, si melius. At ita se habet.

Ex his, quæ de optimo primi principij statu tradita sunt, duo concludit: ex optimi quidē eiusmodi status, qui ad breue tempus hominibus adest, sempiternitate, principij ipsius admirabilitatem, ex maiori autem, quàm hominis sit, eiusdem status perfectione & excellentia atque bonitate, maiore admirabilitatem. Nec profectò iniuriâ, quando eos, quos ad rerum multarum (ne dicam omnium) contemplationem peruenisse aliquando, vt Aristotelem, Platonem, & alios eiusmodi diuinos homines ad eò mirari solemus, vt nihil in rerū

vniuersitate admirandum magis occurrat. Quantam igitur
 admirabilitatem Deus habeat, qui in contemplatione perfec-
 tissima, quâ homines breui tempore, nec perfectè fruuntur,
 omnibus sæculorum ætatibus versetur. Nam quauis in pri-
 mo Ethicorum ad Nicomachum rem nullam temporis diu-
 rurnitate perfectiorem reddi contra Platonem traditum sit,
 sempiternitatem tamen tempore ipso, tametsi immèso, præ-
 stantiorè esse nemo, arbitror, negabit. Quod etiam in pri-
 mo Analyticorum posteriorum, cùm demonstrationis vni-
 uersæ maior, quàm eius quæ ex parte est, præstantia esse tra-
 ditur, Aristoteles cõcessit. Illud verò hoc in loco obseruan-
 dum videtur, substantiam illam, quam æternam esse, immo-
 bilem, suapte natura actum, omnis materiæ expertem, vt res,
 quæ amatur, solet, mouentem, necessariam, immutabilem,
 principiũque, à quo cælum & natura pendeat, in optimo
 statu semper manentem, hætenus monstrauit, *ἄνθρωπος*, hoc est,
 Deum, nunc primùm nominare, quasi hoc nomine omnibus
 hominibus & sæculis colendo substantiam nullam appellare
 par esset, cui non omnia, quæ commemorata sunt, congrue-
 re monstratum prius fuisset. Est autem vocabulum *θεός* (vt
 Aristoteles in primo de Cælo, & Plato in Cratylo tradunt)
ἀπὸ τῆς θέμης, hoc est, currere ductum, cælestibusque corpori-
 bus, quæ in quodam quasi cursu perpetuo versantur, ab iis
 primum tributum, qui nullos alios deos, præter cælestia illa
 corpora esse arbitrabantur. tum aliis omnibus diis accom-
 modatum, qui à posterioribus traditi fuere. Sunt & alia ipsius
 Dei nomina complura, quæ (vt in libro de Mundo traditur)
 ex operibus, quæ eius maximè sunt propria, accipit. Quem-
 admodum sunt *ἐνός καὶ δύο καὶ τριῶν* vocabula, quorũ duo prio-
 ra à veteribus inuenta sunt, vt eum esse designarèt, per quem
 viuimus: tertiũ verò, quod ex sæculo, sine carente in aliud reg-
 gat. Pleraq; etiã alia nomina liber ille exponit, vt *ἀσπεράλιος*,
ἑσπεράλιος, *αἰθιρῖος*, *αἰθέριος*, & quibus Parcæ nominari con-
 sueverunt, quorum omnium causas adfert ab etymologia
 desumptas.

Quinetiam vita est: Actio enim mentis vita est, ille verò actio. Eius autem actio, vita optima est & sempiterna. Optimum verò sempiternumque animal Deum esse dicimus. Vita itaque ac æuo continuato atque perenni fruitur Deus.

Optimum Dei statum, cuiusque maximam admirabilitatem explanare persequitur: cum verò ex vita hominis beata illius excellentiam indicasset, nunc ex vitæ ratione id ipsum declarat, vitam ipsam illum tradens esse, eamque optimam & sempiternam, vitæque & æuo perenni ac continuato frui. Quandoquidem optimum sempiternumque animal Deus dicitur. Quibus verbis Dei præstantissima natura explicari melius, & sub oculos veluti poni non poterat. Illud verò meminisse oportet, vitam seu vivere multis modis dici, ut in secundo de Anima Aristoteles prodidit: aut enim ex vi, quam vegetatricem nominant, vivere contingit, aut ex sensu, aut ex mente. Omnia sanè, quæ vegetatricem vim obtinent, cuiusmodi sunt plantæ, & animalia mortalia, eâ vivere imprimis dicuntur, tum verò & aliis facultatibus, quas vnumquodque accepit. Bruta quidem sensu, homines & sensu & mente. Quæ autem vim illam non habent, quemadmodum Deus & substantiæ omnes diuinæ mente duntaxat, quæ sola in eis inuenitur, viuunt. Quamobrem cum Deus mens sit non vivere solum, sed ipsamet vita, vitæque principiū dicitur: præfertim cum ipse sua ipsius sit actio. quippe cum nihil in ipso inest, quod Deus non sit, idemque sunt in eo id, quod intelligit, quod intelligitur, & ipsa intelligentia, quemadmodum in progressu docebitur. Porro Deum vita optima, eademque sempiterna præditum esse eo, quod cõmuniter de ipso Deo sentire homines solerent, confirmat. Quod quidē est Deum animal esse optimum & sempiternum. hoc si ita est, vita illi profectò inest optima & sempiterna. Siquidem quodcunque animal vitæ est particeps, eoque præstantioris, quo præstantius est animal. Erat verò communis opinio, deos animalia

quædam optima esse, cùm alij cælestia corpora, alij Iouem, Mineruam, & similes deos esse, vt in Eutidemo & Epinomide apud Platonem videre licet, existimarent. Alexander verò arbitratur, Deum his verbis definiri, quod quidem etsi defendi potest, non tamen probabile multum est. Animal nanque propriè ex corpore & anima concretum est, quod Deo minimè congruit, quem substantiam simplicem actumque potètiæ expertè esse Aristoteles definiuit. Priori autem expositioni loquēdi, quo vsus est, modus videtur asipulari: Optimum (inquit) sempiternumque animal Deum esse dicimus, hoc est, dicere communiter solemus. Sed vtro modo res habeat, colligit, Deum ipsum vitâ optima ac æuo continuato & perenni frui. Quod etiam in primo de Cælo prodiderat, cùm extra cælum nihil esse, neque corpus, neque locum, nec inane, nec tempus monstraret: quandoquidem ea, quæ illic sunt, nec in loco esse, nec tempore senescere apta sunt, nec eorum vllius omnino vlla est mutatio. Imò verò nullis alterationibus, nullisque omnino mutationibus obnoxia, optimam in vniuersa sempiternitate vitam, & nullius rei indigam degūt. Quo etiâ in loco quid vocabulo αἰώνιος, hoc est, æui seu sempiternitatis, eius allatâ etymologia pulcherrimè explicatur. Finis (inquit) totius vniuersi, & qui tempus totum infinitum, infinitatēque ipsam continet, αἰὼν ἐστὶν ὁ χρόνος αἰεὶ εἶναι εἰληφώς τὸ ἐπαναμύσαι, ἀδοξατος, καὶ θᾶψ. Itaque censet eum dictum esse, quòd semper sit, ob eamque causam alio nomine sempiternitatem appellamus. Sed prætereundum non est, aliam esse Dei sempiternitatem, de qua nunc agitur, aliam, quæ cælestibus corporibus tribuitur. Dei sempiternitas totum tempus est simul acceptū, in quo simul, veluti quodam in momento, Dei substantia, virtus, & actio tota absque vlla est omnino successione. Cælestiū verò corporum sempiternitas totum quidem tempus comprehendit, cùm nullo non tempore (Aristotelis sententiâ) illa fuerint, futuræque sint, sed non eorum tota virtus, actio, motioque simul est, quin potius in quodam quasi fluxu consistit. Præter has æui species duas, singulæ etiâ res mortales & caducæ

æuum suum, Aristotele authore, obtinent. quod verè & propriè æuum non est, sed veri & proprij veluti imago. Cùm verò dixisset Aristoteles, Deum vita ac æuo perenni frui: adiecit, hoc enim Deus est: quasi diceret, Dei vocabulo nullam aliam notionem subiectam intelligimus, quàm eius, quod eiusmodi est, quale descriptū fuit, quod in omni sempiternitate vita optima & beatissima fruitur. Quam Dei vitam beatissimā Lucretius in primo sui poematis ita cecinit:

Omnis enim per se Diuū natura necesse est
Immortali æuo summa cum pace fruatur.

Quicumque verò id, quod optimum est & pulcherrimum in principio non esse, propterea quòd plantarum ac animalium principia & causæ quidem sint, quod autem pulchrum & perfectum in iis sit, quæ ex eis constant, velut Pythagorici & Leucippus censent, ij non rectè existimant. Semen nanque ab aliis quibusdam est, quæ antecedunt, perfectis, idque, quod primum est, semen non est, sed quod perfectum. Quemadmodum femine priorem hominem diceret aliquis, non eum, qui ex eo genitus est, sed aliū, à quo semen.

Principium primum, optimum, præstantissimūque esse demonstratum est. huic conclusioni aduersari videbatur sententia quædam Pythagoricorum, atque etiam Leucippi, qua sentiebant, id, quod principium est, optimi & præclari rationem habere non posse, vt aliquid principiū esset, idemque optimum. Quam sententiam Aristoteles in his verbis redarguit, rationem, cui nitebatur, dissoluendo. Ratio autem ex eo petebatur, quòd genitale semen & menses mulieres, quæ sunt animalium & plantarū, principia optima non esse intuerentur: sed cùm ipsa imperfectum quiddam sint &

f. i.

impolitū, longē pręstantius esse: naturámque absolutam & perfectá magis id habere, quod ex illis principiis procreatur. hanc rationem inanem esse Aristoteles docet, quippe quę verum primúmque principium optimum non esse non concludat: sed id tantum, quod aliquo modo principij obtinet speciē. Neque enim semen, è quo stirpes & animalia gignuntur, primum illorum esse principium: sed illud à quo semen decisum fuit, siue animal, siue planta. Cùm autē hęc perfectā sint & absoluta, nec his, quę progignuntur, vllō modo deteriora, nihil officere quominus, quod principium est, idem optimum esse possit. hęc contra Pythagoricos. quorū sententiam fortasse quis tutabitur, principij inquiring vocabulum latē patere, vt ipsemet Aristoteles in quinto huius operis prodidit. Inter alias autē eius significationes hanc vnam esse, vt id significet à quo insito rei efficiēdę effectiōnis initium sumitur, quale est fundamentum in domo, carināque in naui. hoc verò principij genus optimum, aut melius perfectiúsque eo, quod procreatur, esse dici non posse. Atque hoc principium illos intellexisse. sed fortasse non distinxerunt, & principiū simpliciter pronuntiarūt, ob eamque causam reprehensionis occasionem Aristoteles sumpsit. Aliqui id principium, quod nunc diximus, ipse quoque minus perfectum, quàm res ex eo orta cōcedit, cū ait, quę priora sunt ortu, perfectione postremū locum obtinere. Illud verò animaduersione dignum est, quod etiam Auerrois annotauit, res, quę gignuntur, duplici genere contineri: aut enim à sibi similibus procreari, aut ab his, quę naturam diuersam, alteriúsque generis acceperunt. Priores eandē planē, quam procreatores perfectionem atque absolutionem habent, reliquę à gignendi principio plurimum superantur, tantum abest, vt eo perfectiores sint & meliores. Illarum enim principium & causa agens, vi, quę in semine inest, proportionē respondet.

Illud itaque, ex his, quę dicta sunt, perspicuum est, substantiam aliquam immobilem & sempiternam, atque à rebus, quę sub sensum cadunt, exi-

stere. Illud verò etiam demonstratū est, nulla magnitudine eam constare, sed partibus vacare, & indiuiduam esse, idque eo, quòd infinito moueat tempore, nihilque finitum vi infinita præditum sit. Cùm enim magnitudo omnis aut finita sit, aut infinita, finitâ quidem ob hanc causam constare non potest, nec item infinita. Quoniam omnino magnitudo infinita esse non potest. Atqui & impatibilem & omnis alterationis expertem, quandoquidem aliæ omnes motiones, eâ, quæ loci est propria, sunt posteriores. hæc igitur cur ita habeant manifestum est.

Breui epilogo omnia complectitur, quæ de Deo hætenus demonstrauit. Cùmque substantiâ ipsam immobilē ac sempiternam magnitudinis expertem esse, & omnino corpore vacare virtute solū, non item apertè & re ipsa demonstrasset, hoc ipsum nunc perficit, demonstrationēque ex motu sempiterno, quem ab illa effici traditum est, concludit. Quæ demonstratio (vt patet) eiusmodi est: Substantia immobilis motu sempiterno cælum ciet. Vi igitur infinita, qua sempiternum illum faciat motū, prædita est. Quapropter magnitudinis corporisque expertis sit, necesse est. Nam si magnitudine constet, aut finitam illam magnitudinem, aut infinitam, & nullis limitibus circumscriptam esse oportet, quorum neutrum esse potest: non quidem infinitam, quandoquidem illa omnino non est: non item finitam, quippe cùm vis infinita in magnitudine finita esse non potest. nullius igitur magnitudinis particeps est. Hæc in his verbis conclusa demonstratio est, quam in octauo naturalis auscultationis longa oratione rursus tractauit: idque præsertim, cui maximè ea nititur, vim infinitam in magnitudine finita esse non posse. Nam quod infinitam magnitudinē non existere assumitur,

tum in tertio eiusdem operis, tum verò in primo de Cælo multis rationibus ostensum est. Porro fieri non posse, ut magnitudo, seu corpus finitum vim infinitam in se obtineat, eo Aristoteles monstravit, quòd finitam illam magnitudinem vis illa nullo in tempore posset mouere. Itaque aut nulla omnino motione eam cieret, aut certè in temporis puncto, quod motus naturæ aduersatur, qui nisi in tempore aptus est fieri. At verò illorum alterum consequi, eam ob causam docuit, quod qui vim infinitam corpus finitum in tempore aliquo motu ciere affirmaret, in id incommodum incideret, ut idem quoque finitum corpus in eodem temporis interuallo à vi finita moueri posse, quod perabsurdum est, fateri cogeretur. Id enim tempus, in quo finitam magnitudinem vis infinita mouet, si vnus horæ aut minus etiam tempus sit, centum verò, aut mille, aut etiam plurium annorum sit interuallum, quo magnitudinē eandem, aut æqualem finita vis moueat (plus enim temporis minor virtus ad idem interuallum conficiendum, quàm maior consumit) finita illi virtuti vim maiorem, finitam tamen, eousque adiici posse, quo ad eam tandem perueniatur, quæ finita cùm sit, vnus tamen horæ spatio, aut etiam minori, quo infinita mouere ponebatur, mouebit. Quamobrem in eodem, aut æquali temporis interuallo finitam vim per idem interuallum finitum corpus mouere posse, in quo infinitam mouere ponitur. Et hoc quidem (ut dictum est) perabsurdum esse, nullòque modo fieri posse, quippe cùm finita & infinita vis nulla inter se proportionis consensione iungantur. Proinde quemadmodum assignari non potest, quanto vim finitam infinita excedat, ita nec quanto minus illud sit tempus, in quo infinita vis mouet, eo in quo finita. Momentum itaque seu punctum temporis esse, cuius ad tempus etiam minimū nullam esse proportionem perspectum est, quemadmodum nec puncti ad lineam. hæc libri octaui de naturali auscultatione demonstratio est, qua vim infinitam in magnitudine finita esse non posse, ob eamque causam primum omnium mouentem immobilem vi infinita præditum magnitudinis expertem esse

monstratum est. Illud enim pro comperto, tam illic, quam in hisce verbis assumptum est, motum sempiternum, nisi à vi infinita effici non posse. Sed magnæ inter Peripateticos (nostra præsertim memoria) controuersix de eiusmodi demonstratione exortæ sunt. Cùm enim duo infinitatis genera esse animaduertent, vnâ, quam vigoris infinitatem nominant, quæ nullis limitibus circumscripta, quancunque vim finitam infinitè exuperat, & in quouis tempore quauis minimo, imò etiam momento quemlibet motum, nisi eius natura aduersaretur, suapte natura possit efficere. alteram, quâ durationis appellant infinitatem, quâ quicquid præditum est, infinitis sæculis durat. nec vllo vnquam tempore labefactatur, perpetuòque agit, si ex eorum sit numero, quæ agere aliquid & moliri apta sunt, etsi eius actio terminos habeat, quos, quia finitam vim habet, præterire non potest. Cùm inquam hoc duplex infinitatis genus esse intuerentur, illaque inter se distincta esse censerent, vtrum illorum substantiæ immobili in demonstratione sua Aristoteles tribuisset, magna dissensione disputare incœperunt, aliis infinitatis durationem solum, aliis non eam solum, sed etiam vigoris tributam esse contendentibus, aliis minus audentioribus, cùm paria rationum monumēta vtrique esse existimarent, ab vtraque parte assertionem sustententibus: & quodnam infinitatis genus Aristoteles intellexisset, difficile esse diiudicare defendentibus. Nam si de primo genere, hoc est, de infinitate vigoris eum locutum dicerent, eius rei rationem non satis efficacem videri, quippe quæ non aliunde peteretur, nec re alia vlla vim Dei infinitam Aristoteles monstraret, quàm quod sempiternam motionem efficeret, quod supremæ etiam sphaeræ cōuenit. Quæ cùm vim finitam habeat, omnes tamen alias sphaeras sempiterno tempore secum rapit & versat. quamobrem ad motum sempiternum faciendum vigoris infinitatem necessariam non esse: præsertim cùm & aliarum sphaerarum mouentes propriis motionibus, & ex se ipsas sphaeras perpetuò mouerent, quæ similiter vigoris infinitate præditas esse (quod non videtur) concedere oporteret. Id etiam

consequi aiebant, quod contra motus naturam cùm sit, tanquam incommodum in demonstratione cõcluditur, motum nullo tempore factum iri. Nec enim obstare, quòd à magnitudine seiuncta vis hæc ponatur. Nam in magnitudine & extra magnitudinẽ si infinita sit, eandem esse, non maiorem in magnitudine, minore extra illam, ob eamque causam eadem moliri efficerẽque posse. his & aliis argumentis adducti hi, quos postremo loco cõmemoravi, vigoris infinitatem substantiæ immobili tributam esse, concedendum non putauerunt. Sed si alterum infinitatis genus solum intelligerent, in alias non longè minores difficultatis delabi sese intuebantur. Cùm & à vero alienum id videretur, vim perpetuo tempore durantem, in magnitudine finita esse non posse, siquidem cælum magnitudo est perpetuò duratura, & vt verum esse concederetur, eam tamen, qua confirmatur, rationẽ nullum omnino momentum habituram. Eò enim confirmari, quòd nullo in tempore motus fieret, quod consequi non potest, si de vi perpetuò duratura intelligatur. quandoquidem vis finita etsi perpetuò duratura, motum in tempore necesse est faciat. Ita his difficultatibus victi neutri parti assenserunt, rem ipsam sub iudice relinquentes, cùm alij audentiores huic aut illi parti (vt quæque probabilior visa est) assensum præbuerint, singula Aristotelis verba ad sententiam suam trahendo, & rationes, quæ obstabant & contrarium docebant, quo modo melius facere potuerint, dissoluendo. Sunt autem hac de re ab his, de quibus loquimur, quamplurima scripta, quæ, ne ab interpretis minere recedamus, quod vnum est, authoris sententiam, quàm maximè fieri potest, planè explicare, prætermittenda esse, paucis quibusdam exceptis, arbitramur. Quamobrem in id nobis incumbendum est, vt quæ Aristotelis fuerit sententia, explanemus, & quæ aduersari potissimum videntur (quanquam fortasse hoc interpretis munus excedat) ne omnino indiscussa, ac dubia res relinquatur, breuiter diluamus, prolixiori disputatione in alium locum referuata. videtur ergo Aristoteles infinitatem vigoris in demonstratione sua intellexisse, partim, quod in vi, quæ ex se

perpetuò aliquid mouet, separari infinitàs eiusmodi fortasse non potest, tametsi in aliis, quæ aut non mouent, aut alterius efficientiâ, duo hæc genera infinitatis manifestè inter se abiungantur: partim quòd ratio illa, quæ motum nullo in tempore factum iri, si vis infinita in magnitudine finita statuatur, demonstrat, aliter momentum & efficacitatem non habet, quàm si de vigoris infinitate sit sermo. At vigoris quidem infinitatem ab infinitate durationis, in his, quæ ex se sempiternum motum efficiunt, non separari, probabile admodum (ne dicam necessarium) videtur. Qui enim fieri potest, vt vis aliqua ex se perpetuò aliquid moueat, & id quidè rata constantique & immutabili motione, nisi infinitate sit prædita? An non vim limitibus circumscriptam & finitam fatigari, & aliquando mouere vltra non posse, rationi est cõsentaneum? Eorum enim mouentium, quorum vis finita est, vt animalium, motum terminatum esse conspiciamus, vt vltra certum temporis spatium, nisi quies intercedat, protrahi non possit. Nam quod primus cælestis globus alios, qui subsunt, sempiternis temporibus circunuoluat, idèmq; cum corpus sit terminatum, finitam vim possideat, nihil omnino officit, quippe cum ex se id non præstat, sed ex primi Dei virtute infinita, qui & ipsum & alios rata illa & cõstanti volubilitate conuersat. Vigoris itaque infinitàs in eo, quod agit, suâque ipsius non alterius vi actionem, aut motum efficit, ab infinitate durationis abiungenda minimè videtur. Sed quamquam abiungi posse, vt alius, qui de re hac disserunt, placet, concederetur, illud tamen restat, Aristotelis rationem, qua vim infinitam in magnitudine finita non esse demonstrat, efficacitatem nullam habituram. Nam si vigorem finitum, quamquam maximum, qui perpetuò moueat, in magnitudine statuamus, non id profectò efficietur, vt illam magnitudinem nullo in tempore moueat, sed pro vigoris illius magnitudine in tempore aliquo tametsi paruo mouebit. Quæ enim ratio maior afferri potest, vt cum corpore coniuncta vis illa finita, quæ perpetuò mouet, motum in momento efficiat, ab illo autem separata non faciat? Nunc enim non fa-

f. iiii.

cit, quippe quæ viginti quatuor horarum spatio cælum conuertit. Sunt verò nonnulli, qui aiunt, virtutis, quæ in corpore sit, & eius, quæ eodem vacet, diuersam esse rationē: corpoream enim virtutem perpetuò durantem, mouentēque infinito quoque vigore præditam esse oportere, quæ contrariis interimere eam nitentibus resistere valeat. quæ si magnitudinis aut corporis sit expers, contraria nulla habituram, quorum actionem pertimescat. itaque sæculis omnibus, etsi vigoris sit finiti, duraturam, nec motum in momento, aut nullo in tēpore effecturam: quod facere cogetur, si in magnitudine statuatur. hoc, vt mihi quidem videtur, ingeniosè satis & subtiliter inuentum est, sed tamen quæstioni non satisfacit. Qui enim in magnitudine Deum poneret, corporeūque esse affirmaret, eius generis corpus, quod contrariis inter se pugnantibus, & ad interitum ducentibus, teneretur, ei profectò non tribueret: at diuinum, immortale, omnium contrariorum expers, nullique ortui aut interitui obnoxium, quale cæleste esse Aristoteles tradit. Vi itaque infinita, quæ contrariis interimentibus resisteret, cum nulla essent talia, non egeret, sed finitate sua contentus, eandem omnino, quam nunc à corpore liberatus, efficeret. Vt ergo Aristotelis ratio aliquod in se habeat momentū, & id, quod vult, concludat, de vigoris infinitate videtur esse intelligenda. At in eadē angustias (dicet aliquis) si hoc statuerimus, inducemur. Cur enim Deus, cuius vim infinitam ponimus, magnitudinis expers, momentaneam motionem non faciet, quam tamen effecturum, si cum magnitudine coniungatur, Aristotelis ratio concludit. An fortè, quia magnitudinis expers statuitur, vis eius est imminuta, aut ab aliquo impedita, vt ob eam causam tam velocem citatāque motionē, ac si in magnitudine inesset, non facit? Id verò nemo (vt arbitror) profectò, quandoquidem minor effecta, infinita non esset, qualem esse defendimus: nihilque prorsus est, à quo impediri aut retardari possit. quid enim tantæ efficacitatis esset, vt infinitæ virtuti resisteret? hæc profectò magni momenti est, atque explicatu difficilis ratio, quæ multos in eam sententiā (vt di-

ximus) adduxit, vt Dei vim motricem finitam esse existimarent: metuentes, ne si infinitam faterentur, motionem momentaneam ab illa effectum iri concedere cogerentur, cum præfertim Deum naturaliter mouere, & proinde quantum posset, vt mouentium naturalium mos est, putarent. Nonnulli autem huic rationi ita occurrerunt, vt dicerent, præter substantiam immobilem, hoc est, Deum à magnitudine separatum, alium quoque mouentem esse vi finita præditum, nempe cæli animam & formam. Ac cæli quidē motionem finitam, hoc est, eam, quæ viginti quatuor horarum spatio conficitur, ab eiusmodi anima vires finitas obtinente proficisci: eius autem sempiternitatem & cōstantiam perpetuam à substantia immobili. Itaque motum momentaneum minimè esse extimescendum, quem fieri oporteret, si in magnitudine vis illa infinita inesset. quippe quæ eius magnitudinis forma esset, & eam, quantum posset, formarum naturalium more cieret, cum nunc non vt forma, nec vt anima moueat, sed vt separata quædam substātia, quæ animam cæli ad mouendum, vt optimum quoddam, & expetendorum maximum, præterea quidam veluti imperator impellat perpetuò, motionisque cælesti sempiternitatem eo modo largiatur. Atque hæc videtur Auerrois fuisse sententia, eamque ab Alexandro, qui animam eiusmodi in cælo statuit, desumpsisse. Sed non satis à difficultate, quæ hoc in loco est, hi viri (vt ego quidem opinor) se explicarunt. Nihil enim ad momentaneum motum tollendum anima cæli conducere videtur. Etenim si efficientiam motus substantiæ immobili tribuant, vt tribuendum esse antea docuimus, eandemque substātiā immobilem vi infinita præditam statuāt, ab anima profectò finitæ virtutis actionis illius efficacia impediri non poterit. Quid enim infinitæ virtuti valeat (vt antea dictum est) resistere? Quod si non efficientiam, sed finis duntaxat rationem, quoniam, vt expetendum moueat, eidem concedant, ab anima autem, vt à causa efficiente, cælum moueri (vt Alexandro placuit) inquierant, quo pacto quæso id consequatur, in nullo tempore motum ab ea factum iri: quod quidem

ratio concludit. hoc enim cōsequitur, eo posito, quod vt causa efficiens, si in magnitudine esset, moueret, cuius quidem causæ munere etiam magnitudinis expers fungitur. alioqui ratio ab vno genere causæ ad alium transiret. Quod, quia concedere (quanquam non rectè) ij videntur, illud inquirat rogo, quæ virtutis infinitæ sit necessitas ad motum eo modo perpetuò faciendum, quo id, quod amatur & expetitur, mouet. An non finitum quidpiam mouere eo pacto semper potest, si semper durare aptum sit? Aristoteles autem ex motu sempiterno substantiam immobilem infinitam esse colligit, vt faciliè intelligatur, hanc illum sententiâ fuisse, substantiam illam, vt effectricem causam, motum sempiternum efficere: quemadmodum autem vt id, quod amatur & expetitur, antea docuimus. Sunt verò qui aliter difficultatem eiusmodi vitare voluerint, dixerintque vim infinitam à magnitudine abiunctam non naturaliter, sed mente ac voluntate mouere, ob eamque causam, quanuis vt infinita est, momentaneum motum facere posset, cum tamen non facere, sed eum solùm, quem faciendum esse intelligit. Id enim facultatis mente & voluntate agentis ingenium esse, vt cùm aliquid agere, aut moliri aggreditur, non totū id, quod potest, agat, & moliatur, sed quantum ei (cuius gratia agit) expedire intelligit. A Edificatorem nanque non tantum ædificare, quantum potest, sed quantum formæ domus animo conceptæ ratio exigit. Quod idem de medico dici potest, qui cum arte & intellectu omnia agat, in ægrotis curandis, quicquid potest, non præstat: sed ea tantùm, quæ salutaria illi & vtilia esse arbitratur. Earum autem facultatum, quæ naturaliter agunt, non item mente & voluntate, eam esse naturam, vt omnem eam, quam possunt, actionem efficiant. Quemadmodum ignis, quia naturaliter, non volēs, aut intelligēs calefacit, quęcunque potest calorem, ei, quod calidum reddit, largitur. hoc autem modo vires eas agere, quæ insunt in magnitudine. proinde substantiam immobilem, si in magnitudine esset, naturaliter motionem effecturam. Ideoque eam omnē, quā posset, ob eamque causam nullo in tempore: quæ nūc à ma-

gnitudine liberata, mēte & voluntate mouet, eamque solum motionem efficit, quam vniuerso, quod mouet, nouit conducere. hunc in modum D. Thomas difficultati huic occurrat, eo quoque adiecto, quod nulla magnitudo effectum potest accipere, qui facultati, quæ in magnitudine non est, proportionem respondet. Quandoquidem corporea omnis natura, cum natura corporis experte comparatur, vt id, quod est ex parte, cum absoluto & vniuersali. Concludi itaque non posse, si virtus infinita in magnitudine non insit, corporis, quod ab ea mouetur, infinitam velocitatem, quæ effectus est illi virtuti proportionem respondens, consequi, cum nihil prohiberet, quo minus consequeretur, si virtus eiusmodi in magnitudine poneretur, siquidem virtus cum magnitudine coniuncta ad ipsam magnitudinem proportionem habet. hoc verò (vt mihi videtur) necessarium non est, quin potius magnitudinis vis infinita expers magnitudini, quam mouebit, magis dominabitur, maiorique velocitate eiectionem poterit, quam si cum ea coniuncta fuerit, quippe quæ ab illa non pendebit, nec mouendo mouebitur, vt absque fatigatione possit perpetuò mouere. Illud autem, quod de mouentibus naturaliter, mente seu voluntate allatum est, maius quidem momentum in se habet, sed tamen cum difficultate aliqua coniunctum est. Neque enim necessariū videtur, vt quæ in magnitudine sunt vires, naturaliter omnes moueant, quippe cum belluarum & hominis quoque ex parte facultas motrix in magnitudine inest, & cum corpore coniuncta est. quæ tamen nec naturaliter, nec quantum potest, semper mouet, sed quantum animali conducit. Poterat igitur eodem modo substantia immobilis in magnitudine inesse, cumque motum facere, quem faciendum esse intelligeret. Vt illud interim mittamus, dubium esse, & fortasse à philosophiæ principiis alienum, mouentem primum seu substantiam immobilem, quia mente & voluntate mouet, non eum omnem, quem potest motum efficere. Neque enim ex earum causarum numero est, quæ agere possint, & non agere, sed necessariò (quanquā volens & intelligens) agit & mouet. Et hæc qui-

dem sunt, quæ mihi de iis videntur, quibus peritiores Peripatetici difficultates in Aristotelis demonstratione existētes vitare se crediderunt. Ego (vt verum fatear) dissimilitudinis causam, quæ mihi planè satisfaciat, nondum inueni, cur videlicet substantia immobilis à magnitudine abiuncta, tempore certo & definito, non item momento motum efficiat, quæ si cum magnitudine coniuncta esset, eundem momentaneum faceret. Dixi quidem in Commētariis, qui in libros de naturali auscultatione à me conscripti æditique sunt, substantiam immobilem à magnitudine separatam alio modo mouere, quàm corporeæ moueant virtutes, de quibus virtutibus in sexto Phyllicorum illa sunt tradita: maiorem in minori tempore, & minorem seu tardio rem virtutem maiori motum suum efficere, quibus Aristotelis demonstratio nitetur. Mouere autem immobilem substantiam, vt optimum quoddam & expetendum, quemadmodum hoc in libro est traditum. Verum ne his quidem planè acquiesco, cum ratio nulla esse videatur, cur vis magnitudinis expers maior in minori, & minor in maiori motum suum tempore non faciat, perinde atque vis ea, quæ corporis est particeps. Quod autem eo in loco tradidi, substantiam immobilem, seu primum mouentem mouere, vt optimum & expetendum non ita accipiendum est, quasi motus efficientiam ei negaremus. Efficienter enim (vt tradidimus) mouet, neque tamen planè, vt cæli forma aut anima, quandoquidem à cælo abiuncta est, & eius actus non est, quemadmodum forma aut anima corporis. Quanquam similitudine quadam anima cæli dici potest, vt quemadmodum per animam quæcunque viuunt, viuere conceduntur, ita cælum vita intellectuali, mente ea viuere dicitur. Atque hac parte cum Alexandro consentio, qui substantiam immobilem cæli animam esse noluit. Sed eo dissentio, quòd aliam animam in cælo posuerit, cuius nullam omnino Aristoteles fecit mentionem. hæc igitur à me de re hac satis sint dicta. Longè plura in libris de Deo & mētibus diuinis differam, & dissimilitudinis causam, si qua sit, vt credendum est, fortassis inueniam.

An verò vna generis huius ponenda sit substantia, an plures, quòtque, ignorare non debemus, sed aliorum etiam sententias meminisse, quandoquidem perspicui nihil de multitudine tradiderunt. Nam quæ de Ideis est opinio, propriam nullam considerationem habet. Quotquot enim Ideas ponunt, numeros illas esse aiunt. De numeris autem, ut de infinitis interdum differunt, aliquando, ut denario conclusis. Cur verò ea sit numerorum multitudo diligenti demonstratione non traditur.

Hactenus constitutum est, substantiam aliquam æternam & immobilem existere, cuius natura actus sit purus ab omni potentia & mutabilitate vacans, indiuidua, & partium magnitudinisque expers: à qua cælum penderet & natura, quæ reuera aliud nihil est, quàm Deus. nunc disputare & perpendere aggreditur, vtrum eiusmodi substantia vna sit, an plures: & si plures, quo numero contineantur. Nec immerito quidem hanc quæstionem expendit, quippe cum plures ante ipsum, (tamen si fabulosè & sub enigmatibus quibusdam, ut paulò post tradetur) de diis & eorum numero fuissent locuti, alij de substantiis immobilibus & æternis, atque corpore vacantibus nonnulla quidem docuissent, sed tamen certum ac definitum earum numerum appetere non explanassent, quemadmodum ipse in his verbis monet. Platonem autem & Socratem intelligit, quos Pythagoricorum de numeris dogma secutos, Ideas, quas inuexerant, numeros esse voluisse, existimat. Quemadmodum in primo & duobus huius scientiæ postremis libris, in quibus sententia hæc refellitur, licet videre. Cum ergo Ideas substantias quasdam æternas & immobiles esse posuissent, & iuxta Pythagoricorum principia numeros esse aut numeris constare voluissent, numerorumque

ipforum nullam certam multitudinem esse tradidissent, sed interdum innumerabiles esse, & nullo termino conclusos, interdum denario comprehensos pronuntiassent, nihil certè de substantiarum immobilium multitudine ab illis traditum esse Aristoteles enuntiat. Sed difficile fortasse non esset, horum virorum sententiam & placitum tueri. quippe qui tot Ideas esse censèrent, quot rerum genera & species in rerum sunt vniuersitate, singulis generibus speciebusq; Ideam suam habentibus. Numeros item infinitos dicerent, quia reuera infinite augeri possunt, nullusque numerus afferri potest, quo alter maior non afferatur: denario autem conclusos, quòd primæ & simplices numerorum species, numerū illum duntaxat attingant, aliis, qui sequuntur, ex eorum compositione omnibus exorientibus. Sed hoc ad substantias immobiles cælorum motrices, de quibus nunc agitur, nihil pertinet. Quas quoniam pertractare Socrates & Plato prætermiserunt, omni eorum in Ideis inuehendis & constituendis oratione consumpta, Aristoteles fortassis redarguit.

Nobis autem ex his, quæ posita sunt & constituta, dicendum est. Principium quidem enim, entiumque primum, per se, & ex accidenti immobile esse, sed primum sempiternumque & vnum motum facit. Quoniam verò id, quod mouetur, ab aliquo moueatur, primusque mouens immobilis per se sit, & sempiternus motus à sempiterno, & vnus ab vno proficiscatur necesse est, quinetiam præter simplicem lationē, quam primam & immobilem substantiam facere dicimus, alias etiam stellarum errantium lationes sempiternas videamus, (Sempiternum enim est, & nunquam con- quiescit orbiculare corpus, vt in Physicis demonstratum fuit) profectò oportet, vt harum lationum

quæque ab immobili & sempiterna substantia per se efficiatur. Non cum stellarum natura, substantia quædam sit sempiterna, vis etiam mouens sempiterna erit, & eo, quod mouetur prior. quod autem substantiâ prius est, substantia sit necesse est.

Quæstionem in verbis superioribus propositam dissolvere, sententiâque suam de substantiarum immobilium multitudine exponere aggreditur: quæ quidem sententia est, non vnam solum esse substantiâ immobilē magnitudinis expertem: sed multas, totque numero, quot cælestes orbés perpetua agitatione conuertuntur. hanc sententiam non simpliciter pronuntiat, sed ratione efficaci confirmat, multis more mathematicorum hypothesibus præmissis, quæ alibi fuerunt demonstratæ, atque in summa decem sunt. Prima, principium primûmque entium omnium per se & ex accidenti esse immobile. Altera, hoc primum principiû primam perpetuamque vnam motionem efficere. Tertia id, quod mouetur, ab alio moueri. Quarta, quod primum mouens est, esse immobile. Quinta, perpetuum motum à perpetuo fieri mouente. Sexta, mouentem vnum, vnam motionem efficere. Septima, alias lationes, præter primam esse, videlicet lationes errantium stellarum. Octaua, lationes eiusmodi esse sempiternas. Nona, id, quod mouet, prius esse eo, quod mouetur. Decima, substantiam eo, quod non est substantiâ, esse priorem. his omnibus hypothesibus sumptis cõclusionem propositam hunc in modû colligit. Si quicquid mouetur, ab aliquo mouetur, vnûsque motus ab vno, & perpetuus à perpetuo mouente proficiscitur, primûsque rei cuiusque mouens immobilis est, & rem, quam mouet prior, substantia item id, quod non est substantia, antecedit, ac lationes aliæ præter primam cernuntur, eæque sempiternæ, tot profectò mouentes sempiterni sint, quot sunt ea, quæ mouentur, necesse est, & illi quidem immobiles atque substantiæ. Quas autem sumit hypotheses, omnes ferè in octauo naturalis auscultationis fuerunt

monstrata. Primum quidem prima, quòd primus sit mouēs, qui sempiternum continentemque motum efficit, quem facere non posset, si villo modo aut per se, aut ex accidenti moueretur. quomodo nec animalium animæ, quæ ex accidenti mouentur, illa mouere semper possunt. Demonstratum verò etiam antea hoc ipsum est, cùm diceretur, si quid est, quod mouetur & mouet, aliquid item, quod mouetur solùm, necessariò aliquid esse, quod mouet, & non mouetur. Altera hypothesis eò demonstratur, quòd primum principium primus sit mouens, idemque vnus, à quo cælum & natura pendet, vt necesse sit primam, vnámque lationē ab eo fieri, sempiternámque à sempiterno. Nec plures lationes ab vno & eodem, quod maximè vnum sit & simplex, naturalitérque moueat, esse possunt, quemadmodum nec lationibus pluribus naturaliter cieri aliquid potest. Naturaliter autē id mouet, vt in secundo de naturali auscultatione est proditū. Mouentes non naturaliter varios motus possunt efficere, quomodo anima, quæ in superum locum & in inferum, & ad latus corpus mouet. Tertia hypothesis eò fuit mōstrata, quòd ea, quæ maximè se mouere conceduntur, veluti animalia, ab alio moueri quodam modo dicantur, quippe quæ à parte, quam in se habent, immobili mouentur. Quod ne accideret quidem, nisi partem aliam continerent, quæ mouetur, & non mouet. Ita, vt pateat, id, quod mouet, & quod mouetur, in his quoque diuersa esse. Sed mouere ipsa se dicimus, quòd anima mouens corpore, vt instrumento, vtatur, eadēque corporis motu moueatur, ita vt totum moueat totum.

Quartæ hypothesis veritatē eò docuit Aristoteles, quòd nisi immobilis sit mouens primus, sed ab aliquo moueatur, primus mouens non erit, quippe qui alium ante se mouentem habebit. Quamobrem, vt primus sit, immobilem esse oportere. primum autem necessariò aliquem esse, ne in mouentibus progressio sit infinita. At verò perpetuum à perpetuo mouente motū fieri ex eo ostensum est, quòd perpetuus motus vnus sit & continuus, qui nisi ab vno eodēque mouente potest effici, quippe cum mouētibz variatis motū quoque

aliud & aliud esse quiete aliqua interceptum esse oporteat. Sexta hypothesis eo modo, quo secunda demonstratur. Septima sensui est evidens, cum siderum errantium varios motus variis temporibus confectos conspiciamus. Octavam in hisce verbis eo corroborat, quod cæli stellarumque ipsarum sempiterna sit natura, eademque nullo unquam tempore conquiescat. quæ duo in libris de Cælo exquisitè demonstravit. Nona, ex his vim habet, quæ antè de actu & potentia sunt tradita, nempe actum aliquem potentia anteire, qui illam moueat, & in actum ducat. Necessè autè non est, quod mouet, eo, quod mouetur, temporis ordine prius sit, ut in his mouentibus, de quibus est sermo euenit, quos tempore ea, quæ mouent, non antecedere, perspectum est. Natura igitur prius esse id, quod mouet, satis est, & id quidem quatenus mouet, aliud autem mouetur. Nam simpliciter & absolutè non necessariò sese antecedunt. Postremam hypothesim, in septimo huius operis pertractauit, eiusdemque (ut vidimus) huius disputationis initio meminit. Quamobrem intelligi potest, rationem, quæ de substantiarum immobilium multitudine conclusa est, ex his conclusam esse, quæ firma sunt, & demonstrata alibi fuerunt.

Perpicuum igitur est, & totidem substantias, & naturâ suâ sempiternas ac per se immobiles, magnitudinisque expertes, ob eam quæ dicta est, causam, necessariò esse. Ac substantias quidem esse, & illarum vnamquamque, iuxta eum, qui in stellarum latèonibus inuenitur, ordinem antecedere, aut consequi, manifestum est.

Superioris demonstrationis conclusio est, in qua illud est obseruandum, nullum discrimen inter hæc substantias, quarum multitudo concluditur, & primam illam hætenus pertractatam poni. Siquidem & sempiternæ & per se immobiles & magnitudine vacantes, quemadmodum & illa, statuuntur, sempiternas autem esse cõcluditur, quoniam motus

sempiternos efficiant, per se immobiles, quoniam mouentes sint primi, quippe cum lationes eiusmodi ab eis, ut mouentibus primis proficiantur. Nam omnium quidem mouens primus ponitur, quatenus primum cælum mouet, primūque motum efficit. Sed primus non est, quia alios moueat, cuiusque efficientiā suos orbes cæteri ciant, quanquam motu, quem facit, omnes simul sphæras conuertit. Ita igitur substantiæ illæ immobiles ponuntur. Magnitudine autem vacantes, ob eam, quæ antea de prima substantia allata est, causam, quod videlicet sempiternum motum efficiant, proinde viribus infinitis sint præditæ, quæ in magnitudine esse non possunt. Ex quo loco intelligere illud licet, quod fortasse absurdum videri possit, omnes hæc substantias viribus infinitis præditas statui. Siquidem in prima vis infinita ponitur, nullamque aliam ob causam, quam quod perpetuò moueat, quod à vi finita fieri non potest. Primam autem hoc modo infinitam esse antea monstrauius. Nullum verò maius incommodum accidit, si hæ infinitis viribus constātes ponantur, quam si prima. Cum verò hæ substantiæ à prima hoc nomine non differant, eo differre putauerit aliquis, quod immobiles duntaxat per se in his verbis dicuntur, cum primum principium & per se & ex accidenti immobile esse traditū sit. Ad cuius rei confirmationem illud fortasse assumet, quod in octauo de naturali auscultatione est traditum, moueri ex accidenti, duplex esse: Vnū ex se, seu à se, quomodo animalium animæ motu animalis, quem faciunt, mouentur: alterum ab alio, & hoc nonnullis etiam eorum in cælo principiis, quæ pluribus lationibus cientur cōuenire. quo in loco cum antea dictū esset, mouens, quod ex accidenti mobile est, motū continuum non facere, possētque aliquis obiicere, mouētes aliquos cælestes, qui perpetuò mouent, ex accidenti moueri, siquidem animæ stellarum errantium hoc modo mouentur, videtur Aristoteles occurrere, atque concedere ex accidenti quidem moueri, sed ab alio, quandoquidem motu, quo sphæræ propriæ à prima mouentur, ex accidenti ciantur. hoc igitur aliquis de substantiarum immobilium motu ex ac-

cidenti, qui in prima substantia nullo modo inuenitur, possit existimare. Quod quâquam dubium admodum mihi est, Aristotelis tamen in loco commemorato placitum videtur esse. Dubium autem esse aio, quod mirandum videatur, errantium stellarum mentes motrices, sphaerarum suarum motu eo, qui est à prima, ex accidenti moueri, quæ motu quem ipsæ faciunt, ex accidenti non mouentur, cum tamen eadem sit ratio. quippe cum à se ex accidenti non moueantur, aut quod à sphaëris, quas mouent, omnino abiunctæ sunt, nec ab eis, ut mortalium animæ dependent, aut quod sphaëras ipsas loco non mouet, cum in eodem loco semper versentur, quorum vtrunvis ponatur, ne à prima quidem substantia ex accidenti poterunt moueri, cum à sphaëris æquè abstractæ, & in eodē loco perseuerent. Quam ob causam nonnulli de sphaëris errantium stellarum non de animabus aut mentibus earum locum illum exposuerunt, ipsisque sphaëras à prima substantia ex accidenti moueri ab Aristotele dictum voluerunt. Sed vtro modo res habeat, conueniunt inter se substantiæ omnes immobiles, quod motu eo, quo suam quæque sphaeram mouet, ex accidenti non mouentur. etsi fortasse inter se differant, quod prima nullo modo, cæteræ motu, qui sit à prima, ex accidenti moueantur. Inquit autem eundem ordinem in eis esse, qui in sphaëris, quas mouent, conspicitur. ut quamquam inter se & immobilitate & materiæ vacuitate, & sempiternitate, & infinitate sint pares, alia tamen aliam ordine quodam antecedit, quomodo prima cæteris omnibus anteit. Porro qui ordo in sphaëris habeatur, quæue illarum prior sit, quæue posterior, in progressu explicabitur.

Lationum autem multitudo ab Astrologia, quæ ex scientiis mathematicis summâ, cum Philosophia affinitate coniungitur, sumenda est. Ipsa enim substantiam contemplatur, sensilem quidem, sed tamen sempiternam. Cæteræ autem nullam, ut Geometria, & quæ est de numeris.

Totidem substantias immobiles esse, quot sunt cælestes lationes & sphaeræ, tradidit, nunc lationum multitudinem ab Astrologia sumendam esse docet, quippe quæ cælestia corpora & eorum accidentia contempletur. Maximâ enim cum philosophia inter omnes mathematicas scientias familiaritate coniungi, siquidem substantiam, quemadmodum & philosophia cōsiderat, cæteris numeros solùm, vt Arithmetica, aut magnitudines, vt Geometria contemplantibus. Est autem substantiæ cōsideratio philosophiæ maximè propria, vt cum tria substantiarum genera sint, vt antea traditum est, in omniū consideratione philosophia versetur. Naturalis quidem in contemplatione mobilium: diuina & prima in contemplatione immobilium. Vnde & huius operis scopus est principia & causas substantiæ inuestigare. Cum ergo in mathematicis scientiis sola Astrologia substantiam consideret, sit vt ad philosophiam propius, quàm cæteræ, accedat. Ita verò substantiam cælestem Astrologus contemplatur, vt tamen non inquirat, elementarisne sit, an ab elementis diuersa, mortalis an sempiterna, quæ illius substantiæ figura motioque propria sit, recta an orbicularis, & eius generis alia, quæ naturalis philosophus contemplatur. De qua Astrologi & naturalis dissensione, atque etiam consensione, in secundo de naturali auscultatione quædâ sunt tradita. Quo etiam in loco ostensum est, alias mathematicas substantiâ non considerare, sed eius tantùm accidētia, & illa quidem per se, non vt substantiæ sunt accidentia. Quandoquidem ea definientes nullam in definitionibus substantiam adhibent.

Plures itaque eorum, quæ feruntur, esse lationes, iis etiam, qui leuiter attigerunt, perspectum est. Stellarum enim errantium vnaquæque pluribus cietur, quàm vnâ. De quarum quidem numero, quæ mathematici nonnulli aiunt, intelligentiæ gratia exponemus, quo definitam aliquam multitudinem mente percipiamus. Reliqua autem

cùm ipsi inuestigando, tum ab iis, qui inquirunt sciscitando quidpiámne eis præter ea, quæ ab illis, qui res has pertractant, nunc dicta sunt, videatur. utroque quidem amare conuenit, sed exquisiti-
oribus credere.

Triplex est motio, quibus stellarum errantium vnam-
quamque cieri, ij, qui vel mediocriter in Astrologia versati
sunt, moueri intelligunt. Vna est manifestissima, quam vul-
gus etiam ipsum apprehendit, ea videlicet, qua ab ortu ad oc-
casum, & rursus ad ortum singulis diebus deferuntur. Alte-
ra est ab occasu ad ortum à vulgari intelligentia remota, quæ
sensu quidem, sed instrumentis quibusdam ad eam rem ad-
hibitis, deprehenditur. huius generis aliæ breui tempore
animaduerti solent, ut solis & lunæ motiones, quarum prior
anno, posterior mense vel circiter conficitur. aliæ longin-
qua egent obseruatione, ut Saturni motio, quæ triginta an-
norum spatiû requirit. Tertia motio est ad latera, qua nunc
ad Meridiem, modo ad Septentriones stellas declinare, per in-
strumenta Astrologi deprehendunt. Cùm verò & aliæ es-
sent motiones, quibus stellæ errantes moueri ponebantur,
earum numerum, qui à mathematicis sui temporis tradeba-
tur, intelligentiæ gratia se expositurum Aristoteles pollice-
tur, quo definitam aliquam multitudinem mente percipere
valeamus. Et quia multa iis defunt, quæ ab illis sunt tradita,
ea, inquit, partim ab vnoquoque inuestiganda esse, partim
ab his, qui inquirunt, sciscitandû. Quo in loco præclare nos
docet, quid in scientia de astris agendum sit. Omnium enim,
qui in ea versati sunt, scripta excutere, & multa proprio mar-
te inuestigare, nec in iis, quæ maiores tradidere, planè acquie-
scere nos precipit. Id verò non immerito, quandoquidem
scientia eiusmodi in his versatur, quæ à nobis magno inter-
uallo disiuncta percipi, nec citò, nec faciliè à quoquam pos-
sunt. Quod ipse Aristoteles in secundo de Cælo docuit, cùm
nonnullas quæstiones de astrorum motibus proponeret, eaf-
g. iij.

que ob maximam illorum à nobis distantiam explicatu difficiles esse affirmaret. Sunt præterea motiones quædam, quibus animaduertendis vllius hominis vita, cum nisi longo tempore conficiantur, haudquaquam est satis. Multarum itaque ætatum obseruationem, eamque diligentem requirunt, ob eamque causam non maiorum solum, sed etiam aliorum qui secuti sunt, scripta excutere, & nos quoque ipsos, vt aliquid inueniamus, diligentiam adhibere, necesse est. Nec enim aliter in Astrologia euenit, atque in ea scientia (quam Geographiam nominant) in qua non maiorum sententiæ, sed posteriorum semper, vtpote magis peritorum standum esse, Ptolemæus & alij præcipiunt. Nam quæ maioribus ob vitæ breuitatē fuere incognita, posteriores illorum scriptis & obseruationibus adiuti in dies inueniunt. Quod in harum scientiarum vtraque videre licet: quandoquidem & stellarum incrantium motum illum tardissimum, quo ad ortum suapte naturā feruntur, Aristoteli & sui temporis Astrologis ignotum, Ptolemæus, & alij posteriores obseruarunt, & plurima in Geographia Ptolemæo ipsi occulta nostra tēpestate fuerunt inuenta. Cum verò Aristoteles & ea expositurū se inquit, quæ mathematici quidam de numero motionum dicerent, & quærendum esse per se, atque ab aliis etiam, qui inquirunt sciscitandum, quidpiamne eis præter ea, quæ ab illis Mathematicis dicta sunt, videatur, exquisitoribus quidem & iis, qui rem ipsam propius attigerint, & magis exquisitè dissuerint, credendum esse, sed tamen utrosque amādos commonefacit. Quod etiam in secundo huius scientiæ, cum de veritate dissereret, præcepit. Non modò enim (inquit) iis gratias agere æquum est, qui veritatem ac disciplinas diligenter tradiderunt, verum etiam illis, qui eas parum attingentes, leuiter ac ieiunè eas tractauerunt. Nam hi quoque utilitatem non paruam nobis attulerunt, dum quæstionibus intellectum nostrum acuentes ac excitantes, ac quasi viam nobis aperientes, nos in earum inquisitionē induxere. Enimvero si Timotheus non fuisset, non tantum modulorum haberemus: quòd si Phrinim ætas illa non habuisset, ne Timo-

theus quidem claruisset. Eodem prorsus modo de iis existimandum est, qui veritatem indagare aggressi sunt. his duobus in locis maximam Aristotelis probitatem deprehendimus, quippe qui eos, quorum studium aliquod in veritate indaganda fuit, & si non planè eam inuenerunt, in vno diligēdos esse, in altero gratiam eisdem habendam præcipiat. Videtur autè Alexāder non satis rectè locū hunc exposuisse: quandoquidem per vtrosque Aristotelē intellexit & maiores, qui de astris disseruerunt, vt verborum eiusmodi sit sensus. Si quid ab iis, qui sunt in hoc studio versati, aliquid dictum videbitur præter ea, quæ nunc à nobis dicuntur, par erit vt posterit, tum nobis, tum etiam prioribus gratiam habeant: quippe quorum studio nonnihil sit inuentum. Fides autem iis erit adhibenda, qui de his accuratius disseruerint. Sed luce clarius constat, hanc verborum Aristotelis sententiam non esse, verū eam, quam nos retulimus.

Eudoxus itaque solis & lunæ lationibus ternas vtriq; sphæras attribuebat: quarum prima, vt inerrantium stellarum sphæra: altera per medium signorum: tertia per eum, qui in signorum latitudine obliquus esset, moueretur. Ampliori autem latitudine eum, per quem luna, quàm iis, per quem sol fertur, obliquari.

Plato cū stellas errantes velocius aliquando moueri, interdum verò tardius, tum antecedere, tum sequi, tum stare, tum ad Australem partem sese conuertere, tum ad Aquilonarē videret, quæ omnia cælestis corporis naturæ aduersantur, cuius motionem conuersionem esse, eamque æqualem, constantem ac sibi similem statuerat, problema hoc Astrologis explicandum proposuit, quonam videlicet pacto illā motionum singularum æqualitate seruata, quanuis inter se comparatæ inæqualitatem haberent, eorum omnium, quæ in cælo fieri circa astra videntur, quorum partem nunc com-

g. iiij.

memorauimus, reddere causas efficienter posset. huic inuestigationi cum multi se tradidissent, Eudoxus primus, vt Simplicius author est, causas eiusmodi reddi posse, existimauit, si tot orbes singulis planetis attribuerentur, quos Aristoteles ex eius sententia in his verbis refert. Ascripsit autem soli tres orbes, propterea quod triplici motu mouere eum conspexit. Vno ab ortu ad occasum, qui esset primæ omnium spheræ, in qua stellæ inerrantes infixæ sunt, alter ab occasu ad ortum secundum successionem signorum, quem annuo spatio conficit. Postremò in transuersum, ob quem motum ab ecliptica quoquomodo recederet. in vtroque enim solstitio non æqualiter solem declinare deprehenderat. hunc igitur triplicem motum cum in sole animaduertisset, totidem orbes illi attribuit, verissimum esse ratus, quod Aristoteles postea docuit, singulos orbes singulis motionibus cieri. Nam quanuis vnus orbis trifariam aliquando moueri videatur, non id tamen euenit, quia eius proprii sint motus eiusmodi, sed orbium superiorum ratione, qui propriis motionibus conuersi inferiores orbes circunuoluunt secum & rapiunt. Ita verò horum solis orbium axes seu polos constituit, vt supremus in eandem partem, super eisdem polos, & eadem, qua octaua spheræ, velocitate moueretur. medius huic contiguus super axe, qui in superficie eclipticæ angulos rectos describit, ab occasu ad ortum, ad quam eandem partem tertium orbem, in quo sydus est infixum, tardissimo motu cieri voluit. Super axe tamen angulos rectos faciente, in cuiusdam orbis superficie, qui à sole proprio centro describitur. Cum verò soli tot orbes & hoc, qui dictus est, modo dispositos attribuisset, lunæ totidem dedit, cum triplicem in ea motionem, quemadmodum & in sole obseruasset. Eorum autem duos superiores iisdem motibus, quibus & solis duo supremi moueri statuit. tertium super axe, qui in superficie circuli à luna proprio centro descripti angulos rectos facit, ab ortu ad occasum motu tardissimo versari, circulumque illum tantum ab ecliptica declinare, quantus maximus est ab ea lunæ digressus. Ita, vt longè ampliori longitudine circulus ille, per

quem luna, quam is, per quem sol ferretur, declinaret.

At verò errantium syderū cuiusque sphæris quaternis cōtineri, earūque primam & secūdā eandem quæ illarū. Nam quæ inerrantium esset, eam ipsam esse, quæ omnes circūueheret, quæ item sub hac collocata per medium circulum signorū volueretur, illam cunctis communem esse. Tertiam verò omnium in medio signorū circulo polos infixos habere. At quartæ lationē per obliquum ad medium huius esse. Tertiæ autē sphæræ polos cæteris quidem suos cuique proprios esse, sed Veneris & Mercurij eisdem.

Cū soli & lunæ ternos orbes Eudoxus dedisset, stellis errantibus, hoc est, Saturno, Ioui, Marti, Veneri & Mercurio, quæ ob vagum earum motum errantes dicuntur, quaternas assignauit, eorūque omnium motum quatuor sphæris contineri voluit. Quarum superiores duæ in singulis stellis eundem planē situm & in eandem partem motionem, in quam solis & lunæ supremæ duæ obtinerent. tertia autem ab Australi parte ad Septentriones super polis in circulo, signorum infixis moueretur, itérque suum eo tempore conficeret, quo singulæ stellæ errantes solis aspectus omnes absoluunt. Id tēpus Astrologi μεταβασιμ nuncupāt. quod in singulis illis stellis iuxta Eudoxi obseruationē aliud est & aliud. Namque in Venere mensibus decem & octo, in Mercurio centum & decem diebus, in Saturno & Ioue tribus (vt plurimum) mensibus, decemque diebus continetur. Quartā tandem sphæram in obliquo quodam circulo, qui non æqualiter in omnibus planetis digreditur, eadem, qua & tertiam velocitate ab ortu ad occasum censuit moueri. hanc autem sphæram posuit, vt motione sua tertiæ sphæræ quasi relictetur, cuius tertiæ conuersione astrum, ad polos vsque zodiaci mo-

ueretur, nisi quarta illa super propriis polis ab ortu ad occasum conuersa repugnaret. Cum verò tot sphaeras singularum errantium stellarum motum perficere voluisset, qua tamen ratione effectuum, qui in ipsis stellis apparent, vt statuum, antecessionum, retrocessionum, & aliorum eius generis ex hac orbium motionumque constitutione causas quis efficientes redderet, nec ab eo, nec ab alio quopiam scriptum aliquid extat. Illud verò adiecit, quatuor illarum sphaerarum, quas singulis errantibus stellis dedit, aut trium, quas soli & lunæ, infimæ cuique astrum infixum esse, quo factum est, vt infimas omnes *ἡσπασμίδας*, superiores verò *ἀνέσπους* Theophrastus appellarit. harum etiam sphaerarum singulas, propria velocitate credidit cieri, de qua libellum ab eo conscriptum meminit Simplicius, qui cùm de velocitatibus inscriptus esset, temporum iniuriâ periit, vt & alia quædam ab illo conscripta. Eudoxi igitur sententia hæc fuit. ex qua intelligimus primam sphaeram positam esse, vt ab ortu ad occasum reliquas & eam maximè, in qua est stella, cõuerteret, alteram, vt stellæ secundum successionem signorum mouerentur. Si quidem super polis zodiaci reuoluitur, suoque motu alias ciet. Tertiam vt à Meridie ad Septentrionē & contra stella declinaret: quartam vt (quemadmodū antea dictū est) motu suo prohiberet, ne ad polos vsq; circuli signorū stella ferretur.

Calippus verò eundem planè sphaerarum situm, hoc est, interuallorum ordinem, quem Eudoxus esse statuit. at multitudinem Iouis quidem & Saturni eandem, quam ille: sed si eorum, quæ apparent, causas reddere aliquis vellet, solis & lunæ sphaeris duas præterea, cæteris autem errantibus vnā cuique adiungendas esse arbitrabatur.

Quæ Eudoxi de sphaerarum multitudine sententiâ fuerit, expositum est. Eum sequutus est Calippus, qui multitudinem illam sphaerarum ab Eudoxo positam ad eorum, quæ apparent, causas reddendas non satis esse animaduertens, alias

quasdam prioribus illis adiungendas esse, vt Aristoteles tradit, existimauit. Itaque septem alias adiunxit, soli & lunæ binas. Marti, Veneri, & Mercurio singulas. totumque sphaerarum solis & lunæ & aliarum errantium stellarum numerum tribus & triginta conclusit. Calippi autem liber minimè extat, in quo causas perspicuè videre possimus, cur sphaeras eiusmodi adiiciendas esse putauerit. Simplicius verò hoc solum refert, Eudemum ex Calippi sententia rationem hanc reddidisse. solstitiorum videlicet & æquinoctiorum tempora differre, quemadmodum Alcmæon & Memnon obseruarunt. Quod si ita habet, tres orbes ad causas eorum, quæ apparēt, reddendas minimè sufficere.

Verum si omnes simul iunctæ ea, quæ apparent, efficere debeant, singulis errantibus totidem alteræ sphaeræ vna minus, quæ primam astri inferioris sphaeram ad eundem situm continenter reuocent, addantur, necesse est. hac enim vna ratione stellarum errantium lationes omnia possunt efficere. Quoniam igitur ex sphaeræ, in quibus feruntur, aliæ sunt octo, aliæ vigintiquinque, atque eas solas retro versari minimè conuenit, in quibus infima stella collocata fertur, sex, duarum primarum, reliquarum autem quatuor, sexdecim reuoluentes erunt, omnes autem, & quæ illas circumferunt, & quæ reuoluunt quinquaginta & quinque. Quod si nec soli, nec lunæ, eæ, quas diximus, motiones adiungantur, sphaeræ omnes septē erunt & quadraginta. Sphaerarū itaque multitudo hæc sit.

Aristotelem Calippi consuetudine vsum fuisse & in rebus ad astra pertinentibus ei plurimum detulisse legimus. Nihil itaque eorum, quæ de sphaerarum multitudine ille statuerat,

sustulit, sed illis seruatis alias viginti duas adiungendas esse existimauit, vt eorum, quæ apparent causæ idoneæ & sufficientes reddi possent. Ita verò sphæras, quas adiunxit, distribuit, vt totidem alteras, quot Calippus posuerat, vnâ tamen minus, singulis stellis errantibus adiecerit, lunâ exceptâ, quæ infimum locum in eis obtinet. Ternas itaque Saturno & Ioui, quibus Calippus quaternas tribuerat, cæteris quatuor, quæ sequuntur, Marti, Veneri, Mercurio, & Soli, quibus quinæ datæ erant, quaternas. has autem necessarias, inquit, esse, vt primam cuiusque astri inferioris sphæram in eodem situ semper contineant, ad eumque perpetuò reuocent, à quo alioqui ob sphærarum superiorum motum, qui ei communicaretur, excedere oporteret. In iis enim non secus euenisset, atque in octauæ sphæræ motione, quæ inferioribus orbibus communicatur, vnde maxima horum motuum perturbatio consecuta esset. Sphæras igitur eiusmodi adiecit, quæ super iisdem, quibus & superiores, axibus, & eadē, qua illæ velocitate in partem oppositam cierentur, hoc ordine & modo, vt prima reuoluens vltimæ deferenti cui adheret, secunda penultimæ, tertia antepenultimæ, & ita in cæteris aduersaretur, super iisdem polis & eadem velocitate contrario motu conuersæ. hac enim reluctatione fieri arbitrabatur, vt illarum superiorum sphærarum motus, sphæris inferioris stellæ non communicarentur. Cùmque prima cuiusque astri sphæra motu octauæ, hoc est, primi mobilis moueri poneretur, quemadmodū antea traditum est, nullumque immineret periculum, vt superioris astri suprema sphæra inferioris supremam motu suo ex eius proprio situ remoueret, quippe quæ eodem planè motu & ad eandem partem mouerentur, nullam sphæram reuoluentem, quæ supremæ responderet, & contrario motu moueretur, adiiciendum esse putauit. Itaque totidem errantibus omnibus vnâ minus adiunxit, atque ἀπὸ τοῦ ὀπίσθενος, ab earum munere vocauit, quasi primam cuiusque astri inferioris sphæram, quæ è situ suo superiorum sphærarum motione, veluti dimoueretur, ad eundem reuolueret, atque in eo continerent: aut etiam, quod superiorum orbium a

motus reuoluant, atque eis relucētentur. Theophrastus verò, quòd contrario motu atque superiores ferretur, ἀνταρὰ φερόν-
 & nuncupauit. Sed vt res dilucidior fiat, planiùsque intelli-
 gatur, hanc sphærarum dispositionem in vno aut altero astro
 exponamus. Saturno quatuor sphæra à Calippo tributæ fue-
 runt, quæ Saturni ipsius motiones omnes, quæ apparēt, per-
 ficerent. Ac prima quidem super polis vniuersi ad eandem
 partem & eadē velocitate, qua octaua sphæra, conuerteretur,
 altera ei cōtigua super polis zodiaci ab occasu ad ortum. ter-
 tia haberet polos suos in zodiaco, & à Meridie ad Septētrio-
 nes deferretur: quarta & postrema, cui Saturni stella infixa
 est, prohiberet, ne stella per tertij orbis motum ad polos vs-
 que zodiaci ferretur. his sphæris à Calippo positis, tres alias
 Aristoteles adiungit: quarum prima eosdem polos & axem,
 quos postrema dictarū quatuor (quas, facilitatis gratiā, defe-
 rentes, quoniā astrum ferant, adiectas verò, reuoluentes, quia
 reuoluant, nominabimus) obtinet, eisque innixa ad oppo-
 sitam partem æqua fertur velocitate. quo fit vt quartæ defe-
 rentis motus nulli inferioris planetæ sphærarum communi-
 cetur. Altera reuoluens super iisdem polis & axe, quibus &
 tertius orbis deferens, eque velociter in contrarium cietur: &
 ne tertij illius deferentis inferioris planetæ orbes motu com-
 municent, efficit. Quod idem euenit in tertio orbe reuol-
 uente: quippe qui super axe secundi deferētis æque velociter
 ad opposita mouetur. Itaque impedit ne illius motum infe-
 riores orbes accipiāt. Ita se habent sphæra Saturni, quas eo-
 dem ordine & modo eæ, quæ Iouis sunt, sequuntur. Primus
 autem deferens, nullum reuoluētē accepit, propterea quòd
 (vt diximus) primum superiorēque cuiusque planetæ or-
 bem impediri ac retrouersari minimè oportebat, cum octauæ
 sphæra motione omnes ciantur: quæ motio & orbes infe-
 riores à proprio situ non remouet, & illis necessariò est com-
 municanda. Sed non solum primo cuiusque deferenti nul-
 lum reuoluētē Aristoteles dedit. Verum etiam nulli ipsius
 lunæ, quandoquidē infra lunam nulli alij essent orbes, quo-
 rum situs idem conseruandus esset, quique impediri deberēt.

ne lunæ motionibus participarent. Atque id est, quod ait, eas solas sphæras minimè retrouersari, in quibus infimum astrum positum est. Quod dictum D. Thomas ad infimam cuiusque planetæ sphæram, in qua stella est infixæ, ineptè retulit, quum satis intelligere liceret, de luna sermonem esse, quippe cum sex tantum astrorum reuoluentes numerentur: sex nempe duorum superiorum Saturni & Iouis, sexdecim aliorum quatuor. Ita ergo Aristotelis sententia quinquaginta & quinque sphære numerantur. Sed illud mirandum subit, quonam pacto cum sint quinquaginta & quinque, si ab eis demantur, quæ soli & lunæ adiunctæ sunt, quadraginta & septem (vt ait) remaneant. Nam si duæ solis, duæque lunæ, quas Calippus adiecerat, auferantur, præterea & aliæ duæ reuoluentes à sole: sublati enim duabus solis deferentibus, reuoluentes etiam, quæ illis respondent, tollantur necesse est, sex tantum erunt, quæ auferentur, quas si ex quinquaginta & quinque dempserimus, quadraginta & nouæ manebunt. An verò (vt Alexander & Simplicius inquirunt) nonnullas lunæ reuolutes adiectas fuisse, ob eamque causam duas tantum sphæras, non quatuor ab ea demi posse, oblitus est? an potius quatuor illas retrouersantes, quas soli adiecit, ab eo demendas ait, cum binis deferentibus, quas utrique soli videlicet & lunæ Calippus adiecerat, vt hoc modo octo demantur? An, quia hoc de sole magis quàm de cæteris dici debere, non videtur, fortasse, vt Soligeni quoque placuit, scriptorum culpâ euenit, vt loco quadraginta nouem, quadraginta & septem scriptum fuerit? Cæterum, quæ de orbium horum situ, interuallis, ordine & motione, quæ ex Eudoxi & Calippi sententia Aristoteles retulit, quæ item de retrouersantium orbium, quos ipse adiecit, necessitate & vsu dici possent, nunc omittentur, quòd proluxa admodum explanatione ac disputatione egeant, quæ Astrologorum magis est propria, quàm eius, qui de rebus diuinis differere instituerit. Illud verò monebo (quod etiam Simplicius fecit) hanc Eudoxi, Calippi & Aristotelis perscrutationem, vt ingeniosam quidem acutamque, sed tamen ad eorum, quæ in cælo appa-

rent, causas reddendas minimè sufficientem probatam fuisse. Plurima enim esse non eorum solùm, quæ à posterioribus astrologis sunt obseruata, quemadmodum & nonæ sphæræ motus, item is, qui titubatio dicitur, quem aiunt ab Arabibus adinuētum esse, verumetiam ex iis, quæ ea tempestate satis erant perspecta, quemadmodum sunt errantium progressionēs, retrocessionēs, & status, quæ semper æquales non sunt, ac ipsa quoque planetarum corpora, quæ non semper eiusdem molis se offerunt, quorum omnium causæ ex illa orbium multitudine reddi satis non possunt. Quod quidem fortasse Aristoteles minimè ignorauit, ob eamque causam, quæ tradidit, non constanter astruxit, sed tum cæterorum scripta excutienda esse, illisque omnibus, qui aliquid inuenissent, gratiam habendam, sed eis credendum, qui accuratius disseruissent, tum verò necessarias demonstrationes apud peritiores requirendas esse docuit. Illud etiā Simplicius in horum trium virorum de orbium numero sententia est admiratus, quòd singulis planetis singulos attribuerint deferentes orbes, qui motu octauæ sphæræ, & eque velociter ac illa mouerentur: cùm illa, quam primam omnium, primūque mobile esse censent, ad omnes orbes inferiores eodem motu cōuertendos sufficere videatur, præsertim cùm nullus reuoluens orbis ab Aristotele additus esset, qui octauæ sphæræ motionem retrouersaret. Sed de hac re tota Simplicius in commentariis librorum de Cælo diligenter ac copiosè disseruit. Disseruerunt & alij viri doctissimi, ex his etiam, quos nostra tulit tempestas, veluti Hieronymus Fracastorius, vir singulari disciplinarum omnium peritia præditus & perfectus, libro ædito, in quo hanc partem eleganter & doctè interpretatus est, variorūque motuum & statuum, quibus stellæ errantes præter corporis, è quo constant, naturam cieri & stare videntur, causas subtiliter reddidit, his Astrologorū placitis repudiatis, quæ naturæ cælestis corporis videbātur aduersari. Illi enim per eccentricos orbes, quos primū omnium, (vt testatur Nicomachus) inuenere Pythagoræ, & globulos quosdam, qui epicycli dicti sunt, apparentium omnium cau-

fas reddunt, cùm tamen natura nec eccentricos, nec globulos illos, villo modo patiatur. De hac eadem re Io. Baptista Amicus ante aliquot annos, cùm omni liberali doctrina pro ætate politissimus esset, vita sanctus disseruit, Calippi & Aristotelis sententiâ expositi, &, (cùm ea ad apparentiũ causas reddendas non satis esse videretur) principiis nonnullis excogitatis, quibus sine eccentricis & epicyclis, eorũ (etiam minutissimorum) causæ redderentur.

Quamobrem & substantias & principia tum immobilia, tum quæ sub sensum cadunt, tot numero esse existimare, rationi consonum est. necessitas enim valentioribus dicenda relinquatur.

Consonum rationi, non autem necessarium, inquit Aristoteles, quoniam, vt Alexander ait, sphærarum numerũ simpliciter protulit, nulla verò necessaria monstrauit ratione, id muneris eis relinquens, qui, cùm in hoc genere sint peritiores & valentiores, accuratius, & magis exactè de eo possunt differere. Simplicius autem in commentariis librorũ de Cælo locum hunc exponēs inquit, Hoc propterea dictum fuisse, quòd (vt antea monuimus) hanc de quinquaginta quinque orbibus opinionem non necessariò veram esse existimaret. cõsentaneum tamen rationi esse, ei assentiri, donec verius aliquid compertum fuisset. Cùm verò de sphærarum numero ita res habeat, necessarium tamen videtur, vt si ea, quæ exposita est, illarum sit multitudo, totidem substantiæ immobiles seu principia mouentia existant. Siquidem vna ab vno mouetur, omniũque primam mouens primus ciet. Quærit verò Alexander in commentariis suis, an principia hæc immobilia, sphærarum animæ & formæ sint, an earum animabus præstantiora quædam principia, ab omni prorsus corporis cognatione liberata. Cui quæstioni respõdet, sphærarum animas non esse, sed alias quasdam substantias corporis expertes sphærarum animabus superiores & digniores. Cùm autem huic sententiæ posse aliquem obicere, quod

Auerrois, deinde & alij multi obiecerunt, videret, substantias illas otiosas fore, & nihil agentes occurrit docens, non ab animabus solum, sed à substantiis etiam illis sphaeras moueri, quo modo & inerrantium sphaera, tum ab anima sua, tum à primo intellectu mouetur, à quo, vt sine fine moueatur, accipit, quandoquidem anima id impartiri non potest. Sed hanc de Caelorum animabus Alexandri sententiam, tametsi magnam habet probabilitatem, in his, quæ antea exposuimus, vt minus firmam, minusque necessariam non probauimus: iis potissimum argumentis ducti, quod nulla animarum eiusmodi apud Aristotelem mentio fieret, & substantiæ immobiles, motus sphaerarum causæ essent effectrices, quæ ad illum efficiendū sufficerent. hæc quoque de substantiarū immobilium numero nunc tradita, illud ipsum declarant, quippe cum totidem esse, quot sphaeras minimè oportebat, nisi efficienter illas mouerent, nec pro motus sempiternitate impartienda singulas singulis sphaeris assignare necessariū erat, quandoquidem vna quædam, videlicet prima, satis præstare id potuisset.

Quod si nulla esse potest latio, quæ deferendi astri gratia non sit, omnis item natura seu substantia impartibilis, ac per se, optimi finis ratione nacta esse censenda est, nulla profectò præter has natura alia erit, sed hic substantiarum numerus sit necesse est. Si quæ enim aliæ essent, mouerent certè, utpote lationis fines. at aliæ præter eas, quæ traditæ sunt, lationes esse non possunt.

Substantias immobiles totidem, quot sphaeræ, quæ perpetuò conuertuntur, necessariò esse demonstratum est: nunc plures illis esse non posse demonstratur. Ac id quidem duabus sumptis hypothesebus: quarum vna est, nullam esse lationem, quæ astri alicuius deferendi gratiâ non sit, ad illudque conuertendum momentum aliquod non habeat. Altera est,

substantiam seu naturam impatibilem & per se, optimum finem esse. E quibus duabus hypothesibus colligit, nullā aliam substantiam immobilem præter eas, quæ traditæ sunt, esse posse. Si enim aliqua statuatur, fieri, vt aut non moueat, finisque optimi rationem non habeat, quod est contra secundam hypothesim, aut si mouebit, alicuiusque lationis finis erit, lationem illam, cuius ent finis, astro nulli deferēdo conducturam, quod primæ hypothesi aduersatur. hoc verò consequitur eo posito, quod astris deferendis lationes traditæ, & ipsis lationibus efficiendis substantiæ immobiles expositæ sufficiant, quod quidem ita se habere antea expositum est.

Quod autem in prima hypothesi sumptum est, verum esse hinc scire licet, quod astra per se moueri, aut in pilæ modum, vt multi censuerunt, volutari non possunt, sed in orbibus infixa, illorum motu perpetuo cientur, vt nulla alia orbium ipsorum ponendorum necessitas fuisse videatur, quā vt astra deferrent, & in orbem perpetuò conuerterent, & si qui essent *Æres pot.* qualis maior illorum pars est, astri ipsius motionem adiuuarent, authorēsque essent, vt variis motibus, qui à nobis conspiciuntur, astrum ciceretur, quemadmodum de sphaeris, quæ singulis astris tributæ sunt, antea est traditum. Ita liquidò constat, nullam esse lationem, quæ deferendo astro aliquid non conducatur. Quod verò de substantia impatibili & per se, hoc est, corpori aut magnitudini non coniuncta (hoc enim valet illud per se) in altera hypothesi sumitur, id ipsum procul dubio est, quod antea tradidit, cum substantiam immobilem optimam esse, atque, vt res expetenda solet, mouere, vniūsq; finis generis, hoc est, finis cui, rationem habere declarauit. Nam quanuis de substantia prima immobili tradita illa esse videantur, omnibus tamen accommodari possunt, cum naturæ eiusdē sint atque essentiæ. Quā obrem vt eo in loco efficientiæ rationem à substantia immobili non remouebat, tametsi ita loqueretur, perinde atque motus cælestis finem duntaxat esse, & vt finē mouere substantiam illam vellet, ita ne his quidem in verbis, in quibus substantiæ immobiles lationū fines esse statuuntur. Ita enim

lationū fines sunt, ut illas tamen efficiant, sed suis ipsarū gratia.

Hoc autem ex his, quæ feruntur existimare, rationi consonū est. Nam si omne, quod defert, suapte naturā eius, quod defertur, gratiā sit, nullam certē lationem suis ipsius, aut lationis alterius, sed stellarum causā esse consequitur. Si enim latio lationis causā erit, illa quoque aliarum causā sit, necesse est. Quapropter, cū in infinitum progredi non queant, diuinorum aliquid, quæ in cælo feruntur, corporum, lationis omnis finis erit.

Quod in proximè expositis verbis sumpsit, nullam esse lationem, quæ ad deferendum astrum aliquod non sit comparata, corroborat, ratione sumpta ex natura eorum, quæ feruntur, quam eiusmodi ait esse, ut id, quod defert, eius, quod defertur, sit gratiā. Nam si eius quod defert, latio, eius, quod defertur, gratiā non sit, effici, ut aut suis ipsius gratiā sit, aut alterius lationis, quorum neutrum concedi debet, ne, si alterius esse concedatur, progressio sit in infinitum, quandoquidem & illa alterius gratiā erit & illa alterius. Suis ipsius autem gratia esse nemo dixerit, quippe cū frustra id, quod defert, deferret: nec ob aliud latio illa est, quā ut illud deferatur: quæ & si ad id, quod defert, referri postremò, ut ad finem possit, eius tamen, quod defertur, gratia primum sit necesse est. Quemadmodum ædificatio, ædificantis quidem gratiā postremò est, sed tamen primum propter domum est comparata: sed hanc rationem Aristoteles, ut notam fortasse prætermisit. In eo verò institit, ut doceret, alterius lationis gratia non esse, & id quidē in lationibus sphaerarum, quarum gratia ratio conclusa est. Colligit igitur, cū nec suis ipsius, nec alterius lationis gratia latio vlla esse possit, ad diuinorum eorum, quæ in cælo feruntur, corporum aliquod ferendum vnamquamque esse comparatam, astrumque aliquod omnis lationis finem esse. Sed dubitatio existit, quod
h. ij.

nam modo diuina illa corpora lationum fines esse queant, cum paulò antè dictum sit, substantias immobiles earundem fines esse, finisque optimi rationem possidere? An verò incommodum nullum est, vnius, & eiusdem rei diuersos fines esse, vt fabricationis domus, cuius nunc meminimus: vnus quidem ipsa domus, quam architectus extruit, alter verò homo cui ad tutelam & commoditatem paratur. Ita igitur & lationum cælestium varij fines esse poterunt, quorum vnus cælestia ipsa sunt corpora, videlicet sol & reliqua sydera, quæ splendore suo omnia illustrent & fouent, in orbemque perpetuò rapiuntur. Alter est rerum, quæ oriuntur & occidunt, ortus & interitus perpetua conseruatio, quæ syderibus, & sole potissimum, in orbem non circūlatis nullo modo esse posset. Sed supremus atque præcipuus illarum lationum finis, substantiæ sunt immobiles, quæ optimæ cum sint, summæque desiderabiles, suamque perfectionem & bonitatem cælestes sphaeras mouendo conseruari intelligant, sui ipsarum amore ductæ ad illas mouendum excitantur.

Illud verò perspicuum est, cælum vnum esse. Nam si plures, quemadmodum homines, sunt cæli, vniuscuiusque principium specie vnum erit, & numero multiplex. At quæ numero multa sunt, materiam habent. Vna enim & eadem multorum ratio est, veluti hominis. Socrates autem vnus est. Prima verò essentia, quando quidem actus est, materiam non habet. Primùm ergo illud mouens, quod immobile manet, & ratione & numero vnū est, quapropter & illud, quod perpetuò & continenter mouetur, vnum erit, cælum itaque vnum.

Hæc de mundi vnitatem (nam per cælum mundum intelligit) demonstratio ad hunc locū pertinere non multū videtur, quanquā Alexander inquit, ei qui de principio mouente

differuit, de corpore, quòd moueatur, inquirendum etiam
 manere. Fortasse verò ad illud pertinet, vt id, quod demon-
 stratum est, confirmetur: nempe substantias immobiles his,
 quæ traditæ sunt, necessariò plures non esse. Nam si mundi
 plures essent, nec hic, in quo degimus, solus existeret, alias
 quoque immobiles substantias esse oporteret, quippe cùm sin-
 guli orbes suos haberent, qui suis motionibus à propriis mo-
 uentibus cicerentur. Vnum ergo esse mundum ob hanc for-
 tassis causam Aristoteles demonstrat, quod quidem in pri-
 mo de Cælo, sed alia ratione, antea monstrauerat. nisi dice-
 retur hanc demonstrationem ad cõfirmandum id, quod dix-
 it, in lationibus progressione in infinitum non esse, per-
 tinere. Nam qui mundum vnum statuunt, lationes finitas
 ponere coguntur: nempe eas, quas oculis spectamus. Sed
 quæcunque tandem eius rei demonstrandæ occasio fuerit,
 demonstratio ex eo vim suam sumit, quod in libris de Cælo
 demonstratū est, mundos plures, si essent, eos numero dun-
 taxat, non item specie posse differre, quippe qui ex iisdē spe-
 cie simplicibus corporibus constarent, iisdēque specie mo-
 tionibus cicerentur. Quod cùm ita haberet, efficeretur quo-
 que, vt primi eorum mouētes non maiori inter se differen-
 tia discreparent, quandoquidem ratio non patitur, vt mo-
 uentes effectricēsque causæ maiori inter se distent interuallo,
 quàm ea, quæ ab eis mouentur. Itaque plures essent mouen-
 tes primi numero duntaxat, non item specie differentes. hoc
 autem esse non posse, Aristoteles nunc docet. Ea enim in-
 quit numero multa esse, & specie inter se non differre, quæ
 materiam habent, cuius substantias immobiles & mouen-
 tes primos expertes esse, quippe, quæ sint actus, traditū est.
 Essentia enim prima materiam (inquit) non habet, per es-
 sentiam primam, quod ipse ἡ πρώτη οὐσία πρῶτη nominat,
 primam immobilem substantiam intelligens, aut certè pri-
 mam cuiusque rei essentiam, ad quam materia nullo modo
 pertinet, vt quæ forma sit & entelechia. Primi itaque mo-
 uentes cùm essentiæ essent quædam materiæ expertes, fieret
 vt numero solo inter se differre non possent. quod tamen ac-

cideret, si plures mundi ponerentur. Porro perspicí huic licet, quæ de multitudinis ac numeri in eadem specie causa sit, Aristotelis fuerit sententia, siquidem materiæ manifestè id tribuit. Alibi etiam apertè hoc ipsum docuit, tum in hoc ipso opere, tum in libris de Cælo. Nam & ea vnum numero esse, quorum materia est vna: diuersa, quorum diuersa tradidit, & multa numero illa esse, quæ materiâ cõstat, quorúmque substantia in materia est posita. hinc mundi vnitatem, in primo de Cælo demonstratam sibi ipsi obiiciens dubiam esse, pluresque mundos aut esse, aut esse posse ostendit, quandoquidem materiâ mundus constet. Quanquam ratione eam momentum in se nullum habere postea docuerit, quòd non quemadmodum alia, quæ materiam habent, ex illius parte quadam, sed ex tota constaret, cùm extra vniuersum nihil sit omnino, ob eamque causam necessariò vnum esse, quod omnia intra se cohibeat. E quo loco intelligitur non perpetuò materiam multitudinis in eadem specie causam esse, sed tum solùm, cùm res ex tota materia non cõstat. Vnicus enim homo necessariò esset, si ex tota materia hominibus gigneretis idonea cõstaret. Quemadmodum & sol vnicus est, quoniam materiâ totam, ex qua constare aptus est, nullius mortalitatis participem intra se habet. Sed de his aliàs. Illud verò, à materia multitudinem proficisci, inde quoque scire licet, quòd ipsa essentia ex se differentiam nullam habet. Eodémque modo ab omnibus participatur, vt si ad eam materia, & quæ materiam consequuntur, non accesserint, vnica numero res maneat, necesse sit. Quæ autem à nonnullis de differentia indiuiduali, quam echeitatem nominant, excogitata sunt, subtilia quidem & ingeniosa videntur, sed in Aristotelis doctrina vana sunt & cõmentitia, nullamque firmitatem habentia. Quis enim vel mediocriter in Aristotele versatus ὕλην, hoc est, materiam pro echeitate sumptam inquam legit? Eam materiâ multitudinis in eadem specie causam Aristoteles vult esse, quam substantiis immobilibus negauit, cuius natura potentia est. Ac de his quidm satis. Cùm igitur primus mouēs vnus duntaxat numero sit, nempe ma-

terizæ expers. Vnum etiam primū, quod perpetuò & cōtinenter mouetur, esse concludit: itaque cælum vnum. Vsurpauit autem (vt antea monui) *ὁμοειδὲς*, vt vniuersum significat, quæ admodum sæpe in libris de Cælo consuevit.

Est autem ab antiquis veteribûsque fabulæ modo traditum, posterisq; relictum, & deos hos esse, & totam naturam diuino numine cōtineri. Reliqua verò fabulosè allata sunt, cū ad multitudinē persuadendam, tum ad legum, & eius, quod cōducit, vsum. Humana enim aliorūque animalium specie eos effingunt, alia etiam complura, quæ hæc consequuntur, ac cum iis, quæ dicta sunt, similitudinem habent, adferunt. A quibus si quis primū illud abiunxerit, sumpseritq; illos, primas substantias deos esse existimasse, diuinè dictum esse arbitritur, ac (vt verisimile est) vnaquaq; arte & philosophia sapius (quoad facultas tulit) inuentis, ac rursus deletis, has quoque illorum opiniones, quasdam veluti reliquias, vsque nunc seruatas fuisse. Paterna itaque ac maiorum opinio hætenus solū nobis perspecta est.

Consuevit Aristoteles placita sua maiorum autoritate (si fieri possit) confirmare, & cum his, quæ à cæteris, qui de iisdem rebus disseruerunt, aut apertè, aut inuolutè tradita sunt, consentientia esse ostendere. Hoc igitur in disputatione de substantiis immobilibus, seu de diis nunc facit. Quos cū esse, cælestesque sphaeras motibus suis ciere, cælūque & naturam ab illis ipsis pēdere docuisset, ait à veteribus antiquisque fabulæ modo traditum, posterisq; relictum fuisse, & deos hos esse, & totam naturam diuino numine contineri. Cætera verò, quæ de diis fabulosè dixerunt, quemadmodum huma-

nam, vel aliorum animalium speciem eos habere, aliosque ex aliis procreatos omnia hæc excogitata esse, tum ad vulgi persuasionem, usumque legum, tum ad vitæ humanæ utilitatē. A quibus tamen omnibus fabulose efficitis, si quispiam primum illud abiungat, quod primas substantias deos esse crediderunt, hunc diuinę ab illis pronuntiatum esse arbitratum, veteremque hanc de diis sententiam antiquis illis temporibus floruisse, & ad eam usque ætatem (quasdam veluti reliquias) peruenisse crediturum, ynaquaque arte & philosophiā alluuiorum temporumque iniuria sæpius deletis, rursumque (quoad fieri potuit) exortis. Hæc Aristoteles. An verò res ita habeat, ut mentes has materiæ expertes fabulis suis veteres illi inuolutas intellexerint, necne, difficile cognitu est. Quippe cum nihil in eorum monumentis legatur, quod de eo certiores nos faciat. Illud verò compertum est deos esse, naturamque totā numine diuino contineri ab illis (quanuis fabulose) proditum fuisse, quale illud est, Iouis omnia plena. Illud item ad vulgi persuasionem, usum legum, humanæque vitæ utilitatem fabulas de diis effictas fuisse, ita habet. Non enim temerè aut inutiliter humanā forma deos effinxerunt, sed ut homines à mutuis vulneribus (ut Alexander ait) deterrerentur, memores, qui hominem lædit, diuinā formam lædere, atque iniuria afficere. Aliorum etiam animalium figuras non sine hominum magna utilitate diis tribuerunt, veluti Ibiū, quos, cum serpentium innumera multitudo Aegyptum vastaret, eorumque vim maximam ab illis confici Aegyptiorum maiores intelligerent, quo homines ab interficiendis illis gentis suæ conseruatoribus deterrerentur, lege cauerunt, ne cui liceret interficere: deos enim, si quibus appateret, in Ibiū formam sese ostendere. Nec verò solæ belluæ in deorum numero à maioribus sunt habitæ, sed res quoque inanimatæ multæ ex magnis earum beneficiis, deorum nominibus nuncupatę & cultæ. Quicquid enim magnam utilitatem afferret generi humano, id non sine diuina bonitate erga homines fieri arbitrabantur. Itaque tum illud, quod erat a Deo natum, nomine ipsius dei nuncupabant: ut cum fruges Cererem appel-

larent, vinum autem Liberum, ex quo illud Terentij, Sine Cerere & Libero friget Venus: tum autē rem ipsam, in qua vis inest maior aliqua, sic appellantur, vt ea ipsa vis deus nominaretur, vt fides, mens, quæ in capitolio erant dedicatæ. Duo præterea alia deorum genera apud veteres fuisse leguntur. Vnum eorum, qui ob beneficiorum multitudinem, quibus homines affecerant, in deorum numerum fuerunt relati, vt Hercules, Castor, Pollux, & alij. Aliud eorum, quos ratione aliqua Physica in deos referre hominibus (& poetis præsertim) placuit. veluti Saturnus, quem cum esse voluerunt, qui cursum & conuersionem spatiorum ac temporum contineret, vt Græcū nomen *χρόνος*, quod idem valet, quod *χρόνος*, indicat. Saturnum autem appellatum esse, ait Cicero, quod saturaretur annis: ex se enim natos comesse fingere solitum, quia consumit ætas temporum spatia, annisque præteritis insaturabiliter expletur. Cū verò hunc in modum deos suos fabulis inuolutos veteres tradidissent, primasque substantias fabulosa illa tradendi ratione deos esse intellexissent, hanc illorum de diis sententiam, quasdam veluti reliquias, vsque nunc seruata ait fuisse, quasi diceret, opinionem de diis diuinòque numine totam naturam continente nouam non esse, sed veterē & antiquam, etsi fabulosè proditam. Reliquias autem, inquit, quod multa alia & de diis & de aliis rebus veteres illi prodidissent, quæ temporum iniuriā exciderint. Opinionem autem de diis illorum esse reliquias, quæ scientiis & artibus, sæpius (vt verisimile est) deletis, & (quoad fieri potuit) rursus inuentis, hætenus fuerit reseruata. hinc simile est, quod in primo de Cælo de ipsius cæli sempiternitate, quam demonstraerat, tradidit. Opinionem enim eam nouā non esse docuit. Sed apud veteres primū floruisse, qui eius rei gratiā *αὐτῆς, ἀπὸ τοῦ αἰὸς αἰῶν*, hoc est, ab eo, quod semper curreret, cælum ipsum nominarint, opinionemque eiusmodi excidisse, quod opiniones infinites aboleantur, eademque infinites existant. Quod igitur ibi de cælo & opinionibus traditū est, hic de diis & scientiis atque artibus traditur. Nec verò mirandum, seu opiniones, seu scientias, ar-

tésque interire, rursúsque existeré: quandoquidem eluiones, incendia, pestes, & bella, eius generis esse queunt, quæ maximam orbis partem ad internecionem veluti ducant. ipsæ etiã per se opiniones, artésue & scientiæ ab hominibus neglectę interdum euanescent atque abolentur, tum post certa temporum interualla cælestibus corporibus ad id vim suam influentibus eadem exoriuntur.

Quæ autem ad mentem pertinent, dubitationes aliquas habent. Omnium enim eorum, quæ perspiciuntur, diuinissimum esse videtur. at quo pacto sese habens eiusmodi sit, id tum demum explicatu difficile est. Nam si nihil intelligit, quidnam præclarum erit? quippe, qui dormienti similis habebitur. Sin intelligit, atque huius alia res sit author, quandoquidem id, quod essentia eius est, intellectio non est, sed potentia, substantia profectò optima non erit. Ex intelligendi enim actu præstantia dignitasque illi inest. Iam verò siue mens, siue intelligendi actus eius sit substantia, quidnam intelligit, aut enim se ipsam, aut diuersum aliquid, quod si diuersum, idémne semper, an aliud & aliud? An igitur quicquam, an nihil potius refert vtrum, quod præclarum est, intelligat, an quiduis, an aliqua intelligat, absurdum est.

Præstantissimam Dei actionem, cuius meritò summam admirabilitatem in se habere dictus est cum dubitationibus nonnullis coniunctam esse, commonefacit: & quæ sint dubitationes eiusmodi aperit, easque actione ipsa constituta & patefacta breuiter dissoluit. Ea autem est intellectio, de qua dubitando hac via ingreditur. Aut enim (inquit) mens illa diuina nihil intelligit, & in otio agit, aut in alicuius intelli-

gentia versatur. Ac siquidem nihil intelligit, præclara profectò, præstansque & eximia res non erit, imò verò à dormiente non differet, qui intelligendi quidem vim habet, sed somno detentus nihil intelligit. Si verò intelligat, & quidpiam contempletur, dubium existit, an per aliquam potentiam intellectio illa ei insit, in eoque intelligēdi munere versetur, ita ut illa intelligendi sit author, nec ipsius mentis substantia intellectio sit, an potius ipsa per se intelligat, suæque ipsius substantia sit intellectio, quæ à potentia nulla proficiatur. Nam si primùm affirmetur, mens illa, substantia profectò optima non erit: quippe quæ perfectionem suam maximam ipsa per se non habeat, sed ab alio, hoc est potentia, & intelligendi actu, qui eius substantia non ponitur, accipiat. Quòd si ipsa per se non per aliquam potētiā intelligat, suæque ipsius substantia intellectio esse statuatur, aliud dubiū exoritur, quidnam videlicet intelligat: an se ipsa solū, an diuersum aliquid, & si diuersum, idēne semper, an aliud & aliud: præterea an quæuis sine vllō discrimine, seu bona sint & præclara, seu mala & vilia, an aliqua intelligat & contempletur, absurdum est. hæ primæ sunt dubitationes, quæ de Dei intellectu exoriuntur. Quarum omnium perspicua satis est intelligentia, eo vno excepto, quod in secūda dubitatione proponitur, quandoquidem quid per potentiam, quæ intellectiōis author ponatur, intellexerit non planè apertum est. Alij enim (ut Auerrois) ad obiectum externū referunt, quod ut in nobis euenit, intellectum excitando intellectiōis author videtur, quæ intellectio extrinsecus pendens idem non est, quod ipsa intelligēs substantia. Alij verò (ut Alexander) ad potentiā intelligēdi referūt, quæ ut intellectus intelligat, causa videtur esse, quippe quæ nisi esset, intelligere intellectus non posset, eaque ab intellectus substantia diuersa est. Quæ sententia ei, qui hunc locū diligēter expendit, probabilior superiori videatur, necesse est. De obiectis enim intellectum mouentibus in ea, quæ sequitur, dubitatione sermo est, cum dubitatur an se, an diuersum quidpiam intelligat. Sensus ergo dubitationis talis est, Vtrum mentis intellectio suaipsum

substantia non sit, sed ita mens illa comparata sit, ut facultatem, qua intelligere possit, à sua substantia diuersam obtineat, qualis facultas in nobis, nostraq; mente inest. Perspicua verò Aristotelis ratio magis esset, si cum ait, *ὅτι γὰρ ἔστι τοῦτο*, &c. legeretur *ὅτι ἔστι τῆς*, &c. hoc est, nec id, quod est substantia eius, intellectio est. Illa enim particula *γὰρ*, causam reddens, difficultatem facit, cum nulla causę redditio esse videatur. Quin potius aliud antecedens, ex quo vnà cum priori consequens colligatur, hunc in modum: Sin intelligit, & huius aliqua res est author, nec id, quod est eius substantia, intellectio sit, sed potentia, substantia profectò optima non erit. Quare illud *ᾧ*, loco *ἐν*, accipiendum videtur, quod sæpe fieri ab Aristotele ex Alexandro didicimus. Nisi ita exponamus: Sin intelligit, & huius aliqua res sit author, quia id, quod est essentia eius, intellectio eius non ponatur, sed potentia: qui exponendi modus defendi potest, ut illud non sit alterum antecedens, sed eius, quod mox dixit, veluti explicatio. Sed utro modo exponatur, consequitur certè, ut optima substantia, si eius intellectio & essentia differunt, non sit, quandoquidem præstantiam suam ab actu intelligendi, qui diuersus ponitur, & potentia illa accipiet. At in actu quidem intelligendi præstantiam dignitatẽque eius mentis consistere dubium non est, neque id affirmare absurdum est, sed illud, actum videlicet intelligendi à substantia mentis diuersum esse. Quod ad priorem dubitationem attinet, dormienti, si nihil intelligat, mens assimilatur, quòd quemadmodum dormiens potentiam quidem intelligendi habet, actu tamen nihil intelligit, ita & mens illa intelligendi vi prædita erit, actu nihil contemplans. Quo fit, ut hoc modo se habes, præclarum nihil in se sit habitura. Quid enim præclarum in eo, qui dormit, esse possit, quandoquidem actionibus suis propriis destituitur? An verò ignem præclarum iudicabimus, qui non calefaciat? aut cibum, qui non alat? quis artifex cõmendatione dignus est, qui non ea, quæ artis suæ sunt, agat & molietur? Inde hominis fœlicitatem in virtute actiuosa Aristoteles ponit, quoniam virtus quæcunque, si ab opere suo

vacaueris, à propria perfectione recessisse multum videtur. In Olympicis ludis (in primo Ethicorum idem author ait) non ij, qui eleganti sunt forma, aut corpore robusto, coronantur, sed qui decertât. Ex actione igitur cuique rei propria omniû perfectio dependet: operêque & actione omnia definiuntur. Quamobrem nulla in Deo mêtêque illa perfectio erit, nulla præstantia, si otio marcescere, & veluti dormiens ab intellectione vacare statuatur. Intelligit itaque, nec dormit, nec vt dormiat (quemadmodum ferunt de Endymione) timendum est. Cæterû quid intelligat, vtrum se, an diuersum quidpiam, & illud, an semper idem, an aliud & aliud, præterea an bona sola, an quæuis sine vllò delectu, an verò quædam intelligat, absurdum est, hæc, inquam, omnia inquisitione digna sunt, quæ in verbis sequentibus explicantur.

Illud itaque perspicuum est, eam id, quod diuersissimum est, & præclarissimum intelligere, neque mutari: ad deterius enim mutatio, & quidam præterea motus hoc ipsum esset.

Cùm in fine superiorum verborum dubitasset, an bona sola, an quæuis sine vllò discrimine mens diuina intelligeret, & veluti respondēs interrogationis modo adieciisset, an etiâ aliqua ab ipsa intelligi absurdum esset, quæstioni propositæ & omnino omnibus, quæ de eius intellectione allatæ sunt, satisfacturus, hoc imprimis docet, quod antea etiam explicatum fuit; nempe mentem hanc diuinam id, quod præstantissimum est & diuinissimum intelligere: nec ab eius intelligentia recedere, quippe quòd ad id, quod peius est, intelligendum necessariò se conuerteret: cuiusque intellectione mutatio in deterius esset, siquidem præstantissimum vnum est, eoque præstantius nihil. Motus quidam præterea in eiusmodi intellectione esset, quæ duo tanquam absurda, & quæ de illa mente affirmari non debeant, assumit. Diuinissimum porrò & præclarissimum ab ea mente intelligi, rationi consonum est. quippe, quæ diuinissima & præclarissima, omniumque rerum

optima, ob eamque causam, ad id, quod diuinissimum & præclarissimum est, intelligendū magis, quàm cæteræ mentes, accommodata. Nec minus cum ratione coniunctum est, ut ab illius intellectu non recedat, ut Aristotelis rationes ostendunt, quæ id ponūt, vnum esse, quod diuinissimum est: ideo ab eo recessum esse non posse, nisi ad deterius, idq; morū habere coniunctum, qui in mente illa poni non debet, quæ omnis mutabilitatis prorsus est expertus. Neque verò dignum esset, ut mentem illam diuinissimam ab vnius rei intelligentia ad aliam alterius moueri, multoq; magis ab eius, quod diuinissimum est, ad deterius aliquod censeremus.

Ac primū quidem si intelligentia non sit, sed potentia, continentem illum intelligendi actum laboriosum esse, rationi consonum est.

Mentem illam diuinissimam id, quod diuinissimum est & præclarissimum intelligere, & ab eius intelligentia non recedere, in proximis verbis traditum est. Ex eo rationē colligere videtur, qua corroboret id, quod paulò antè docuit: nempe, mentis substantiam intellectiōem esse, non autem potentiam, quæ illius intellectiōis sit author. Si enim mens illa id, quod diuinissimum est, perpetuò intelligit, eius intelligentia omni labore vacet, profectò necesse est. Violentum nanque id omne est, quod laboriosum est: nullūque, quod vim patiatur, perpetuò potest durare, vimque illam omni tempore perpeti, laboris igitur mentis eius intelligentia expertus cum sit, eam ipsam eiusdem mentis substantiam esse Aristoteles concludit. Quam consequutionem Alexander hunc in modum monstrat: Quemadmodum (inquit) homini hominē esse laboriosum non est, propterea quod eius substantia in eo, quod homo sit, posita est, cōtinenter autem ingredi munus homini est laboriosum, quia substantia eius in ambulando non consistit, ita & mentis diuinæ intelligentia nullius laboris particeps erit, si ipsius mentis substantia fuerit, quæ certè aduentitia si esset, laborem coniunctum habe-

ret. D. autem Thomas hanc consequutionem eò monstra-
uit, quòd si Dei intelligentia substantia eius non fuerit, sed à
potentia aliqua & facultate pendeat, cùm facultas omnis res
contrarias æquè capiat, potestatemque agendi nihil habeat,
quod idem aliquando non agere possit, efficiatur, vt mens il-
la ab intelligendi munere cessare interdum queat. Quocirca
si intelligentiam continuare voluerit, continuationem eam
extrinsecus capiat, necessarium esse. Itaque non vi sua, sed
aliena cōtinēter intelligere, quod absq; labore esse non possit:
quandoquidem externum omne & aduētitiū, laboriosum
esse consuevit. Sed dubitatio existit, cur cùm intellectus no-
stri substantia in eo, quòd sit intellectus, intelligatque, sita es-
se videatur, eadem tamen continenter intelligere laborio-
sum est, quippe, qui in rei alicuius contemplatione diutius es-
se non potest. An verò falsum est, intellectus nostri substan-
tiam in eo vt intelligat positam esse, quin potius suapte na-
tura potentia est, quæ nisi certis temporibus in actum educi
non potest: nec ea quidem per se, sed ab iis, quæ per sensus
accepta ad ipsum ducuntur. Nihil igitur mirum, si laborio-
sam intellectiōem experiatur, præsertim cum materiâ & in-
strumentis corporis, videlicet phantasmatibus, quæ in cor-
pore insunt, vtatur. Sunt verò & aliæ contra Aristotelis ra-
tionem dubitationes, quæ ab interpretibus adduci consueue-
runt. Vna de animis nostris, quæ à corpore solutæ continua-
tā intellectiōe sine vllō labore fruuntur, quarum tamen in-
tellectio ab earum substantiā diuersa est. Altera de cælo, quòd
perenniter contorquetur, & illud quidem absque omni labo-
re, cuius tamen motionem illius substantiam esse nemo dixe-
rit. Illud etiam afferunt, quòd defatigatio quæuis ex mate-
riæ contagione oriri videatur, cùm scilicet animalis vires
nimia corporis aut animi cōtentione remollescunt. Quam-
obrem cùm mens illa omnis materiæ experta sit, nihil cogere
vt defatigetur, quanquam eius intellectio sua ipsius non sit
substantia. his argumentis, & secundo præsertim, Thomas
ductus, Aristotelis rationem non necessariam, sed probabi-
lem esse asseruit, laborem in actionis continuatione, tum so-

lūm accidere inquit, cū vel actio illa, vel quod actionem perpetuat, agētis naturæ aduersatur. Alij necessitatem in ratione esse defendentes, laborem necessariò consequitur, si intellectio mentis, substantia eius non sit, ed putauerūt, quòd non omnino simul & vno intuitu mens illa, sed singula separatim intueri poterit, aliudque ex alio comprehendet. Quæ intelligendi ratio cum his solum cōuenire videatur, qui sensus adminiculum in intelligendo adhibent, illæque perfacile debilitari & frangi consueuerit, mentem eam, quæ eo modo intelliget, defatigatum iri inquit: sed ex his omnibus dubitationes allatæ haudquaque diluuntur. Integrum enim adhuc manet, esse aliqua in perpetua actione, & ea quidem sine labore, quæ illorum substantia non est, nempe, animas corpore solutas, & cælum. Quamobrem, dicendū, animas corpore solutas in intelligendi munere versari, Aristoteli non compertum fuisse, quinimo docet, eorum, quæ in vita didicimus aut intelleximus, nihil post mortem intellectum remanisci, quia phantasia intereat, sine qua nihil intelligit. Illud verò potius vrget, quod in tertio de Anima traditur, intellectum nostrum perpetuò intelligere, & non aliquando quidem intelligere, cū tamē nostri intellectus intellectiōnem, eius substantiam esse negauerimus. Quod fieri videtur, vt aut perpetuum aliquid laboriosum sit, aut si hoc esse non potest, intelligentia hominis sine labore perpetua sit, eadēque tamen ab intellectus differat substantia. nisi concesserimus intellectus eius nostri, qui perpetuò intelligere ponitur, intellectiōnem, ipsius intellectus substantiam esse. quod ipse quoque Aristoteles eo in loco tradere videtur, cū ait eam substantiā actum esse. Est verò intellectus is, qui simpliciter omnium hominum est intellectus: qui ab intelligentia nunquam vacat. Quatenus autem in singulis hominibus inest, ea parte potentia est, & certo tempore intelligere incipit, nec in intellectu semper perseuerat. Qui verò intellectuōnem intellectus nostri, eius substantiam esse negaret, fatigari quidem illum in intelligendo, eundēque perpetuò intelligere concederet. Sed vt singulorum hominum merito non per-

petuò intelligit, ita & eorum habita ratione fatigari. Simpli-
citer autem & perpetuò intelligere, cuiusque intellectiōnem
laboriosam non esse. Quod ita non habet in mente diuina,
quæ vna cū sit, perpetuò & sine labore contemplatur. Ale-
xander nullam, ex eo tertij de Anima loco difficultatem sen-
tit, quippe qui de Deo seu de mente diuina eum exposuit: sed
contra Aristotelis sententiam. Ad eam dubitationem, quæ
de cæli motu est, dici potest, intellectiōnis & motiōis cæli
diuersam esse rationem, quòd hæc actiō sit extrà proficiscēs,
illa in eo maneat, quod agit. Poterit igitur motiō sine labore
perpetuari, quandoquidē vis infinita illam facit, idque, quod
mouetur, perpetuò moueri naturā suā est comparatum: &
quia in illud recipitur, fieri non potest, vt eius quod mouet,
substantia sit: sed neque ipsius, quod mouetur, liquidem ab
alio proficiscitur. Intellectiō autem in intellectu manet, quæ,
si ipsius intellectus substantia non sit, aduentitium quiddam
erit, ipsaque intellectus substantia, potentia quædam, quæ
intelligere, & non intelligere poterit, prout ab eo, quod in-
telligendum est, mouetur: cuius generis potētiæ laborem in
agendo habent coniunctum. Dixerit etiam aliquis: mentem
illam diuinam, cū intelligendo & appetendo cælum mo-
ueat, actiōnem illam, quodammodo eius substantiam esse.
Quamobrem antea cū perpetuam aliquam existere sub-
stantiam primam Aristoteles doceret, sempiternum motum
esse non posse tradidit, nisi aliquod esset principium, cuius
substantia actus esset. Paulò post etiam, cū demonstraret
aliquod mouens esse omnino immobile, cōcluserit esse aliquid,
quod cū mouet, non mouetur, quod substantia sit & actus,
quasi actum ea parte esse primam substantiam veller, qua
motionem efficit. Quod verò de fatigationis naturā obiiicie-
batur, ita dilui potest, vt dicamus, mentem diuinam omnis
materiæ expertem nunc quidem esse, nec vllō modo ab ea
pendere: quæ tamen eius ope indigeret, si eius intelligentia
sua ipsius substantia non esset. Nulla enim forma, cuius actiō
à substantia sua diuersa sit, videtur esse, quæ vel in materia
non insit, vel ab ea in agendo aliquo modo non pendeat.

Quòd si mens diuinæ materiæ adminiculo vteretur, continuare intelligentiam sine labore non magis posset, quàm nunc humanus intellectus queat. Ac hæc quidem de his dubitationibus satis sint dicta.

Illud deinde perspicuum est, aliquid dignius præstabiliusque fore, quàm mens sit, id videlicet, quod intelligitur. Quinetiam intelligere, & eius quoque, quod pessimum est, intelligentia in intelligente inerit. Quare cùm id sit fugiendum (quandoquidem aliqua satius sit non cernere) intelligentionem id, quod optimū est, non esse cōsequetur.

Mentem diuinam potentiam non esse, nec eius intelligentionis causam authorémque potentiam dici, sed ipsammet intelligentionem esse, duabus aliis rationibus videtur confirmare. Quanquam & id demonstrent, alienam rem nullam ab eiusmodi mente intelligi. Prima igitur ratio est, quòd nisi eius substantia intellectio sit, sed potentia, omnium rerum dignissimam præstabiliissimamque ipsam mentem non fore. Sed dignius aliquid & præstabilius futurum, id videlicet, quod ab ea intelligetur. Quæ ratio ex eo vim sumit, quòd si mentis substantia, potētia sit, non intellectio, ab alio in actum ducatur oporteat: quemadmodum mens nostra, quia naturā substantiāque suā potentia est, à rebus intellectibilibus in actum educitur. A se verò in actum duci, haudquaquam potest: quandoquidem nihil se mouet, nullāque potentia in actum se ducit, sed ab alio, quod actu sit, ducatur necesse est. Cùm ergo quod actu est, quatenus actu est, eo, quod potentia est, præstantius digniusque sit, profectò efficitur, ut si mentis substantia potentia sit, aliquid esse concedamus, quod dignitate illi anteceat: illud videlicet, quod sub eius cadens intelligentiam, eam ad actū trahit. Altera ratio ad aliud ducit incommodum, quod est, mentem illam diuinissimam, pessima quæque intellecturam, cuiusque intelligentionem optimam non fore: quandoquidem pessimorū intellectio non in opti-

morum solum genere poni non potest, sed neque in bonorum, quippe cum nonnulla eius sint generis, quæ non cernere & intelligere satius sit, quam cernere & intelligere. Cuiusmodi diceretur concubandi, aut etiam furandi, seu occidendi optima ratio. hoc autem, quod dictum est, incommodum eo consequitur, quod cum potentia esse mens illa ponitur, natura ei tribuitur, quæ rerum omnium intellectum sit capax, qualem hominum mentem, in tertio de Anima statutum est. Nec verò aliquid erit, quod impediatur, si bona intelligere & contemplari possit, quin in malorum quoque & pessimorum intellectione interdum versetur, præsertim cum potentia ad utrumque contrarium pateat, quanquam ad vnum per se, ad reliquum ex accidenti. Iam verò si pessima quæque intelligat, eius intellectio optimam non esse consequitur: siquidem intellectio optima est, quæ est optimorum. Quamobrem cum eius intellectio sit optima, illud fugiendum est, ut quæque sine ullo delectu etiam pessima ab illa intelligi concedamus. Quod ad verba attinet, cum in principio secundæ rationis particula, *ἢ* legeretur, hunc in modum *ἢ ἢ τὸ νοῦν*, &c. hoc est, etenim intelligere, quæ lectio indicabat non rationem nouam esse, sed eius, quod dictum erat, causæ redditionem, Alexander commonescit, particulam, *ἢ*, desiderari, ut diceretur. Præterea intelligere, &c. Ego verò putavi illud *ἢ*, incuria scriptorum incertum fuisse: & particulam, *ἢ*, quæ legitur sufficere, ut rationem nouam afferri intelligamus.

Se ipsa igitur intelligit, siquidem optimum est, atque intellectio intellectiois intellectio est.

Quoniam mens illa diuinissima, potentia non est, nec alienum quicquam intelligit, ne pessima quæque intelligere concedatur, eademque tamen in intelligendi munere perpetuò versatur, idque, quod diuinissimum est & præstantissimum, intelligentiæ suæ apprehendit, ipsum se intelligere, siquidem omnium optimum est Aristoteles concludit: itaque intellectioem intellectiois esse intellectioem, quippe cum
i. ij.

ipsa sua ipsius sit intellectio, idémque est, quod intelligit, quod intelligere & intellectio. Atque hæc quidem est de mentis diuinæ intellectione Aristotelis sententia, quæ magnas (nisi quispiam diligenter animaduertat) contradictiones patitur. Insipientissimū enim Deum esse, & ipso etiam homine longè insipientiorē statuere videtur. quo quid nefarium magis, aut etiam ipsi Aristoteli aduersum dici possit non video. Eodem nanque argumento, in primo huius operis, tum etiam in primo de Anima, contra Empedoclem vsus est. Nam cū ex igne, aere, aqua, terra, cōcordia & discordia omnia, præter Deum, qui discordiæ expers fuerit, effecta esse Empedocles tradidisset, animū præterea humanum ex illis sex principiis confectum esse, vt res omnes contemplari posset, voluisset: quippe qui in ea erat sentētia, vt simile simili agnosceretur, his Aristoteles obiecit, ex eis consequi inquirēs, Deum homine insipientiorem fore, vt qui discordiam, ex qua non constaret, assequi intelligentiā non posset, quam tamen homo, qui intra se illam cohiberet, cogitatione, & animo apprehenderet. Hoc igitur incommodum, quod Empedocli Aristoteles obiecit, ipsi quoque, si se ipsa tantū mens diuina intelligat, obiiicitur. Insipientior enim homine mens illa erit, siquidem homo rerum omnium intelligentiā informari potest. Est & mundi administratio, rerūque humanarum cura, de quibus in Moralibus ad Nichomachum, & alibi ita differit, & loquitur, vt omnia à Deo regi & administrari, rebusq; humanis prouideri apertè statuere videatur. Quæ profectò vera esse non possunt, si rerum aliarū cognitione destitutus, in sui solum intelligētia consistat. Illud etiam huic loco aduersari, rerūque omnium cognitionem, & illam quidem præstantissimam Deo tribuere videtur, quod in primo huius operis legitur: Sapientiam, quæ est rerum omnium & causarum cognitio & scientia, quandoquidem sola libera sit, hominis, qui multis conditionibus seruus est, possessionem non esse: sed Simonidis sententiā Dei solius, qui omni libertate donatus est. hæc & eiusmodi alia diuinam mentē non se solum intelligere, sed alias etiam res omnes ipsius Aristotelis

decreto declarāt. Quid igitur est, quod hoc in loco statutum est, mentem illam alienum nihil intelligere, quod etiam pessima quæque contemplaretur, se autē solum, quia optima est, contemplari. In hac locorum pugnantium conciliatione, atque Aristotelis veræ sententiæ explicatione Peripatetici multi se torserunt, multaque scriptis mandarunt, quæ à me alio in loco separatim expendentur. Nunc breuiter dicam, hanc, quæ hoc in loco scribitur, Aristotelis esse sententiam, existimandum esse, siquidem quæstionis de Dei intelligentia proprius locus est. Ad hunc itaque cætera omnia accommodare enitendum est, quod aliter fieri videtur non posse, nisi animo concipiamus, mentem illam diuinam se intelligēdo cætera omnia intelligere, quippe quæ virtute in illa cōtineantur, & ab ea vt omniū authore & causa proficiantur. vtrum verò vniuersim solum, an etiam singulatim omnia apprehendat, magna quæstio est. Quæ de mundi administratione & hominum cura in moralibus scribuntur, singulorum per se intellectuonē ei tribuunt: sed ita fortasse ei, qui hominum mores instituebat, erat scribendum. Quicquid autem Aristoteles senserit, nos singulorū intellectuonem, curam & prouidentiam credimus.

Atqui scientia, sensus, opinio, ac ratio alterius cuiuspiam esse semper videntur, sui autem obiter. Præterea si aliud est intelligere, aliud intelligi, ex vtro eorum, quòd bene se habeat, ei contingit? nec enim intellectuonis & eius, quod intelligitur, ratio eadem est.

Dubitationibus de præstantissima Dei actione, hoc est, intellectuone, per quam omniū optimum est, explicatis, alias quasdam ex his, quæ dicta sunt, exorientes assert, quarū prior ob id, quod dictum est, intellectuonis intellectuonē esse, existit. Illud enim falsum videtur, quandoquidem scientia, sensus, opinio, & ratio non in se ipsius, sed in alio quopiam semper

versentur. quod si in se, illud est obiter, & quasi ex accidenti, & ut ipse ait, ἐν παρέρῳ, quod in omnibus inducendo facile est intelligere. Scientia rem aliquā propositam habet, quam cōtemplatur, alicuiusque semper scientia est, non sui, nisi obiter, quatenus se, aut contemplatricem esse, aut actiuam, aut simile quiddam declarat, ut cū medicina docet se rerum valentium ægrotantiumque esse scientiam. Sensus non sui est, sed rerum sensilium, sui autem ex accidenti, quatenus res sensiles apprehendendo, se quodammodo sentit, eadēque ratio est opinionis & rationis. quod si in his ita res habet, intellectiōem quoque alterius esse non sui consequitur. Altera dubitatio ex eo occasionem habet, quōd Deum optimum esse, & bene se habere; quia in intellectuione perpetuō versetur, eūque seipsum intelligere dictum est, ita ut & intelligens sit, & id, quod intelligitur: quæritur ergo vtrum quōd bene se habeat, ex eo quod intelligat, proficiatur, an ex eo quod intelligatur: siquidem eius quod est intelligi & intelligere rationes diuersæ sunt.

An in quibusdam scientia, res est: in effectricibus quidem essentia sine materia & ratio essentia, in contemplatricibus verò ratio & intellectuō res ipsa est. Cū ergo intellectus, & quod intelligitur diuersa non sunt, ea profectò quæ materia vacant, eadem erunt, & eius, quod intelligentia apprehenditur, vna intellectuō.

Propositarum dubitationum priori responder negans scientias & artes, alterius rei semper esse. Nā cū duo scientiarum sint genera, vnum in contemplatione sola possum, alterum in agendo, sciētiā in vtroque genere idem esse, quod res, quæ apprehenditur, cuius est ipsa scientia. In contemplatricibus enim rei definitionem & intellectuōem ipsammet rem esse, atque idem in effectricibus vsuuenire: præsertim

cùm id, quod apprehenditur, materia omnia vacet: siquidem in his, quæ materia carent, id, quod intelligit, & quod intelligitur, eadem sunt: quæ omnia ita se habēt, & cum his consentientia, quæ in tertio de Anima & alibi sunt prodita. Perspicuum autem est, scientiam effectricem idem esse, quod res in qua versatur, vt artem extruendæ domus idem quod domus, non quidem ea, quæ è lapidibus constat, sed quæ animo architecti insudet: ad quod fortasse respiciens dixit, in quibusdam, cùm scientiam non idem esse, quod res extra animum videret. Quod verò de contemplatricibus scientiis dicitur, in tertio de Anima explicatum est, vbi actu scientiam seu contemplationem idem esse, quod res quæ intelligitur & scitur, bis tæue traditum est. Cùm igitur in vtroque scientiarum genere res ita habeat, nihil iam videtur ob stare, quominus in his, quæ materiâ vacant, intellectus, intellectio, & quod intelligitur, eadem sint. Ita consequitur, intellectiionem suiipsius esse posse.

Sed dubitatio præterea remanet, si concretum est, quod intelligitur, quippe cùm in totius partibus mutaretur, an indiuiduum omne est, quod materiam non habet, quemadmodum humanus, aut rerum concretarum intellectus aliquo in tempore se habet: non enim in hoc aut illo, sed in toto quodam, optimo, quod aliud quiddam est, fruatur. Ita verò ipsa suiipsius intellectio in omni quo afficitur.

Videtur dubitatio hæc ex eo, quod traditum est, id, quod intelligit, quod intelligitur, & intellectiionem, vnum idemque esse, exoriri: quandam enim compositionem in eo quod intelligitur, si hoc ita habeat, inesse, existimare fortasse aliquis possit. hoc verò ait dubitationem habere, quandoquidem si compositum esse id, quod intelligit, in partibus totius

compositi intelligendis mutaretur, quippe quod non vno temporis puncto eas intelliget, sed diuersis. dubitationem autem soluit inquiring illud omne, quod materiam non habet, indiuiduum esse, quasi diceret, mentem illam diuinam, quæ intelligitur, etsi idem sit, quod res, quæ intelligit, & intellectio, concretam non esse, sed indiuiduam & partibus vacantem, siquidem materiæ est expers. Eam igitur se intelligere, non vt concretū quidpiam, cuius partem vnā vno in tempore, aliam in alio intelligat, sed vt simplex, & omnino indiuiduum in eodem temporis puncto. Nam & humanum intellectum breui illo tempore, quo optimo suo, hoc est, felicitate, fruitur, mentem diuinā cōtemplando, non in vno temporis puncto hanc Dei partem intelligere, in alio aliam, sed totum in vno & eodem. quod ergo aliquo tempore homini euēnit, id diuinæ illi menti in omni æuo accidere. Ita dubitationi Aristoteles satisfacit. Intellectum autem hominis cōpositorum intellectum nominat, quod eius proprium sit composita apprehendere, vt in tertio de Anima proditum est. Intellectus à materia prorsus abiuncti simplicissima intellectuione fruuntur, & quæ simplicissima sunt, duntaxat apprehendunt. temporis etiam punctum, totum nuncupat, non quod partibus cōstet, sed quia simul est, quod totius est proprium. Porro de humani intellectus optimo statu superius aliqua dicta sunt, illudque ipsum, quod hic attingitur, traditum, Deum sempiternis temporibus eo statu gaudere, quo homo breui tempore fruitur. Auerrois in horum verborum expositione falsa deceptus translatione, quemadmodum & alibi sæpissimè, in multis à veritate aberrauit, multaque attulit ad rem non pertinentia.

Illud verò etiam considerandum est, vtra in re vniuersi bonum & optimum consistat, an in separato aliquo bono, quod ipsum per se sit, an in ordine, an in vtroque, quemadmodum exercitus, in ordine enim illud positum est, & in imperatore

atque in hoc magis, quandoquidem non ab ordine imperator pendet, sed ille ab imperatore.

De actione Dei præstantissima, qua beatus est, & apud se manet, Aristoteles differuit, dubitationesque in ea exorientes dissoluit: nunc, qua ratione mundum administret & regat, instituit docere, quod aliorum interpretum nemo videtur animaduertisse, quin potius locum hunc pulcherrimum contaminasse verius, quam exposuisse. Ita verò à Deo vniuersum administrari Aristoteles docet, vt quodcunque bonum in eo esse conspicitur (quod quidem maximum est) id ipsi Deo referri acceptum velit. Ad quod explicandum quæstionem hanc adducit, utrū causa, propter quam vniuersum bono & optimo fruitur, diuersa quædam substantia sit per se consistens, quemadmodum Deus, an ordo potius, quo dispositum est & digestum: quam quæstionem mox diluit, ab utroque affirmans id proficisci, præcipuè tamen à causa separata, qui ordinem illum in vniuerso cōstituit, non secus atque exercitus bonum, in ordine quidem & imperatore cōsistit, sed longè præstantius in imperatore, à quo omnis ordo, qui in exercitu est, proficiscitur. Siquidem ille omnia disponit, collocat, digerit, quo sine nullus esset ordo, imò verò totius exercitus magna perturbatio, quæ perniciem ei afferret. De hac verò vniuersi bonitate, quæ à Deo pendet, & quomodo ordinis vniuersi, qui in eo conspicitur, causa sit, libellus de mundo ad Alexandrum legatur, in quo omnia pulcherrimè & pietati consentaneè explicantur. Et, vt cætera, quæ de hac re dici possunt, prætermittamus, quod in naui gubernator est, in curru auriga, in choro præcentor, in ciuitate lex, & (vt hic dicitur) in exercitu imperator, hoc idem in mundo est Deus, nisi quòd illis ipsis principatus laboriosus est, perturbatus & anxius. Deus autem expers omnis mœstitiæ, laboris, & fatigationis.

Omnia verò inter se ordinata sunt (quanuis non eodem modo) aquatilia, volucres, & plantæ, ne-

que ita se habent, vt vni generi cum altero nulla sit conuenientia. aliqua enim est, quippe quæ ad vnum omnia sunt ordinata. At quemadmodum in domo hominibus liberis, quibusuis occupari non licet, sed omnia aut pleraque ordine sunt disposita, mancipia autem & bruta, pauca quidem eorum, quæ ad communem pertinent vtilitatem, multa verò temerè faciunt. Cuiusque enim ipsorum natura principium est eiusmodi. Dico autem veluti inter se omnia necessariò esse discreta, alia verò ita habent, vt ad vniuersi constitutionem, omnia illis participant.

Quoniam tradidit ipsius vniuersi optimum, hoc est, perfectionem maximã in ordine, quo continetur, partim consistere, & illum quidem à prima causa proficisci de hoc ordine, in his verbis agit, triaque in summa docet: vnum, omnia ordinem habere: alterum, omnium ordinem eundem non esse: tertium, ad vnum quidpiam omnia referri, quod est vniuersi perfecta constitutio. Quæ omnia similitudine domus pulcherrima illustrat, in qua domo, si rectè sit cõstituta, pulcherrimus quidem omnium rerũ ordo cernitur, non tamen omnibus eadem agere licet. sed varia sunt munera, cuique pro ingenio, & natura iniuncta, cùm videamus liberos ad virtutem & disciplinam educari, actionesque eas exercere, quæ ad decus & emolumentum societatis plurimum conducant. Seruos autem & belluas aliis quibusdam sordidis operibus absque vllò delectu addici, quæ interdum domui non multum afferunt emolumenti. haud igitur aliter in vniuerso (inquit) euenire, in quo quædam ad ipsius naturam maximè faciunt, alia minus: quædam pulcherrimo ordine, alia casu quodam & ratione fortuita disposita cernimus. Sed vt in domo quæcunque sint, & quomodocunque disposita, ad

domus conseruationem & constitutionem omnia pertinet, ita in vniuerso, quâuis naturæ sint dissimiles varięque distinctæ, quandam tamen inter se conuenientiam habere, nonnullaque cum omnibus esse communia, quæ omnia ad ordinatam vniuersi constitutionem pertinent. Ac omnia quidem perspicua videntur, præter id, quod ait. Cuiusque enim ipsorum natura principium est huiusmodi, & cætera, quæ sequuntur, vsque ad finem. Sed verba eiusmodi ad explicandum cur ita in vniuerso, vt in domo res habeat, posita videntur, eorumque talis (vt mihi quidem videtur) est sensus. Natura rerum omnium, quæ sunt in vniuerso, principium & causa est, cur res ipsæ & inter se distinctæ sint, & distinctis muneribus fungantur, & ad vnum quoque referuntur, eodémque participant, quod quidē est vniuersi ipsius cōstitutio & ordo. Atque hæc quidem sunt, quæ de Deo & cæteris mentibus diuinis Aristoteles differuit. Cætera, quæ sequuntur, aliorum philosophorum de principiis substantiæ, quæ huius duodecimi initio inuestigare instituerat, opiniones continent.

ERRATA SIC CORRIGITO.

Pagina 21. lin. 25. de prima & pag. 29. li. 3. iudicabat.
 pag. 31. li. 20. dextrâ pag. 36. li. 24. nunc verò pag. 37. li. 2.
 quod in Cos. pag. 38. li. 26. semper fuerint pag. 45. li. 5. tu,
 qui in orbem fit pag. 48. li. 10. in verbis hisce pag. 48. li.
 21. mouet, mouere & moueri pag. 48. li. 23. cū vsque
 pag. 48. li. vlt. & illa pag. 51. li. vlt. ratione pag. 52. li. 28.
 substantia occupat. pag. 55. li. 31. diligendum. pag. 57. li.
 29. mouere pag. 60. li. 22. altero, hoc est, mente. pag. 70.
 li. 27. vel in infantibus. pag. 77. li. penult. aliquando no-
 uimus pag. 95. li. 2. Nam cum pag. 95. li. 29. & re, quam
 pag. 104. li. 1. sufficiēter possent. pag. 104. li. 8. altero pag. 110.
 li. 18. nullas pag. 118. li. 1. hinc licet. pag. 125. li. 16. diuinissimū
 pag. 135. li. 1. omni vacet eadem li. 8. insidet ead. vlt. li.
 compositum est

REIGN OF

CHARLES THE FIRST

BY

JOHN BURNET

OF THE UNIVERSITY OF OXFORD

IN TWO VOLUMES

LONDON

Printed by J. Streater, at the Sign of the Gun, in St. Dunstons Church-yard, near the North Gate

1704

By Authority

Printed by J. Streater, at the Sign of the Gun, in St. Dunstons Church-yard, near the North Gate







